

**M. T. CICERONIS
EPISTOLÆ
QUÆDAM
FACILIORES IN
USUM...**

Peter Selby, Marcus Tullius
Cicero



BIBLIOTECA NAZ.
Vittorio Emanuele III

XLII

B

6

NAPOLI

37 x 11
B
6
4

6



8

7

Libris M. T. CICERONIS *9. Staurm*
ex Aula de Clara Cantab. 1754.

EPISTOLÆ

Quædam Faciliores

In Usū SCHOLARUM Selectæ

ET

Ad EDITIONUM optimas accurate
tissime expressæ.

Autpe

P. SELBY, A.M. Scholæ Grammaticæ, in
Christi Orphanotrophio apud Londinenses,
PRÆCEPTORE.

PLINIUS SABINO Suo.

*Neque enim eadem nostra conditio, quæ M. TULLII, ad
cujus Exemplum nos vocas. Illi enim & copiosissimum
ingenium, & ingenio varietas rerum magnitudoque lar-
gissime suppetebat. Lib. II. Epist. 2.*

LONDINI,

Prostant apud B. MOTTE, S. BALLARD,
& G. MEADOWS. MDCCXVII.





Viris summo honore colendissimis

D^{no} D^{no} FRANCISCO FORBES
Equiti, Præsidi,

D^{no} D^{no} GEORGIO MERTTINS
Equiti, Thesaurario,

Cæterisque Dignissimis Christi Orphanotrophii GUBERNATORIBUS,

Hunc M. T. CICERONIS ad familiares epistolarum delectum, suorum laborum primitias, animi in illos gratissimi, & in scholam illorum favore huic demandatam fidelissimi, pignus, humillimo obsequio

Dat, dicat, dedicatque

Illis Addictissimus

Petrus Selby.



A D

LECTOREM.



E Authore, quem tibi nunc in manus do, nihil est, Amice Lector, quod te promovere debeam, nec de hac nova Epistolarum Selectarum editione pluribus, quam opus est, verbis te morabor. In qua suscipienda juventutis scholasticae commodo inservire cupiens, eas, quae puritatem & perspicuitatem sermonis, itidemque materiae dignitatem & familiaritatem exhibere mihi videntur, in hunc librum congeffi, ut venustates Ciceroniani styli & argumenti in hac cum familiaribus suis consuetudine eodem labore perciperentur. In eum finem, suasorias, hortatorias,



A D

LECTOREM.



E Authore, quem tibi nunc in manus do, nihil est, Amice Lector, quod te præmonere debeam, nec de hac nova Epistolarum Selectarum editione pluribus, quam opus est, verbis te morabor. In qua suscipienda juventutis scholasticæ commodo inservire cupiens, eas, quæ puritatem & perspicuitatem sermonis, itidemque materiæ dignitatem & familiaritatem exhibere mihi videntur, in hunc librum congeffi, ut venustates Ciceroniani styli & argumenti in hac cum familiaribus suis consuetudine eodem labore perciperentur. In eum finem, suasorias, hortatorias,

torias, congratulatorias, & consolatorias faciliiori sermone & apertiore sensu sese juventutis captui explicantes maxima ex parte selegi, easque ad editionum optimas exegi, ut ad linguae proprietatem & materiae vim faciliior pateret aditus. Et, ne quid ex Typographicis erratis obstaculum inferretur, summam curam adhibui, singulas paginas diligenter inspexi, & emendavi, ne qua sub prælo commissa errata legentis animum vel minima difficultate implicarent. Et si hac mei diligentia & judicio juvenibus quid profecero, temporis & laboris impensam non gravabor.





Epistolarum O R D O cum
paginis quibus unaquæ-
que indicatur.

A ULO Trebonio, qui in tua	Pag. 1
Quaquam me nomine	2
<i>Gravi teste privatus sum</i>	4
<i>Rupæ studium non defuit</i>	5
<i>Hæc negotia quomodo se habeant</i>	7
<i>Sera gratulatio reprehendi</i>	9
<i>Putaresne unquam accidere</i>	12
<i>Officium meum erga Rhodonem</i>	14
<i>Cum optatissimum nuntium</i>	16
<i>Si ipsa respublica tibi narrare</i>	18
<i>Cum & contra voluntatem</i>	21
<i>Vehementer te esse sollicitum</i>	22
<i>Accipio excusationem tuam</i>	27
<i>Etsi eo te adhuc consilio</i>	32
<i>Neque monere te audeo</i>	36
<i>Etsi nihil novi, quod ad te</i>	38
<i>Plurimum valuisse apud me</i>	39
<i>Querenti mihi jamdiu</i>	41
	<i>Hominis</i>

viii Epistolarum O R D O.

<i>Hominis importunissimi</i>	46
<i>Literæ Q. fratris</i>	47
<i>Et si statueram nullas ad te literas</i>	49
<i>Si tu exercitusque valetis</i>	51
<i>Quantum meum studium</i>	54
<i>Non oblivione amicitiae nostrae.</i>	58
<i>Et si egomet qui te consolari cupio</i>	62
<i>Et si ea perturbatio</i>	64
<i>Peto a te ne me putes</i>	70
<i>Superioribus literis benevolentia</i>	72
<i>Novi quod ad te scriberem</i>	74
<i>Quotiescunque filium tuum video</i>	79
<i>Vereor ne desideres officium.</i>	82
<i>Quod tibi non tam celeriter</i>	90
<i>Cum esset mecum largus</i>	94
<i>Cum A. Cæcina tanta mihi</i>	97
<i>Dolabellam antea tantummodo</i>	98
<i>Et si tali tuo tempore</i>	100
<i>Non ea res me deterruit</i>	103
<i>Scripsit ad me Cæsar</i>	105
<i>Ex tuis literis. & Q. fratri</i>	107
<i>Miror cur me accuses</i>	109
<i>Et si quid scriberem</i>	111
<i>Mihi vero ad Nonas</i>	113
<i>Vel meo ipsius interitu</i>	114
<i>Gratulor Bais. nostris.</i>	116
<i>Et si contentus eram.</i>	117
	<i>Sum-</i>

<i>Summum me ducem literæ</i>	I 21
<i>Et abfui proficiscens</i>	I 23
<i>Cum ipsum Furnium vidi</i>	I 26
<i>Gratissima mihi tua literæ</i>	I 29
<i>Binas a te accepi literas</i>	I 31
<i>Quæ locutus est Furnius noster</i>	I 33
<i>Plura tibi de meis consiliis</i>	I 36
<i>Si cui forte videor diutius</i>	I 38
<i>Et si satis ex Furnio nostro</i>	I 42
<i>Quanquam gratiarum actionem</i>	I 44
<i>In te & in collega</i>	I 46
<i>Nunquam mehercule, mi Cicero</i>	I 47
<i>Facere non possum</i>	I 52
<i>De meo studio erga salutem</i>	I 56
<i>Quo in statu simus cognoscite</i>	I 57
<i>De tua fide & benevolentia</i>	I 60
<i>Si de tua in me voluntate</i>	I 62
<i>Lupus familiaris noster</i>	I 64
<i>Eodem exemplo literæ</i>	I 66
<i>Lamia uno omnium</i>	I 67
<i>Dubitanti mihi</i>	I 69
<i>Auget tuus amicus</i>	I 71
<i>Quanto studio dignitatem</i>	I 73
<i>Brevitas tuarum literarum</i>	I 75
<i>Grata mihi vehementer</i>	I 76
<i>Libentissime legi tuas literas</i>	I 78
<i>Caius Anicius familiaris meus</i>	I 80
a	Non

x Epistolarum O R D O.

<i>Ego nullum locum prætermitto</i>	181
<i>Non modo te, cui omnia</i>	183
<i>Caio Aviano Evandro</i>	185
<i>Aulum Fusium unum ex meis</i>	186
<i>Si vales, bene est, ego quidem valeo</i>	187
<i>Alici epistola communiter</i>	190
<i>Asclapone Patrensi, medico</i>	192
<i>Hagasaretus Larissæus</i>	193
<i>C. Flavio, honesto & ornato equite</i>	194
<i>Multos tibi commendem</i>	195
<i>Et literis multorum</i>	196
<i>Noli putare me ad quenquam</i>	200
<i>Accepi ab Aristocrito</i>	203
<i>Marcellum tuum, consulem</i>	206
<i>Te & pietatis in tuos</i>	207



E R R A T A.

P A G. 47. Lin. 20. lege *fratris*. P. 69. Lin. 23. lege *excusat*. P. 74. Lin. 4. lege *γλαῦκ'*. P. 98. Lin. 10. lege *Trebatio*. P. 101. Lin. 4. lege *familiarissimis*. P. 109. Lin. 8. post idem dele *punctum*. P. 111. Lin. 16. lege *habebam*. P. 112. Lin. 18. lege *γλαῦκ'*.

L I B E R



LIBER PRIMUS.

EX LIBRO I. ad fam. EPIST. III.

ARGUMENTUM EPISTOLÆ.

Aulum Trebonium, amicum suum, splendidum equitem Romanum, ad Ciliciam navigantem Lentulo istius Provinciæ Proconsuli commendat.

M. T. C. P. *Lentulo* S. D.



U LO Trebonio, qui in tua provincia magna negotia, & ampla, & expedita habet, multos annos utor valde familiariter. Is cum antea, semper & suo splendore, & nostra cæterorumque amicorum commendatione grâtissimus

B

mus

mus in Provincia fuit; tum hoc tempore propter tuum in me amorem nostramque necessitudinem vehementer confidit his meis literis se apud te gratiorem fore; quæ ne spes eum fallat vehementer rogo te; commendoque tibi ejus omnia negotia, libertos, procuratores, familiam; in primisque ut quæ Titus Appius de ejus re decreverit, ea comprobes, omnibusque rebus eum ita tractes, ut intelligat meam commendationem non vulgarem fuisse. Vale.

EX LIBRO II. ad fam. EPIST. I.

ARGUMENTUM.

Accusatus a Curione quod minus sæpe scriberet, excusationem affert cum officii sui commemoratione; deinde dolorem suum ex illius absentia, & ex ejusdem dignitate letitiam narrat. Tunc ad laudem & virtutem hortatur, & commendat illi suam senectutem.

M. T. C. S. D. C. Curioni.

QUANTUAM me nomine negligentiae suspectum tibi esse doleo, tamen

tamen non tam mihi molestum fuit accusari abs te officium meum, quam jucundum requiri: præsertim cum in quo accusabar, culpa vacarem; in quo autem desiderare te significabas meas literas, præ te ferres perspectum mihi quidem, sed tamen dulcem & optatum amorem tuum. Equidem neminem prætermisi, quem quidem ad te perventurum putarem, cui literas non dederim. Etenim quis est tam scribendo impiger quam ego? A te vero bis terve summum & eas perbreves accepi. Quare si iniquus es in me iudex, condemnabo eodem ego te crimine; sin me id facere noles, te mihi æquum præbere debebis. Sed de literis hætenus. Non enim vereor ne non scribendo te expleam; præsertim si in eo genere studium meum non aspernabere. Ego te abfuisse tamdiu a nobis & dolui, quod carui fructu jucundissimæ consuetudinis; & lætor, quod absens omnia cum maxima dignitate es consecutus; quodque in omnibus tuis rebus, meis optatis fortuna respondit. Breve est, quod me tibi præcipere meus incredibilis in te amor cogit; tanta est

B 2 expecta-

4 LIBER PRIMUS

expectatio vel animi vel ingenii tui, ut ego te obsecrare obtestarique non dubitem, sic ad nos conformatus revertare, ut quam expectationem tui concitasti, hanc sustinere ac tueri possis. Et, quoniam meam tuorum erga me meritorum memoriam nulla unquam delebit oblivio, te rogo, ut memineris, quantæcunque tibi accessiones fient & fortunæ & dignitatis, eas te non potuisse consequi, nisi meis puer olim fidelissimis atque amantissimis consiliis paruisses. Quare hoc animo in nos esse debebis, ut ætas nostra ingravescens, in amore atque in adolescentia conquiescat tua. Vale.

Ex eodem LIBRO ad fam: EPIST. II.

ARGUMENTUM.

Consolatur Curionem in obitu patris, ac se illi parentis loco futurum pollicetur.

M. T. C. C. Curioni S. D.

GRAVI teste privatus sum amoris summi erga te mei, patre tuo clari-

clarissimo viro ; qui cum suis laudibus, tum vero te filio superasset omnium fortunam, si ei contigisset, ut te ante videret, quam e vita discederet. Sed spero nostram amicitiam non egere testibus. Tibi patrimonium dii fortunent. Me certe habebis, cui & carus æque sis, & jucundus, ac fuisti patri.

Ex eodem LIBRO ad fam. EPIST. III.

ARGUMENTUM.

Excusat libertum Rupam, quia in funere patris munera populo non dederit, quod ei Curio mandaverat. Totum consilium de dandis muneribus improbat, & quia nihil expediant male affectæ reipublicæ, & quia divitias potius quam virtutem ostendant.

M. T. C. C. Curioni S. D.

RUPÆ studium non defuit declarandorum munerum tuo nomine ; sed nec mihi placuit, nec cuiquam tuorum, quidquam te absente fieri, quod ti-

bi, cum venisses, non esset integrum. Equidem quid sentiam aut scribam ad te postea pluribus; aut, ne ad eam meditare, imparatum te offendam, coramq; contra istam rationem, meam dicam; ut aut te in meam sententiam adducam; aut certe testatum apud animum tuum relinquam, quid senserim; ut si quando (quod nolim) displicere tibi tuum consilium cœperit, possis meum recordari. Brevi tamen sic habeto, in eum statum temporum tuum reditum incidere, ut iis bonis, quæ tibi natura, studio, fortuna data sunt, facilius omnia, quæ sunt in republica amplissima, consequi possis, quam muneribus: quorum neq; facultatem quisquam admiratur, (est enim copiarum non virtutis) neque quisquam est, quin satietate jam defessus sit. Sed aliter, atque ostenderam, facio; qui ingrediar ad explicandam rationem sententiæ meæ. Quare omnem hanc disputationem in adventum tuum differo. Summa scito in expectatione te esse, eaque a te expectari, quæ a summa virtute, summoq; ingenio expectanda sunt: ad quæ si es, ut debes, paratus, (quod ita esse confido)

pluri-

plurimis maximisque muneribus & nos amicos, & cives tuos universos & rempublicam afficies. Illud profecto cognosces, mihi te neque cariozem, neque jucundiozem esse quenquam.

Ex eodem LIBRO ad fam. EPIST. V.

ARGUMENTUM.

Rempubicam domesticis malis laborare significat, & Curioni gratulatur, quod Romæ non sit, vel quia civiles miserias non videat, vel quod ibi sit, ubi magnam ex recte factis laudem consequatur. Postremo hortatur eum ad suscipiendam rempublicam ejus maxime patrocínio indigentem.

M. T. C. C. Curioni S. P. D.

HÆC negotia quomodo se habeant, ne epistola quidem narrare audeo. Tibi, etsi ubicunque es, (ut scripsi ad te antea) in eadem es navi, tamen quod abes gratulor; vel quia non vides ea quæ nos; vel quod excelsa & illustri

locò sita sit laus tua, in plurimorum & sociorum & civium conspectu; quæ ad nos nec obscuro nec vario sermone, sed & clarissima & una omnium voce perfertur. Unum illud nescio, gratulerne tibi, an timeam, quod mirabilis est expectatio redditus tui; non quo verear, ne tua virtus opinioni hominum non respondeat, sed mehercule, ne, cum veneris, non habeas jam quod cures; ita sunt omnia jam debilitata & prope extincta. Sed hæc ipsa nescio rectene sint literis commissa: quare cætera cognosces ex aliis. Tu tamen, sive habes aliquam spem de republica, sive desperas, ea para, meditare, cogita, quæ esse in eo cive ac viro debent, qui sit rempublicam afflictam, & oppressam miseris temporibus ac perditis moribus, in veterem dignitatem ac libertatem vindicaturus.

Ex

Ex eodem LIBRO ad fam. EPIST. VII.

ARGUMENTUM.

Hanc scripsit in Cilicia, cum illius provinciae proconsul esset Cicero; gratulatur Curioni de tribunatu plebis, hortatur ad boni civis officium, de sacerdotio Curionis quiddam interserit. Postremo rogat, ne quid sibi temporis prorogari ad provinciae administrationem patiatur.

M. T. C. Proconsul. C. C. Tribune
Plebis. S. D.

SERA gratulatio reprehendi non solet; præsertim si nulla negligentia prætermissa est; longe enim absim, audio fero. Sed tibi & gratulor, & ut sempiternæ laudi tibi sit iste tribunatus, exopto, teque hortor, ut omnia gubernes & moderere prudentia tua, ne te auferant aliorum consilia. Nemo est qui tibi sapientius suadere possit teipso, nunquam labere, si te audies. Non scribo hæc temere; cui scribam, video, novi.

B 5.

anti-

animum, novi consilium tuum. Non vereor ne quid timide, ne quid stulte facias, si ea defendes quæ ipse recta esse senties. Quod in id reipublicæ tempus non incideris, sed veneris (judicio enim tuo, non casu in ipsum discrimen rerum contulisti tribunatum tuum) profecto vides, quanta vis in republica temporum sit, quanta varietas rerum, quam incerti exitus, quam flexibiles hominum voluntates; quid insidiarum, quid vanitatis in vita, non dubito quin cogites. Sed amabo te, cura & cogita nihil novi, sed illud idem, quod initio scripsi; tecum loquere; & te adhibe in consilium, te audi, tibi obtempera. Alteri qui melius dare consilium possit, quam tu, non facile inveniri potest; tibi vero ipsi certe nemo melius dabit. Dii immortales! Cur ego non adsum, vel spectator laudum tuarum, vel particeps, vel socius, vel minister consiliorum? Jam etsi hoc minime tibi deest, sed tamen efficeret magnitudo & vis amoris mei consilio te ut possem juvare. Scribam ad te plura alias. Paucis enim diebus eram missurus domesticos

sticos tabellarios; ut, quoniam sane feliciter, & ex mea sententia rempublicam gessimus, unis literis totius æstatis res gestas ad senatum perscriberem. De sacerdotio tuo quantam curam adhibuerim, quamque difficili in re atque causa, cognosces ex iis literis quas Thrasoni, liberto tuo, dedi. Te, mi Curio, pro tua incredibili in me benevolentia, meaque item in te singulari, rogo atque oro, ne patiare quicquam mihi ad hanc provincialem molestiam temporis prorogari. Præsens tecum egi, cum te tribunum plebis isto anno fore non putarem, itemque petivi sapius per literas, sed tum quasi a senatore nobilissimo, & adolescente gratiosissimo; nunc a tribuno plebis, & a Curione tribuno, non ut decernatur aliquid novi; quod solet esse difficilior; sed ut ne quid novi decernatur; & ut senatusconsultum & leges defendas; eaque mihi conditio maneat, qua profectus sum. Hoc te vehementer etiam atque etiam rogo. Vale.

Ex

Ex eodem LIBRO ad fam. EPIST. XI.

ARGUMENTUM.

Suum declarat urbis desiderium, & pantheras ait non posse capi, quas Caelius edilis petierat, ut in suis ludis populo ostenderet.

M. T. C. Imp. M. COELIO *Ædili Curuli.* S. D.

PUTARESNE unquam accidere posse, ut mihi verba deessent, neque solum ista vestra oratoria, sed hæc etiam levia, nostratia? Desunt autem propter hanc causam, quod mirifice sum sollicitus, quidnam de provinciis decernatur. Mirum me desiderium tenet urbis, incredibile meorum, atque imprimis tui; fatietas autem provinciæ: vel quia videmur eam famam consecuti, ut non tam accessio quærenda, quam fortuna metuenda sit; vel quia totum negotium non est dignum viribus nostris, qui majora onera in republica sustinere & possim & soleam; vel quia belli
magni

magni timor impendet, quod videmur effugere, si ad constitutam diem decedemus. De pantheris, per eos, qui venari solent, agitur mandato meo diligenter; sed mira paucitas est: & eas, quæ sunt, valde aiunt queri, quod nihil cuiquam insidiarum in mea provincia, nisi sibi, fiat. Itaque constituisse dicuntur in Cariam ex nostra provincia decedere. Sed tamen sedulo fit, & in primis a Patisco. Quicquid erit, tibi erit, sed quid esset, plane nesciebamus. Mihi, mehercule, magnæ curæ est ædilitas tua, ipsa dies me admonebat; scripsi enim hæc ipsis megalensibus. Tu velim ad me de omni reipublicæ statu quam diligentissime perscribas. Ea enim certissima putabo, quæ ex te cognoro. Vale.

EX eodem LIBRO ad fam. EPIST. XVIII.

ARGUMENTUM.

Latitiam suam exponit quod ei grata esse intelligat officia sua, laudat ejus in administranda provincia clem-
men

*mentiam & integritatem, suadet
ut decedens præficiat provinciæ quæ-
storem potius quam legatos.*

M. T. C. Imperator Q. Thermo Pro-
pratori. S. D.

OFFICIUM meum erga Rhodum, cæteraqueme studia, quæ tibi ac tuis præstiti, tibi homini gratissimo grata esse vehementer gaudeo: mihi que scito in dies majori curæ esse dignitatem tuam, quæ quidem a te ipso integritate & clementia tua sic amplificata est, ut nihil addi posse videatur. Sed mihi magis magisque quotidie de rationibus tuis cogitanti placet illud meum consilium, quod initio Aristoni nostro, ut ad me venit, ostendi; graves te suscepturum inimicitias, si adolescens potens & nobilis a te ignominia affectus esset; & hercle sine dubio erit ignominia: Habes enim neminem honoris gradu superiorem. Ille autem, ut omittam nobilitatem, hoc ipso vincit viros optimos, hominesque innocentissimos, legatos tuos, quod est quæstor, & quæstor tuus. Nocere tibi iratum

ne-

neminem posse perspicio; sed tamen tres fratres summo loco natos, promptos, non indifertos, te nolo habere iratos, jure præsertim, quos video deinceps tribunos plebis per triennium fore. Tempora autem reipublicæ qualia futura sint quis scit? Mihi quidem turbulenta videntur fore. Cur ego te velim incidere in terrores tribunitios, præsertim cum sine cujusquam reprehensione quæstoriis legatis quæstorem possis anteferre? Qui si dignum se majoribus suis præbuerit (ut spero et opto) tua laus ex aliqua parte fuerit; sin quid offenderit, sibi totum, nihil tibi offenderit. Quæ mihi veniebant in mentem, quæ ad te pertinere arbitrabar, quod in Ciliciam proficiscebar, existimavi me ad te oportere scribere. Tu quod egeris, id velim Dii approbent. Sed, si me audies, vitabis inimicitias, et posteritatis otio consules. Vale.

Ex

Ex eodem LIBRO ad fam. EPIST. XIX.

ARGUMENTUM.

Ostendit aptiorem sibi quæstorem obtingere non potuisse, & hortatur ut maturet in provinciam venire antequam ipse decedat; pollicetur autem quæcunque ad eum ornandum conferre poterit.

M. T. C. Imp. C. COELIO Lucii
Filio. S. P. D.

CUM optatissimum nuncium accepissem, te mihi quæstorem obtigisse, eo jucundior mihi eam sortem sperabam fore, quo diutius in provincia mecum fuisses. Magni enim videbatur interesse, ad eam necessitudinem, quam nobis fors tribuisset, consuetudinem quoque accedere. Postea cum mihi nihil neque a te ipso, neque ab ullo alio de adventu tuo scriberetur, verebar ne id ita caderet, (quod etiam nunc vereor) ne ante quam tu in provinciam venisses, ego de provincia decederem.

Accepi.

Accepi autem a te missas literas in Cilicia, cum essem in castris, a. d. 10. Cal. Quintiles, scriptas humanissime, quibus facile & officium & ingenium tuum perspicere posset. Sed neque unde, neque quo die datae essent, aut quo tempore te expectarem, significabant; nec is, qui attulerat, a te acceperat, ut ex eo scirem quo ex loco aut quo tempore essent datae. Quae cum essent incerta, existimavi tamen esse faciendum, ut ad te statores meos & lictores cum literis mitterem; quas si satis opportuno tempore accepisti, gratissimum mihi feceris, si ad me in Ciliciam quam primum veneris. Nam quod ad me Curius, consobrinus tuus, mihi (ut scis) maxime necessarius, quod item consul Virginius propinquus tuus, familiarissimus noster, de te accuratissime scripsit, valet id quidem apud me multum, sicuti debet hominum amicissimorum diligens commendatio; sed tuae literae, de tua praesertim dignitate, & de nostra conjunctione, maximi sunt apud me ponderis. Mihi quaestor optatior obtingere nemo potuit. Quamobrem

bre[m] quæcunque a me ornamenta ad te proficiscentur ; elaborabo ut omnes intelligant, a me habitam esse rationem tuæ majorumque dignitatis. Sed id facilius consequar, si ad me in Ciliciam veneris : quod ego & mea & reipublicæ & maxime interesse tua arbitror. Vale.

EX III. LIBRO ad *Appium Claudium Pulchrum* EPIST. I.

ARGUMENTUM.

Hanc epistolam Phania, Appii liberto dedit, ejusque brevitatem excusat, quod a liberto prudentissimo ac diligentissimo posset Appius omnem reipublicæ statum optime cognoscere. Suam in Appium benevolentiam declarat, & Valerium jurisconsultum non sine joco commendat.

M.T.C. *Appio Pulchro* Imp. S. P. D.

SI ipsa respublica tibi narrare posset, quomodo sese haberet, non facilius ex ea cognoscere posses, quam ex liberto tuo Phania : Ita est homo non modo

do prudens, verum etiam (quod vidi) curiosus; quapropter ille tibi omnia explanabit. Id & ad brevitatem est aptius, & ad reliquas res providentius. De mea autem benevolentia erga te, etsi potes ex eodem Phania cognoscere, tamen videntur etiam aliquæ meæ partes. Sic enim tibi persuade, carissimum te mihi esse, cum propter multas suavitates ingenii, officii, humanitatis tuæ; tum quod ex tuis litêris & ex multorum sermonibus intelligo, omnia, quæ a me profecta sunt in te, tibi accidisse gratissima. Quod cum ita sit, perficiam profecto, ut longi temporis usuram, quam caruimus intermissa nostra consuetudine & gratia, crebritate & magnitudine officiorum meorum farciam. Idque me (quoniam tu ita vis) puto non invita Minerva esse facturum; quam quidem ego, si forte de tuis sumsero, non solum Palлада sed etiam Appiada nominabo. Cilix libertus tuus, antea mihi minus fuit notus: sed ut mihi reddidit a te literas, plenas & amoris & officii, mirifice ipse suo sermone subsecutus est humanitatem literarum tuarum. Jucunda mihi ejus

ora-

oratio fuit, cum de animo tuo, de sermonibus, quos de me haberes quotidie, mihi narraret. Quid quæris? Biduo factus est mihi familiaris, ita tamen ut Phanium valde sim desideraturus; quem cum Romam remittes (quod, ut putabamus, celeriter eras factururus) omnibus ei de rebus, quas agi, quas curari a me voles, mandata des velim. Lucium Valerium jurisconsultum valde tibi commendo, sed ita etiam, si non est jurisconsultus. Melius enim ei cavere volo, quam ipse aliis solet. Valde hominem diligo, est ex meis domesticis atque intimis familiaribus; omnino tibi agit gratias; sed idem scribit, meas literas maximum apud te pondus habituras. Id eum ne fallat, etiam atque etiam rogo. Vale.

Ex eodem LIBRO ad *Appium*
EPIST. II.

ARGUMENTUM.

*Cum esset Appii successor in Cilicia administratione creatus, rogat eum,
ut*

ut provinciam sibi quam maxime aptam explicatamque tradat, quo sit ei, cum successerit, faciliior & commodior administrandi ratio.

M. T. C. Proconsul Appio Pulchro
Imperatorī S. P. D.

CUM & contra voluntatem meam, & præter opinionem accidisset, ut mihi cum imperio in provinciam proficisci necesse esset, in multis & variis molestiis, cogitationibusque meis, hæc una consolatio occurrebat, quod neque tibi amicior, quam ego sum, quisquam posset succedere, neque ego ab ullo provinciam accipere, qui mallet eam mihi quam maxime aptam explicatamque tradere. Quod si tu quoque eandem de mea voluntate erga te spem habes, ea te profecto nunquam fallet. A te maximo opere, pro nostra summa conjunctione, tuaque singulari humanitate, etiam atque etiam quæso & peto, ut, quibuscunque rebus poteris (poteris autem plurimis) prospicias, & consulas rationibus meis.

Vides

22 LIBER PRIMUS.

Vides ex Senatus consulto provinciam esse habendam ; Si eam (quod quidem facere potueris) quam expeditissimam mihi tradideris, facilius erit mihi quasi decursus mei temporis. Quid in eo genere efficere possis, tui consilii est ; ego te, quod tibi veniet in mentem mea interesse, valde rogo. Pluribus verbis ad te scriberem, si aut tua humanitas longiorem orationem expectaret, aut id fieri nostra amicitia pateretur, aut res verba desideraret, ac non pro se ipsa loqueretur. Hoc velim tibi persuadeas, si rationibus meis a te provissum esse intellexero, magnam te ex eo & perpetuam voluptatem esse capturum. Vale.

EX LIBRO IV. ad fam. EPIST. III.

ARGUMENTUM.

Sulpicium, Achaiae a Caesare praepositum, consolatur in dolore, quem ex reipublicae calamitate capiebat.

M. T. C. Servio Sulpicio. S. D.

Vehementer te esse sollicitum, & in communibus miseriis precipue

puo quodam dolore angi, multi ad nos quotidie deferunt. Quod quam minime miror, & meum quodammodo agnosco, doleo tamen, te sapientia præditum prope singulari, non tuis bonis delectari potius, quam alienis malis laborare. Me quidem, etsi nemini concedo, qui maiorem ex perniciæ & peste reipublicæ molestiam traxerit, tamen multa jam consolantur, maximeque conscientia consiliorum meorum. Multo enim ante, tanquam ex aliqua specula, prospexi tempestatem futuram; neque id solum mea sponte, sed multo etiam magis monente & denunciante te. Etsi enim abfui magnam partem consulatus tui, tamen & absens cognoscebam, quæ esset tua in hoc pestifero bello cavendo & prædicendo sententia; & ipse affui primis temporibus tui consulatus, cum accuratissime monuisti senatum, collectis omnibus bellis civilibus, ut & illa timerent, quæ meminissent, & scirent, cum superiores, tali exemplo antea in republica cognito, tam crudeles fuissent, quicunque po-
stea

stea rempublicam oppressisset armis, multo intolerabiliorem futurum. Nam quod exemplo fit, id etiam jure fieri putant, & aliquid, atque adeo multa addunt & quasi afferunt de suo. Quare meminisse debes, eos, qui auctoritatem & consilium tuum non sunt secuti, sua stultitia occidisse, cum tua prudentia salvi esse potuissent. Dices, Quid me ista res consolatur in tantis tenebris & quasi perpetuis reipublicæ? Est omnino vix consolabilis dolor, tanta est omnium rerum amissio & desperatio recuperandi. Sed tamen & Cæsar ipse ita de te judicat, & omnes cives sic existimant, quasi lumen aliquod, extinctis cæteris, elucere sanctitatem & prudentiam & dignitatem tuam. Hæc tibi ad levandas molestias magna esse debent. Quod autem a tuis abes, id eo levius ferendum est, quod eodem tempore a multis & magnis molestiis abes; quas ad te omnes perscriberem, nisi vererer, ne ea cognosceres absens, quæ quia non vides, mihi videris meliore esse conditione, quam nos qui videmus. Hactenus existimo

existimo nostram consolationem recte adhibitam esse, quoad certior ab homine amicissimo fieres de iis rebus, quibus levare possent molestiæ tuæ. Reliqua sunt in te ipso, neque mihi ignota, nec minima solatia, & (ut quidem ego sentio) multo maxima; quæ ego experiens quotidie, sic probò ut ea mihi salutem afferre videantur. Te autem ab initio ætatis memoria teneo summe omnium doctrinarum studiosum fuisse, omniaque, quæ a sapientissimis ad bene vivendum tradita essent, summo studio curaque didicisse; quæ quidem vel optimis rebus & usui & delectationi esse possent, his vero temporibus habemus nihil aliud in quo acquiescamus. Nihil faciam insolenter; neque te, tali vel scientia vel natura præditum, hortabor, ut ad eas te referas artes, quibus a primis temporibus ætatis studium tuum dedisti; tantum dicam, quod te spero approbaturum, me, posteaquam illi arti, cui studueram, nihil esse loci neque in curia neque in foro viderem, omnem meam curam atque operam ad philosophiam contulisse. Tuæ sci-

C

entia

entiæ excellenti ac singulari, non multo plus, quam nostræ, relictum est loci. Quare non equidem te moneo, sed mihi ita persuasi, te quoque in iisdem versari rebus, quæ, etiam si minus prodesse, animum tamen a sollicitudine abducerent. Servius quidem tuus in omnibus ingenuis artibus, in primisque hac, in qua ego me scripsi acquiescere, ita versatur, ut excellat. A me vero sic diligitur, ut tibi uni concedam, præterea nemini; mihiq; ab eo gratia refertur; in quo ille existimat, quod facile appareat, cum me colat et observet, tibi quoque in eo se facere gratissimum. Vale.

EX EODEM LIBRO ad fam. EPIST. IV.

ARGUMENTUM.

Excusanti Sulpicio quod sæpius uno exemplo literas misisset, culpamque conferenti tum in eorum, qui eas acciperent, negligentiam aut improbitatem, tum in orationis inopiam, qua ipse laboraret, respondet Cicero, pr i mam

primam excusationis partem sibi probari, alteram omnino falsam videri, laudat enim Sulpicii scripta, eorumque subtilitatem & elegantiam antepont; causas probat, quibus Achaiae administrandae curam non recusarit. Narrat Senatus Officium suppliciter de redditu Marcelli Caesarem rogantis, quo impetrato, gratias a se Caesari actas esse demonstrat et defendit. De suo Philosophiae studio ejusque fructu, de Servii filii probitate ac doctrina, de rebus urbanis & de Caesare quaedam addit, & cum esse statum reipublicae significat, ut ea, quae Romae fiant, audire sit optabilius quam videre.

M. T. C. Servio Sulpicio. S. D.

Accipio excusationem tuam, qua usus es, cur saepius ad me literas uno exemplo dedisses; sed accipio ex ea parte, quatenus aut negligentia aut improbitate eorum qui epistolas accipiant, fieri scribis, ne ad nos perferantur.

ferantur; illam partem excusationis, qua te scribis orationis paupertate (sic enim appellas) iisdem verbis epistolas sæpius mittere, nec agnosco, nec probo. Et ego ipse, quem tu per jocum (sic enim accipio) divitias orationis habere dicis, me non esse verborum admodum inopem agnosco (* εἰς ὧν δέουσι enim non necesse est) sed tamen idem (nec hoc † εἰς ὧν δὲ οὐκ ἐνθ) facile cedo tuorum scriptorum subtilitati & elegantia. Consilium tuum, quo te usum scribis hoc Achaicum negotium non recusavisse, cum semper probavissem, tum multo magis probavi lectis tuis proximis literis. Omnes enim causæ, quas commemoras, justissimæ sunt, tuaque & autoritate & prudentia dignissimæ. Quod aliter cecidisse rem existimas, atque opinatus sis, id tibi nullo modo assentior. Sed quia tanta perturbatio & confusio est rerum; ita perculsa & prostrata fædissimo bello jacent omnia, ut is cuique locus, ubi ipse sit, miserimus esse videatur; propterea & tui te consilii poenitet, & nos, qui do-

* dissimulare. † dissimulans.

mi

mi sumus, tibi beati videamur; at contra, nobis, non tu quidem vacuus molestiis, sed præ nobis beatus. Atque hoc ipso melior est tua quam nostra conditio, quod tu, quid doleat, scribere audes, nos ne id quidem tuto possumus; nec id victoris vitio, quo nihil moderatius, sed ipsius victoriæ, quæ civilibus bellis semper est insolens. Uno te vicimus, quod de Marcelli, Collegæ tui, salute paulo ante quam tu cognovimus; etiam mehercule, quod quemadmodum ea res ageretur vidimus. Nam sic fac existimes; post has misérias, id est postquam armis disceptari cœptum est de jure publico, nihil esse actum aliud cum dignitate. Nam & ipse Cæsar accusata acerbitate Marcelli (sic enim appellabat) laudataque honorificentissime & æquitate tua & prudentia, repente præter spem dixit, se Senatui roganti de Marcello, ne hominis quidem causa, non negaturum. Fecerat autem hoc Senatus, ut, cum a Lucio Pisone mentio esset facta de Marcello, & cum C. Marcellus se ad Cæsaris pedes abjecisset, cunctus con-

surgeret, & ad Cæsarem supplex accederet. Noli quærere; ita mihi pulcher hic dies visus est, ut speciem aliquam viderer videre quasi reviviscentis reipublicæ. Itaque cum omnes ante me rogati gratias Cæsari egissent, præter Volcatium, (is enim, si eo loco esset, negavit se facturum fuisse) ego rogatus mutavi meum consilium. Nam statueram, non mehercule inertia, sed desiderio pristinae dignitatis, in perpetuum tacere. Fregit hoc meum consilium, & Cæsaris magnitudo animi, & Senatus officium. Itaque pluribus verbis egi Cæsari gratias, meque metuo ne etiam in cæteris rebus honesto otio privarim; quod erat unicum solatium in malis. Sed tamen quoniam effugi ejus offensionem, qui fortasse arbitraretur, me hanc rempublicam non putare, si perpetuo tacerem, modice hoc faciam, aut etiam intra modum, ut & illius voluntati & meis studiis serviam. Nam etsi a prima ætate omnis ars, & doctrina liberalis, & maxime philosophia delectavit, tamen hoc studium quotidie ingravescit, credo & ætatis matu-

maturitate ad prudentiam, & his temporum vitiis, ut nulla res alia levare animum molestiis possit; a quo studio te abduci negotiis, intelligo ex tuis literis; sed tamen aliquid jam noctes te adjuvabunt. Servius tuus, vel potius noster, summa me observantia colit; cujus ego cum omni probitate, summaque virtute, tum studiis doctrinaque delector. Is mecum saepe de tua mansione aut decessione communicat. Adhuc in hac sum sententia, nihil ut faciamus, nisi quod maxime Cæsar velle videatur. Res sunt ejusmodi, ut, si Romæ sis, nihil te, præter tuos, delectare possit. De reliquis nihil melius ipso est. Cæteri & cætera ejusmodi, ut si alterutrum necesse sit, audire ea malis quam videre. Hoc nostrum consilium nobis minime jucundum est, qui te videre cupimus, sed consulimus tibi. Vale.

Ex eod. LIBRO ad fam. EPIST. VII.

ARGUMENTUM.

Suadet, ut exulandi consilium abjiciat, & in patriam suam redeat; id Casarem facile concessurum; id optare ipsius fratrem; id ipsam rempublicam; id ad rationem etiam rei familiaris pertinere.

M. T. C. M. Marcello S. D.

ETSI eo te adhuc consilio usum intelligo, ut id reprehendere non audeam, (non quin ab eo ipse dissentiam, sed quod ea te sapientia esse judicem, ut meum consilium non anteponam tuo) tamen & amicitiae nostrae vetustas, & tua summa erga me benevolentia, quæ mihi jam a pueritia tua cognita est, me hortata est, ut ea scriberem ad te, quæ & saluti tuæ conducere arbitrarer, & non aliena esse ducerem a dignitate. Ego eum te esse, qui horum malorum initia multo ante videris, qui con-

consulatum magnificentissime atque optime gesseris, præclare memini. Sed idem etiam illa vidi, neque te consilium civilis belli ita gerendi, neque copias Cnæi Pompeii, nec genus exercitus probare, semperque summe diffidere. Qua in sententia me quoque fuisse, memoria tenere te arbitror. Itaque neque tu multum interfuisti rebus gerendis, & ego id semper egi, ne interessem. Non enim iis rebus pugnabamus, quibus valere poteramus, consilio, authoritate, causa, quæ erant in nobis superiora; sed laceratis & viribus, quibus pares non eramus. Victi sumus igitur, aut, si vinci dignitas non potest, fracti certe & abjecti. In quo tuum consilium nemo potest non maxime laudare, quod cum spe vincendi simul abjecti certandi etiam cupiditatem ostendisti, sapientem & bonum civem initia belli civilis invitum suscipere, extrema libenter non persequi. Qui non idem consilium, quod tu, secuti sunt, eos video in duo genera esse distractos. Aut enim renovare bellum co-

nati sunt, & se in Africam contulerunt; aut, quemadmodum nos, victori sese crediderunt. Medium quoddam tuum consilium fuit, qui hoc fortasse humilis animi duceres, illud pertinacis. Fateor, a plerisque, vel dicam ab omnibus, sapiens tuum consilium, a multis, etiam magni ac fortis animi judicatum. Sed habet ista ratio, ut mihi quidem videtur, quendam modum: præsertim cum tibi nihil deesse arbitrer ad tuas fortunas omnes obtinendas, præter voluntatem. Sic enim intellexi, nihil aliud esse, quod dubitationem afferret ei, penes quem est potestas, nisi quod vereretur, ne tu illud beneficium omnino non putares. De quo quid sentiam, nihil attinet dicere, cum appareat, ipse quid fecerim. Sed tamen si jam ita constituisses, ut abesse perpetuo malles, quam ea, quæ nolles, videre; tamen id cogitare deberes, ubicunque esses, te fore in ejus ipsius, quem fugeres, potestate: qui si facile passurus esset, te carentem patria & fortunis tuis quiete & libere vivere;

vivere; cogitandum tibi tamen esset, Romane & domi tuæ, cujusmodi res esset, an Mytilenis aut Rhodi malles vivere. Sed cum ita late pateat ejus potestas, quem veremur, ut terrarum orbem complexa sit, nonne mavis sine periculo domi tuæ esse, quam cum periculo alienæ? Equidem, etiam si oppetenda mors esset, domi atque in patria mallet, quam in externis atque alienis locis. Hoc idem omnes, qui te diligunt, sentiunt; quorum est magna pro tuis maximis clarissimisque virtutibus multitudo. Habemus etiam rationem rei familiaris tuæ, quam dissipari nolumus. Nam etsi nullam potest accipere injuriam, quæ futura perpetua sit; propterea quod neque is, qui tenet rempublicam, patietur, neque ipsa respublica; tamen impetum prædonum in tuas fortunas fieri nolo. Hi autem qui essent auderem scribere, nisi te intelligere considerem. Hic te unius sollicitudines, unius etiam multæ & assiduæ lacrymæ C. Marcelli, fratris optimi, deprecantur; nos cura

&

& dolore proximi sumus; precibus tardiores, quod jus adeundi, cum ipsi deprecatore eguerimus, non habemus. Gratia tantum possumus, quantum victi. Sed tamen consilio, studio, Marcello non desumus. A tuis reliquis non adhibemur; ad omnia parati sumus. Vale.

Ex eod. LIBRO ad fam. EPIST. VIII.

ARGUMENTUM.

Laudat Marcelli prudentiam & Fortitudinem, eique persuadet, ut omnino, quicumque status reipublicæ sit, in patriam redeat.

M. T. C. M. Marcello. S. D.

NEQVE monere te audeo, præstanti prudentia virum, nec confirmare, maximi animi hominem, unumque fortissimum; consolari vero nullo modo. Nam si ea, quæ acciderunt, ita fers, ut audio, gratulari magis virtuti debeo, quam consolari. dolo-

dolorem tuum. Sin te tanta mala reipublicæ frangunt ; non ita abundo ingenio, ut te consoletur, cum ipse me non possim. Reliquum est igitur, ut tibi me in omni re eum præbeam, præstemque, ut ad omnia, quæ tui velint, ita adsim præsto, ut me non solum omnia debere tua causa, sed ea quoque etiam quæ non possum, putem. Illud tamen vel tu me monuisse vel censuisse puta, vel propter benevolentiam tacere non potuisse ; ut, quod ego facio, tu quoque animum inducas ; si sit aliqua respublica, in ea te esse oportere, iudicio omnium reque principem, necessitate cedentem temporibus ; sin autem nulla sit, hunc tamen aptissimum esse etiam ad exulandum locum. Si enim libertatem sequimur ; qui locus hoc dominatu vacat ? Sin qualemcunque locum, qui est domestica sede jucundior ? Sed mihi crede, etiam is, qui omnia tenet, favet ingeniis ; nobilitatem vero & dignitatem hominum, quantum ei res & ipsius causa concedit, amplectitur. Sed plura quam statueram. Redeo ergo ad unum illud,

illud, me tuum fore cum tuis, si modo erunt tui. Sin minus, me certe in omnibus rebus fatis nostræ conjunctioni, amorique facturum. Vale.

EX eodem LIBRO ad fam. EPIST. X.

ARGUMENTUM.

Hortatur, ut reditum maturet, quia id ad rem ejus familiarem valde pertineat.

M. T. C. M. Marcello. S. D.

ETSI nihil novi, quod ad te scriberem, habebam, magisque literas tuas jam expectare incipiebam, vel te potius ipsum; tamen, cum Theophilus proficisceretur, non potui nihil ei literarum dare. Cura igitur, ut quam primum venias; venies enim, mihi crede, expectatus, neque solum nobis, id est tuis, sed prorsus omnibus. Venit enim mihi in mentem, subvereri interdum, ne te delectet tarda decessio. Quod si nullum haberes sensum, nisi

ocu-

oculorum, prorsus tibi ignoscerem, si quosdam nolles videre. Sed cum leviora non essent, quæ audirentur, quam quæ viderentur, suspicarer autem, multum interesse rei familiaris tuæ, te quamprimum venire, idque in omnes partes valere, putavi ea de re te esse admonendum. Sed quoniam, quod mihi placeret, ostendi, reliqua tu pro tua prudentia considerabis; me tamen velim, quod ad tempus te expectemus, certiolem facias. Vale.

Ex eodem LIBRO ad fam. EPIST. XI.

ARGUMENTUM.

Significat se in patriam rediturum commotum consilio, & autoritate Ciceronis.

M. Marcellus. M. Ciceroni. S. D.

Purimum valuisse apud me tuam semper auctoritatem, cum in omni re, tum in hoc maxime negotio, potes existimare. Cum mihi C. Marcellus

cellus, frater amantissimus mei, non solum consilium daret, sed precibus quoque obsecraret, non prius mihi persuadere potuit, quam tuis est effectum literis, ut uterer vestro potissimum consilio. Res quemadmodum sit acta vestrae literae mihi declarant. Gratulatio tua, etsi est mihi probatissima, quod ab optimo sit animo; tamen hoc mihi multo jucundius est & gratius, quod in summa paucitate amicorum, propinquorum ac necessariorum qui vere mei salutem faverent, te cupidissimum mei, singularemque mihi benevolentiam praestitisse cognovi. Reliqua sunt ejusmodi, quibus ego, quoniam haec erant tempora, facile & æquo animo carebam. Hoc vero ejusmodi esse statuo, ut sine talium virorum & amicorum benevolentia, neque in adversa, neque in secunda fortuna, quisquam vivere possit. Itaque hoc ego mihi gratulor. Tu vero ut intelligas homini amicissimo te tribuisse officium, re tibi praestabo. Vale.

Ex

EX eodem LIBRO ad fam. EPIST. XIII.

ARGUMENTUM.

Exulantem Nigidium spe redditus consolans, suam illi operam, suumque officium pollicetur; præterea rem omnem familiarem, in extremo hortatur, ut bono animo fortique sit in utramque partem.

M. T. C. P. Nigidio Figulo. S. D.

QUærenti mihi jamdiu, quid ad te potissimum scriberem, non modo certe res nulla, sed ne genus quidem literarum usitatum veniebat in mentem. Unam enim partem, & consuetudinem earum epistolarum, quibus, secundis rebus, uti solebamus, tempus eripuerat, perfeceratque fortuna, ne quid tale scribere possem, aut omnino cogitare. Relinquebatur triste quoddam & miserum, & his temporibus consentaneum genus literarum. Id quoque deficiebat me, in quo debebat esse promissio
aux-

42. LIBER PRIMUS.

auxilii alicujus, aut consolatio doloris tui. Quod pollicerer, non erat, ipse enim pari fortuna abjectus, aliorum opibus casus meos sustentabam, sæpiusque mihi veniebat in mentem queri, quod ita viverem, quam gaudere, quod viverem. Quanquam enim nulla me ipsum privatim pepulit insignis injuria; nec mihi quidquam tali tempore in mentem venit optare, quod non ultro mihi Cæsar detulerit; tamen nihilominus eis conficior curis, ut ipsum, quod maneam in vita, peccare me existimem; careo enim cum familiarissimis multis, quos aut mors eripuit nobis, aut distraxit fuga; tum omnibus amicis, quorum benevolentiam nobis conciliaret per me quondam te socio defensa respublica, verforque in eorum naufragiis, & bonorum directionibus; nec audio solum, quod ipsum esset miserum, sed etiam video, quod nihil est accerbius, eorum fortunas dissipari, quibus nos olim adjutoribus illud incendium extinximus; &, in qua urbe modo gratia, autoritate, gloria floruimus, in ea nunc iis quidem omnibus caremus.

Ob-

Obtinemus ipsius Cæsaris summam erga nos humanitatem ; sed ea plus non potest, quam vis & mutatio omnium rerum atque temporum. Itaque orbus iis rebus omnibus, quibus & natura me & voluntas, & consuetudo assuefecerat ; cum cæteris, ut quidem videor, tum mihi ipse displiceo. Natus enim ad agendum semper aliquid dignum viro, nunc non modo agendi rationem nullam habeo, sed ne cogitandi quidem ; &, qui antea aut obscuris hominibus, aut etiam fontibus opitulari poteram, nunc P. Nigidio, uni omnium doctissimo & sanctissimo, & maxima quondam gratia, & mihi certe amicissimo, ne benigne quidem polliceri possum. Ergo hoc ereptum est literarum genus. Reliquum est, ut consoletur, & afferam rationes, quibus te a molestiis coner abducere. At ea quidem facultas vel tui, vel alterius consolandi, in te summa est, si unquam in ullo fuit. Itaque eam partem, quæ ab exquisita quadam ratione, & doctrina proficiscitur, non attingam, tibi totam relinquam. Quid sit forti & sapienti

enti homine dignum, quid gravitas, quid altitudo animi, quid acta tua vita, quid studia, quid artes, quibus a pueritia floruisti, a te flagitent, tu videbis. Ego, quod intelligere & sentire, quia sum Romæ, & quia curo attendoque, possum, id tibi affirmo, te in istis molestiis, in quibus es hoc tempore, non diutius futurum; in iis autem, in quibus etiam nos sumus, fortasse semper fore. Videor mihi perspicere primum ipsius animi, qui plurimum potest, propensum ad salutem tuam. Non scribo temere. Quo minus familiaris sum, hoc sum ad investigandum curiosior. Quo facilius, quibus est iratior, respondere tristius possit, hoc est adhuc tardior ad te molestia liberandum. Familiares vero ejus, & ii quidem, qui illi jucundissimi sunt, mirabiliter de te & loquuntur, & sentiunt. Accedit eodem vulgi voluntas, vel potius consensus omnium; etiam illa, quæ minimum nunc quidem potest, sed possit necesse est, respublica, quasunque vires habebit, ab iis ipsis, qui-

quibus tenetur, de te propediem (mihi crede) impetrabit. Redeo igitur ad id, ut jam tibi etiam pollicear aliquid, quod primo omiseram. Nam & complectar ejus familiarissimos, qui me admodum diligunt, multumque mecum sunt; & in ipsius consuetudinem, quam adhuc meus pudor mihi clausit, insinuabo; & certe omnes vias persequar, quibus putabo ad id, quod volumus, pervenire posse. In hoc toto genere plura faciam, quam scribere audeo. Cætera, quæ tibi a multis prompta esse certo scio, a me sunt paratissima; nihil in re familiari mea est, quod ego meum malim esse, quam tuum. Hac de re, & de genere hoc toto, hoc scribo parcius, quod te (id quod ipse confido) sperare malo esse usurum tuis. Extremum illud est, ut te orem & obsecrem, animo ut maximo sis; nec ea solum memineris, quæ ab aliis magnis viris accepisti, sed illa etiam, quæ ipse ingenio, studioque peperisti. Quæ si colliges, & sperabis omnia optime, & quæ accident, qualiacunque erunt, fa-

ni-

46 LIBER PRIMUS.

pienter feres. Sed hæc tu melius, vel optime omnium. Ego, quæ pertinere ad te intelligam, studiosissime omnia diligentissimeque curabo; tuorumque tristissimo meo tempore meritum erga me memoriam conservabo. Vale.

EX LIBRO V. ad fam. EPIST. III.

ARGUMENTUM.

Scribit, a se fratrem suum, assidue Ciceroni obtrectantem, despici, Ciceronem autem, qui suam in eum benevolentiam officiis declararat, fratris loco diligi, de provinciæ rationibus ad Lollium se literas dedisse; amoris conservationem petit in extremo.

Q Metellus Nepos. M.T.C. S.D.

HOminis importunissimi contumeliæ, quibus crebris concionibus me onerat, tuis erga me officiis leniuntur; & ut sunt leves ab homine

mine ejusmodi, a me despiciuntur ; libenterque, commutata persona, te mihi fratris loco esse duco. De illo ne meminisse quidem volo, tametsi bis eum invitum servavi. De meis rebus, ne vobis multitudine literarum molestior essem, ad Lollium perscripsi ; de rationibus provinciæ quid vellem fieri, ut is vos doceret & commonefaceret. Si poteris, velim pristinam tuam erga me voluntatem conserves. Vale.

Ex eodem LIBRO ad fam. EPIST. IV.

ARGUMENTUM.

Studium & auxilium Metelli Nepotis, consulatum gerentis, exul implorat, seque non immemorem beneficii futurum confirmat.

M.T.C. Q. Metello Nepoti Cons. S. D.

LITERÆ Q. Fratis, & T. Pompeii, necessarii mei, tantum spei dederant, ut in te non minus auxilii, quam in tuo Collega mihi con-

constitutum fuerit. Itaque ad te literas statim misi; per quas, ut fortuna postulabat, & gratias tibi egi, & de reliquo tempore auxilium petii. Postea mihi non tam meorum literæ, quam sermones eorum, qui hac iter faciebant, animum tuum immutatum significabant; quæ res fecit, ut tibi literis obstrepere non auderem. Nunc mihi Quintus frater meus mitissimam tuam orationem, quam in Senatu habuisses, perscripsit; qua inductus, ad te scribere sum conatus, & abs te, quantum tua fert voluntas, peto quæsoquæ, ut tuos mecum serves potius, quam propter arrogantem crudelitatem tuorum me oppugnes. Tu tuas inimicitias ut reipublicæ donares, te vicisti; alienas ut contra rempublicam confirmes, adduceres? Quod si mihi tua clementia opem tuleris, omnibus in rebus me fore in tua potestate tibi confirmo. Sin mihi neque magistratum, neque senatum, neque populum auxiliari, propter eam vim, quæ me cum republica vicit, licuerit, vide ne cum velis

velis revocare tempus omnium servandorum, cum, qui servetur, non erit, non possis. Vale.

Ex eodem LIBRO ad fam. EPIST. V.

ARGUMENTUM.

Omnia benevoli animi signa in Antonium a se esse profecta, nullam ab illo relatam gratiam, ostendit, quod si gratum cognoverit, se non esse ei defuturum, deinde Atticum illi commendat.

M. T. C. C. Antonio. M. F. Imp. S. D.

ETSI statueram nullas ad te literas mittere, nisi commendatitias; (non quod eas intelligerem fatis apud te valere, sed ne iis, qui me rogarent, aliquid de nostra conjunctione imminutum esse ostenderem) tamen cum T. Pomponius, homo omnium meorum in te studiorum & officiorum maxime conficius, tui cupidus, nostri amantissimus, ad te proficisceretur, aliquid mihi scribendum

bendum putavi; præsertim cum aliter ipsi Pomponio satisfacere non possem. Ego si abs te summa officia desiderem, mirum nemini videri debeat; omnia enim a me in te profecta sunt, quæ ad tuum commodum, quæ ad honorem, quæ ad dignitatem pertinerent. Pro iis rebus nullam mihi relatam esse gratiam tu es optimus testis. Contra etiam esse aliquid abs te profectum, ex multis audiui; nam comperisse me, non audeo dicere, ne forte id ipsum verbum ponam, quod abs te faciunt falso in me solere conferri. Sed ea, quæ ad me delata sunt, malo te ex Pomponio, cui non minus molesta fuerunt, quam ex meis literis, cognoscere. Meus in te animus, quam singulari officio fuerit, & Senatus & populus Romanus testis est. Tu quam gratus erga me fueris, ipse existimare potes; quantum mihi debeas, cæteri existiment. Ego quæ tua causa antea feci, voluntate sum adductus, posteaque constantia. Sed reliqua, mihi crede, multo majus meum studium, majoremque gravitatem & laborem desiderant. Quæ ego si non
pro-

Ex eod. LIBRO ad fam. EPIST. VII.

*Leviter expostulat, quod Pompeius
sibi de oppressa Catiline conju-
ratione non esset pro rei magni-
tudine literis gratulatus.*

M. T. M. F. *Cicero*. S. D. Cn. *Pompeio*. Cn. F. *magno Imp.*

Si tu exercitusque valetis, bene est.
Ex literis tuis quas publice misisti,
D. 2 cepti

cepi una cum omnibus incredibilem voluptatem. Tantam enim spem otii ostendisti, quantam ego semper omnibus, te uno fretus, pollicebar. Sed hoc scito, tuos veteres hostes, novos amicos, vehementer literis perculsos, atque ex magna spe deturbatos, jacere. Ad me autem literas quas misisti, quamquam exiguam significationem tuæ erga me voluntatis habebant, tamen mihi scito jucundas fuisse. Nulla enim res tam lætari soleo, quam meorum officiorum conscientia; quibus si quando non mutuo respondetur, apud me plus officii residere facillime patior. Illud non dubito, quin, si te mea summa erga te studia parum mihi adjunxerint, Respublica nos inter nos conciliatura, conjuncturaque sit. Ac, ne ignores, quid ego in tuis literis desiderarim; scribam aperte, sicut & mea natura & nostra amicitia postulat. Res eas gessi, quarum aliquam in tuis literis, & nostræ necessitudinis & reipublicæ causa, gratulationem expectavi; quam ego abs te prætermisam esse arbitror, quod verere ne cujus animum offenderes. Sed scito

scito ea, quæ nos pro salute patriæ
 gessimus, orbis terræ iudicio ac testi-
 monio comprobari. Quæ, cum veneris,
 tanto consilio, tantaque animi magni-
 tudine a me gesta esse cognosces, ut
 tibi multo majori quam Africanus fuit,
 me non multo minorem quam Lælium,
 facile & in republica & in amicitia ad-
 junctum esse patiare. Vale.

Ex eodem LIBRO ad fam. EPIST. VIII.

ARGUMENTUM.

*Officium suum, quam studiose Crassi
 dignitatem in senatu defenderit,
 prædicat, superiorum temporum si-
 multatem excusat, constantiam &
 fidem post gratiæ reconciliationem
 pollicetur, affirmans ejus honestati
 & gloriæ nullo unquam loco se de-
 futurum; quiddam etiam de suo
 in filium ejus P. Crassum amore,
 ejusque in se observantia interpo-
 nit.*

M. T. C. M. *Licinio* P. *Filio Cras-*
so. S. D.

QUANTUM meum studium ex-
stiterit dignitatis tuæ vel tuendæ
vel etiam augendæ, non dubito, quin
ad te omnes tui scripserint. Non enim
fuit aut mediocre aut obscurum, aut
ejusmodi, quod silentio possit præte-
rire. Nam & cum consulibus, & cum
multis consularibus tanta contentione
decertavi, quanta nunquam antea ulla
in causa, suscepique mihi perpetuam
propugnationem pro omnibus orna-
mentis tuis; veterique nostræ necessi-
tudini jamdiu debitum, sed multa va-
rietate temporum interruptum, offici-
um cumulate reddidi. Neque meher-
cule, unquam mihi, tui aut colendi
aut ornandi, voluntas defuit; sed quæ-
dam pestes hominum, laude aliena do-
lentium, & te nonnunquam a me alie-
narunt, & me aliquando immutarunt
tibi. Sed exstitit tempus optatum mihi
magis quam speratum, ut, florentissi-
mis tuis rebus, mea perspici posset &
me-

memoria nostræ voluntatis, & amicitiaæ fides. Sum enim consecutus, non modo ut domus tua tota, sed ut cuncta civitas me tibi amicissimum esse cognosceret. Itaque & præstantissima omnium fæminarum, uxor tua, & eximia pietate, virtute, gratia, tui Crassi, meis consiliis, monitis, studiis, actionibusque nituntur; & senatus populusq; Romanus intelligit, tibi absenti nihil esse tam promptum, aut jam paratum, quam in omnibus rebus, quæ ad te pertineant, operam, curam, diligentiam, authoritatem meam. Quæ sint acta, quæque agantur, domesticorum tibi literis declarari puto. De me sic existimes, ac tibi persuadeas vehementer velim, non me repentina aliqua voluntate, aut fortuito, ad tuam amplitudinem meis officiis amplectendam incidisse; sed, ut primum forum attigerim, spectasse semper, ut tibi possem quam maxime esse conjunctus. Quo quidem ex tempore memoria teneo, neque meam tibi observantiam, neque mihi tuam summam benevolentiam ac liberalitatem defuisse. Si quæ interciderunt,

D. 4.

runt, non tam re, quam suspicione violata, ea cum fuerint falsa & inania, sint evulsa ex omni memoria, vitæque nostra. Is enim tu vir es, & eum me esse cupio, ut, quoniam in eadem reipublicæ tempora incidimus, conjunctionem, amicitiamque nostram utrique nostrum laudi sperem fore. Quamobrem tu, quantum tuo iudicio tribuendum esse nobis putes, statues ipse; & ut spero, statues ex nostra dignitate. Ego vero tibi profiteor atque polliceor eximium & singulare meum studium in omni genere officii, quod ad honestatem & gloriam tuam spectet; in quo etiam si multi mecum contendunt, tamen cum reliquis omnibus, tum crassius tuis iudiciis, omnes facile superabo: quos quidem ego ambos unice diligo, sed in Marco benevolentia impari; hoc magis sum Publio deditus, quod me, quanquam a pueritia sua semper, tamen hoc tempore maxime, sicut alterum Parentem & observat & diligit. Has literas velim existimes fœderis habituras esse vim, non epistolæ, neque ea, quæ tibi promitto ac recipio,

fanc-

sanctissime esse observaturum, diligentissimeque facturum. Quæ a me suscepta defensio est, te absente, dignitatis tuæ, in ea jam ego, non solum amicitia nostræ, sed etiam constantia meæ causæ, permanebo. Quamobrem satis esse hoc tempore arbitratus sum, hoc ad te scribere; me, si quid ipse intelligerem, aut ad voluntatem, aut ad commodum, aut ad amplitudinem tuam pertinere, mea sponte id esse facturum; sin autem quippiam aut a te essem admonitus, aut a tuis; effecturum, ut intelligeres, nihil neque te scripsisse, neque quenquam tuorum ad me frustra detulisse. Quamobrem velim ita & ipse ad me scribas de omnibus minimis, maximis, mediocribusque rebus, ut ad hominem amicissimum; & tuis præcipias, ut opera, consilio, authoritate, gratia mea utantur in omnibus publicis, privatis, forensibus, domesticis, tuis, amicorum, hospitum, clientum negotiis, ut quoad ejus fieri possit, præsentia tuæ desiderium meo labore minuatur. Vale

D 5.

Ex

EX eod. LIBRO ad fam. EPIST. XVII.

ARGUMENTUM.

Excusat tarditatem literarum suarum, hortatur Sextium, ut exilii casum sapienter fortiterque ferat; idq; ut ei persuadeat, & ut afflictum consoletur, argumenta sumit a communi omnium hominum conditione; ab ipsius Sextii virtute, ab exemplis, a statu reipublicæ, a Sextii filio, a judicio amicorum, ab ipsius conscientia, postremo, ad marorem minuendum, sua studia & officia vel ad consolandum vel ad levandum fortunam ejus pollicetur omnia.

M. T. C. P. Sextio. P. Filio. S. D.

NON oblivione amicitiae nostræ, neque intermissione consuetudinis meæ, superioribus temporibus ad te nullas literas misi, sed quod priora tempora in ruinis reipublicæ nostrisque jacuerunt, posteriora autem me a scribendo

bendo tuis injustissimis atque acerbissimis incommodis retardarunt. Cum vero & intervallum jam fatis longum fuisset, & tuam virtutem animique magnitudinem diligentius essem mecum recordatus, non putavi esse alienum institutis hæc ad te scribere. Ego te, P. Sexti, & primis temporibus illis, quibus in invidiam absens, & in crimen vocabare, defendi; &, cum in tui familiarissimi iudicio, ac periculo tuum crimen conjungeretur, ut potui accuratissime te, tuamque causam tutatus sum; & proxime, recenti adventu meo, cum rem aliter institutam offendissem, ac mihi placuisset, si affuissem; tamen nulla re salutis tuæ defui: cumque eo tempore invidia annonæ, inimici non solum tui, verum etiam amicorum tuorum, iniquitas totius iudicii, multaque alia reipublicæ vitia, plus quam causa ipsa, veritasque valuisent, Publio tuo neque opera, neque consilio, neque labore, neque gratia, neque testimonio defui. Quamobrem, omnibus officiis amicitiae diligenter a me sancteque servatis, ne hoc quidem præter

prætermittendum esse duxi, te ut hortarer rogaremque, ut & hominem te, & virum esse meminisses; id est, ut & communem incertumque casum, quem neque vitare quisquam nostrum, nec præstare ullo pacto potest, sapienter ferres, & dolori fortiter ac fortunæ resisteres, cogitaresque, & in nostra civitate & in cæteris, quæ rerum potitæ sunt, multis fortissimis atque optimis viris injustis judiciis tales casus incidisse. Illud utinam ne vere scriberem, ea te republica carere, in qua neminem prudentem hominem res ulla delectet. De tuo autem filio, vereor, ne, si nihil ad te scripserim, debitum ejus virtuti videar testimonium non accepisse; sin autem omnia, quæ sentio, perscripserim, ne refricem meis literis desiderium ac dolorem tuum. Sed tamen prudentissime facies, si illius pietatem, virtutem, industriam, ubicunque eris, tuam esse, tecum esse duces. Nec enim minus nostra sunt, quæ animo complectimur, quam quæ oculis intuemur. Quamobrem & illius eximia virtus, summusque in te amor, magnæ tibi con-

consolationi debet esse; & nos, cæteri-
que, qui te non ex fortuna, sed ex
virtute tua pendimus, semperque pen-
demus; & maxime, animi tui consci-
entia, cum tibi nihil merito accidisse
reputabis, si & illud adjunges, homi-
nes sapientes turpitudine, non casu;
& delicto suo, non aliorum injuria
commoveri. Ego, & memoria nostræ
veteris amicitia, & virtute atque ob-
servantia filii tui monitus, nullo loca-
deero, neque ad consolandum, neque
ad levandum fortunam tuam. Tu si
quid ad me forte scripseris, perficiam
ne te scripsisse frustra arbitrere. Vale.

Ex eod. LIBRO ad fam. EPIST. XVIII.

ARGUMENTUM.

*Cum ad consolandum societas egri-
tudinis valeat, & index benevo-
lentia sit dolor, itaque Cicero
orditur a significatione doloris sui
quem ex Fabii incommodo ceperat,
& hoc initio ad consulandum Fa-
bium*

bium aggressus, multa alia argumenta, quæ ad minuendam molestim valeant, subjungit,

M. T. C. T. Fabio. S. D.

ETSI egomet, qui te consolari cupio, consolandus ipse sum; propterea quod nullam rem gravius jamdiu tuli, quam incommodum tuum; tamen te magnopere non hortor solum, sed etiam, pro amore nostro, rogo atque oro, te colligas virumque præbeas, & qua conditione omnes homines, & quibus temporibus nati sumus, cogites. Plus tibi virtus tua dedit, quam fortuna abstulit; propterea quod adeptus es, quod non multi homines novi; amisisti, quod plurimi homines nobilissimi. Ea denique videtur conditio impendere legum, judiciorum, temporum, ut optime actum cum eo videatur esse, qui quam levissima pæna ab hac republica disceperit. Tu vero, qui & fortunas & liberos habeas, & nos, cæterosque necessitudine & benevolentia tecum conjunctissimos; quumque mag-

nam

nam facultatem sis habiturus nobiscum
 & cum omnibus tuis vivendi; & cum
 inum sit iudicium ex tam multis, quod
 reprehendatur, ut quod una sententia,
 aque dubia, potentiæ alicujus condo-
 natum existimetur; omnibus his de-
 causis debes istam molestiam quam le-
 vissime ferre. Meus animus erit in te
 liberisque tuis semper, quem tu esse
 vis, & qui esse debet. Vale.

EX LIBRO VI. ad fam. EPIST. I.

ARGUMENTUM.

*Athenis exulantem Torquatum, qui
 contra Casarem a Pompeio steterat,
 revocare studet a sollicitudine ac
 merore animi ad tranquillitatem;
 in quam sententiam colligit hæc
 quæ ad consolandum valeant; pri-
 mum ita perturbata esse omnia, ut
 sua fortuna contentus nemo vivat,
 deinde conditionem eorum, qui Ro-
 mæ sint, & ea cernant quæ quoti-
 die fiant, deteriorem esse, quam
 eorum qui absint, ideoque non esse
 ei*

ei moleste ferendum, quod urbe careat; quod si suos suaque desiderat, ne hoc quidem nomine dolendum, quando illa nullo sunt in proprio periculo, nec, ut meliore statu fruantur, ipsum presentem prestare posse; quod vero ad ejus fortunam pertineat, nec desperandum esse, nec timendum aut a Cesare aut a Pompeianis, si acciderit ut vincant; sin ob commune reipublicæ periculum angatur, solatio esse debere conscientiam optimorum consiliores: ut virtus, licet omnibus rebus destituta, se tamen ipsa sustentet; nec vero eum, qui alios olim excitaverit, abjectiore esse animo debere; aliqua vero ab ipsa Athenarum urbe, rationis parente & moderationis altice, doloris medicina petenda est.

M. Cicero. Aulo Torquato. S. D.

ETSI ea perturbatio est omnium rerum, ut suæ quemque fortunæ maxime pœniteat, nemo sit, quin ubi-
vis, quam ibi ubi est, esse malit; ta-
men

nen mihi dubium non est, quin hoc
 tempore, bono viro Romæ esse miser-
 imum sit. Nam etsi quocunque loco
 quisquam est, idem est ei sensus &
 eadem acerbitas ex interitu rerum &
 publicarum & suarum; tamen oculi
 vident dolorem, qui ea, quæ cæteri
 audiunt, intueri coguntur, nec aver-
 ere a miseriis cogitationem sinunt.
 Quare etsi multarum rerum desiderio
 e angere necesse est, tamen illo dolore,
 quo te maxime confici audio, quod
 Romæ non sis, animum tuum libera.
 Etsi enim cum magna molestia tuos
 omnesque desideras, tamen illa quidem,
 quæ requiris, suum statum tenent, nec
 melius, si tu adesses, tenerent, nec
 sunt ullo in proprio periculo. Nec
 lebes tu, cum de tuis cogitas, aut
 præcipuam aliquam fortunam postulare,
 aut communem recusare. De te autem
 puto, Torquate, est tuum, sic agitare
 animo, ut non adhibeas in consilium
 cogitationum tuarum desperationem aut
 timorem, nec enim is, qui in te adhuc
 iniustior, quam tua dignitas postulabat,
 fuit, non magna signa dedit animi erga
 te.

te mitigati, nec tamen is ipse, a quo salus petitur, habet explicatam aut exploratam rationem salutis suæ. Cumque omnium bellorum exitus incerti sint, ab altera victoria tibi periculum nullum esse perspicio, quod quidem sejunctum sit ab omnium interitu; ab altera te ipsum nunquam timuisse certo scio. Reliquum est, ut te id ipsum, quod ego quasi consolationis loco pono, maxime excruciet, commune periculum reipublicæ; cuius tanti mali, quamvis docti viri multa dicant, tamen vereor, ne consolatio ulla possit vera reperiri, præter illam, quæ tanta est, quantum in cujusque animo roboris atque nervorum est. Si enim bene sentire, recteque facere, fatis est ad bene beateque vivendum; vereor, ne eum, qui se optimorum consiliorum conscientia sustentare possit, miserum esse, nefas sit dicere. Nec enim nos arbitror victoriæ præmiis ductos, patriam olim & liberos & fortunas reliquisse; sed quoddam nobis officium justum & pium & debitum reipublicæ, nostræque dignitati videbamus sequi; nec, cum id faciebamus,

bamus, tam eramus amentes, ut explorata nobis esset victoria. Quare si id evenit, quod ingredientibus nobis in causam propositum fuit accidere posse; non debemus ita cadere animis, quasi aliquid evenerit, quod fieri posse nunquam putarimus. Simus igitur ea mente, quam ratio & veritas præscribit, ut nihil in vita nobis præstandum, præter culpam, putemus; eaque cum careamus, omnia humana placate & moderate feramus. Atque hæc eo pertinet oratio, ut, perditis rebus omnibus, tamen ipsa virtus se sustentare posse videatur. Sed si est spes aliqua rebus communibus, ea tu, quicumque status est futurus, carere non debes. Atque hæc mihi scribenti veniebant in mentem, me eum esse, cuius tu desperationem accusare solitus esses, quemque autoritate tua cunctantem & diffidentem excitare. Quo quidem tempore non ego causam nostram sed consilium improbabam. Sero enim nos iis armis adversari videbam, quæ multo ante confirmata per nosmetipsos erant, dolebamque, pisis & gladiis, non consiliis, neque au-
 tho-

thoritatibus nostris, de jure publico disceptari. Neque ego ea, quæ facta sunt, fore cum dicebam, divinabam futura; sed, quod & fieri posse, & exitiosum fore, si evenisset, videbam, id ne accideret, timebam; præsertim cum, si mihi alterutrum de eventu atque exitu rerum promittendum esset, id futurum, quod evenit, exploratus possem promittere. His enim rebus præstabamus, quæ non prodeunt in aciem; usu autem armorum & militum robore inferiores eramus. Sed tu illum animum nunc adhibe, quæso, quo me tum esse oportere censebas. Hæc eo scripsi, quod mihi Philargyrus tuus omnia de te requirenti, fidelissimo animo (ut mihi quidem visus est) narravit, te sollicitum esse solere vehementius; quod facere non debes: nec dubitare, quin, aut aliqua republica, sis futurus, qui esse debes, aut perdita, non afflictiore conditione, quam cæteri. Hoc vero tempus, quo exanimati omnes atque suspensi sumus, hoc moderatiore animo ferre debes, quod & in ea urbe es, ubi nata & alta est ratio & moderatio vitæ,

&

& habes Serv. Sulpicium, quem semper unice dilexisti, qui te profecto & benevolentia & sapientia consolatur; cujus si essemus & auctoritatem & consilium secuti, rogati potius potentiam, quam armati victoriam substemus. Sed hæc longiora fortasse fuerunt, quam necesse fuit; illa, quæ majora sunt, brevius exponam. Ego habeo, cui plus quam tibi debeam, neminem; quibus tantum debebam, quantum tu intelligis, eos mihi hujus belli casus eripuit. Qui sim autem hoc tempore intelligo. Sed quia nemo est tam afflictus, qui, si nihil aliud tudeat, nisi id quod agit, non possit cavare aliquid & efficere; omne meum consilium, operam, studium, certe velim existimes tibi tuisque liberis esse debitum. Vale.

Ex eodem LIBRO ad fam. EPIST. IX.

ARGUMENTUM.

Excuset se quod rarius antea scripserit, spem aliquam affert de recon-

*consiliato Caesaris animo; nihil ei
precipue timendum significat, id-
que consolationis loco subjungit.*

M. T. C. A. Torquato. S. D.

PETO a te, ne me putes oblivione
tui rarius ad te scribere quam
solebam; sed aut gravitate valetudinis,
qua tamen jam paulum videor levare,
aut quod absim ab urbe, ut, qui ad
te profiscantur, scire non possim.
Quare velim ita statutum habeas, me
tui memoriam cum summa benevo-
lencia tenere, tuasque omnes res non
minori mihi curæ quam meas esse.
Quod majore in varietate versata est
adhuc tua causa, quam homines aut
volebant aut opinabantur, mihi cre-
de, non est, pro malis temporum,
quod moleste feras. Necesse est enim,
aut armis urgeri rempublicam sem-
piternis, aut, his positis, recreari ali-
quando, aut funditus interire. Si
arma valebunt, nec eos, a quibus
reciperis, vereri debes, nec eos quos
adjuvisti. Si armis aut conditione
positis,

positis, aut defatigatione abjectis, aut victoria detractis, civitas respiraverit; & dignitate tua frui tibi & fortunis licebit. Sin omnino interirint omnia, fueritque is exitus, quem vir prudentissimus M. Antonius jam tum timebat, cum tantum instare malorum suspicabatur; misera est illa quidem consolatio, tali praesertim civi, & viro, sed tamen necessaria; nihil esse praecipue cuiquam dolendum in eo quod accidat universis. Quæ vis insit in his paucis verbis (plura enim committenda epistolæ non erant) si attendes, quod facis; profecto etiam sine meis literis intelliges, te aliquid habere quod speres, nihil quod aut hoc aut aliquo reipublicæ statu timeas; omnia si interierint, cum superstitem te esse reipublicæ, ne, si liceat, quidem velis, ferendam esse fortunam, praesertim quæ absit a culpa. Sed hæc hæc hactenus. Tu velim scribas ad me quid agas, & ubi futurus sis, ut, aut quo scribam, aut quo veniam, scire possim. Vale.

Ex

EX eod. LIBRO ad fam. EPIST. III.

ARGUMENTUM.

Consolari vult; sed quia nihil aliud consolandum suppetit, consolationem ait debere esse optimorum consiliorum conscientiam.

M. T. C. A. Torquato. S. D.

SUPERIORIBUS literis benevolentia magis adductus, quam quo res ita postularet, fui longior. Neque enim confirmatione nostra egebat virtus tua; neque erat ea mea causa atque fortuna, ut, cui ipsi omnia deessent, alterum confirmarem. Hoc item tempore brevior esse debeo; five enim tum nihil opus fuit tam multis verbis, nihilo magis nunc opus est; five tum opus fuit, illud satis est, præsertim cum accesserit nihil novi; nam etsi quotidie, aliquid audimus earum rerum, quas ad te perferri existimo; summa tamen eadem est,
&

et idem exitus, quem ego tam video
nimo, quam ea quæ oculis cernimus:
ec vero quidquam video, quod non
sem te videre certo sciam. Nam
tibi, quem exitum acies habitura sit,
emo divinare potest, tamen & belli
exitum video, & si id minus, hoc
videm certe, cum sit necesse alter-
trum vincere, qualis futura sit vel
æc, vel illa victoria. Idque cum
ptime perspexi, tale video, nihil ut
ali videatur futurum, si id vel ante
ecideret, quod vel maximum ad ti-
iorem proponitur. Ita enim vivere,
et tum sit vivendum, miserrimum
t; mori autem nemo sapiens mise-
rim dixit; ne beato quidem. Sed
ea es urbe, in qua hæc, vel plura
ornatiora parietes ipsi loqui posse
deantur. Ego tibi hoc confirmo,
si levis est consolatio ex miseriis
iorum, nihilo te nunc majore in-
ferimine quam quemvis aut eorum
ii discesserint, aut eorum qui re-
anserint; alteri dimicant, alteri
storem timent. Sed hæc consolatio
vis est, illa gravior, qua te uti
E spero;

74 LIBER PRIMUS.

spero; ego certe utor; neque enim, dum ero, angar ulla re, cum omni vacem culpa, &, si non ero, sensu omnino carebo. Sed rursus † γλαυκ' εἰς Ἀθήνας, qui ad te hæc. Mihi tu, tui, tua omnia maximæ curæ sunt, &, dum vivam, erunt. Vale.

Ex eodem LIBRO ad fam. EPIST. IV.

ARGUMENTUM.

Tres partes habet hæc epistola, prima est de propinquo belli exitu; altera ad consolandum pertinet, tertia studium ac diligentiam pollicetur, in iis rebus quæ ad Torquatum pertineant.

M. T. C. A. Torquato. S. D.

NOVI, quod ad te scriberem, nihil erat, & tamen, si quid esset, sciebam te a tuis certiolem fieri solere. De futuris autem rebus etsi semper difficile est dicere, tamen

† noctuam ad Athenas.

in-

interdum conjectura possis propius accedere, cum est res ejusmodi, cujus exitus provideri possit. Nunc tantum videmur intelligere, non diuturnum bellum; etsi id ipsum nonnullis videatur secus. Equidem cum hæc scribebam, aliquid jam actum putabam, non quo ego certo sciam, sed quod haud difficilis erat conjectura. Nam cum omnis belli Mars communis, & cum semper incerti exitus præliorum sunt; tamen hoc tempore ita magnæ utrinque copię, ita paratæ ad depugnandum esse dicuntur, ut, utercunque vicerit, non sit mirum futurum. Illa in dies singulos magis magisque opinio hominum confirmatur, etiam si inter causas armorum aliquantum intersit, tamen inter victorias non multum interfuturum: alteros propemodum jam sumus experti, de altero nemo est quin cogitet, cum sit metuendus iratus victor armatus. Hoc loco si videor augere dolorem tuum, quem consolando levare debeam, fateor me communium malorum consolationem nullam inve-

nire, præter illam, quæ tamen, si possis eam suscipere, maxima est, quaque ego quotidie magis utor; conscientiam rectæ voluntatis maximam consolationem esse rerum incommodarum; nec esse ullum magnum malum, præter culpam; a qua quum tantum absumus, ut etiam optime senserimus; eventusque magis nostri consilii, quam consilium reprehendatur; & quando præstitimus quod debuimus; moderate, quod evenit, feramus. Sed hoc mihi tamen non sumo, ut te consolet de communibus miseriis, quæ ad consolandum majoris ingenii, & ad ferendum singularis virtutis indigent. Illud cuivis facile est docere, cur præcipue tu dolere nihil debeas. Ejus enim, qui tardior in te levando fuit, quam fore putaremus, non est mihi dubia de tua salute sententia; de aliis autem non arbitror te expectare quid sentiam. Reliquum est ut te angat, quod absis a tuis tamdiu. Res molesta, præsertim ab iis pueris, quibus nihil potest esse festivius. Sed, ut antea ad te scripsi,

scripsi, tempus est hujusmodi, ut suam quisque conditionem miserrimam putet, &, ubi quisque sit, ibi esse minime velit. Equidem, nos quod Romæ sumus, miserrimum esse duco, non solum quod in malis omnibus acerbius est videre, quam audire; sed etiam quod ad omnes casus subditorum periculorum magis objecti sumus, quam si abessemus; etsi meipsum, consolatorem tuum, non tantum literæ, quibus semper studui, quantum longinquitas temporis mitigavit. Quanto fuerim dolore, meministi. In quo prima illa consolatio est, vidisse me plus quam cæteros, cum cupiebam, quamvis iniqua conditione, pacem. Quod etsi casu, non divinatione mea factum est, tamen in hac inani prudentiæ laude delector. Deinde, quod mihi ad consolationem commune tecum est, si jam vocer ad exitum vitæ, non ab ea republica avellar, qua carendum esse doleam, præsertim cum id sine ullo sensu futurum sit. Adjuvat etiam ætas & acta jam vita, quæ, cum cursu suo

bene confecto delectatur, tum vetat in eo vim timere, quo nos jam natura ipsa pæne perduxerit. Postremo is vir, vel etiam ii viri hoc bello occiderunt, ut impudentia videatur, eandem fortunam, si res cogat, recusare. Equidem mihi omnia propono; nec ullum est tantum malum, quod non putem impendere. Sed cum plus iam metuendo mali sit, quam in ipso illo quod timetur, desino; præsertim cum id impendeat, in quo non modo dolor nullus, verum etiam finis doloris futurus sit. Sed hæc satis multa, vel plura potius, quam necesse fuit. Facit autem non loquacitas mea, sed benevolentia longiores epistolas. Servium discessisse Athenis moleste tuli; non enim dubito, quin magnæ tibi levationi sit solitus esse quotidianus congressus, & sermo cum familiarissimi hominis, tum optimi & prudentissimi viri. Tu velim te, ut debes & soles, tua virtute sustentares. Ego, quæ te velle, quæque ad te & ad tuos pertinere arbitrabor, omnia studiose diligenterque curabo. Quæ cum faciam, bene-

benevolentiam tuam erga me imitabor, merita non assequar. Vale.

Ex eodem LIBRO ad fam. EPIST. V.

ARGUMENTUM.

*Anulum Cecinam, qui non modo contra
Cesarem pugnaverit, verum etiam
illi, edito libro maledixerat, pa-
tria carentem consolatur, beneque
sperare jubet de fortunis suis ac
de seipso.*

M. T. C. A. CECINA. S. D.

QUotiescunque filium tuum video
(video autem fere quotidie)
polliceor ei studium quidem meum
& operam sine ulla exceptione aut
laboris aut occupationis aut tempo-
ris; gratiam autem atque authorita-
tem cum hac exceptione, quantum
valeam, quantumque possim. Liber
tuus & lectus est, & legitur a me
diligenter, & custoditur diligentissime.
Res & fortunæ tuæ mihi maximæ

curæ sunt, quæ quidem quotidie faciliores mihi & meliores videntur; multisque video magnæ esse curæ, quorum de studio & de sua spe filium ad te perscripsisse certo scio. His autem de rebus, quas conjectura consequi possumus, non mihi sumo, ut plus ipse prospiciam, quam te videre atque intelligere mihi persuaferim; sed tamen, quia fieri potest, ut tu ea perturbatiore animo cogites, puto esse meum, quid sentiam exponere. Ea natura rerum est, & is temporum cursus, ut non possit ista aut tibi, aut cæteris, fortuna esse diuturna, neque hærere in tam bona causa, & in tam bonis civibus tam acerba injuria. Quare ad eam spem, quam extra ordinem de te ipso habemus, non solum propter dignitatem & virtutem tuam (hæc enim ornamenta sunt tibi etiam cum aliis communia) accedunt tua præcipua, propter eximium ingenium, summamque virtutem; cui mehercule hic, cujus in potestate sumus, multum tribuit. Itaque ne punctum quidem temporis

in

in ista fortuna fuisses, nisi eo ipso bono tuo, quo delectatur, se violatum putasset. Quod ipsum lenitur quotidie; significaturque nobis ab iis, qui simul cum eo vivunt, tibi hanc ipsam opinionem ingenii apud illum plurimum profuturam. Quapropter primum fac animo forti atque magno sis; ita enim natus, ita eductus, ita doctus es; ita etiam cognitus, ut tibi id faciendum sit; deinde spem quoque habeas firmissimam propter eas causas, quas scripsi. A me vero tibi omnia liberisque tuis paratissima esse confidas velim. Id enim & vetustas nostri amoris, & mea consuetudo in meos, & tua multa erga me officia postulant.

Ex eod. LIBRO ad fam. EPIST. VI.

ARGUMENTUM.

Ad confirmandum Cæcinæ exulis animum inducit divinationem quandam sumptam ex Cæsaris natura, & rerum temporumque ratione, &

solatur eum proposita fortitudinis laude, conscientia recte factorum, delectatione literarum, calamitate ducum vel recentium vel veterum, perturbatione reipublicæ.

M. T. C. A. Cæcinæ S. D.

VEreor ne desideres officium meum, quod tibi pro nostra & meritum multorum & studiorum, & partium conjunctione deesse non debet; sed tamen vereor, ne literarum a me officium requiras, quas tibi & jampridem & sæpe misissem, nisi quotidie melius expectans, gratulationem, quam confirmationem animi tui complecti literis maluisssem. Nunc autem, ut spero, brevi gratulabimur; itaque in aliud tempus id argumentum epistolæ differo. His autem literis animum tuum, quem minime imbecillum esse audio & spero, etsi non sapientissimi, at amicissimi hominis autoritate confirmandum etiam atque etiam puto; nec his quidem verbis, quibus te consoletur afflicti & jam omni spe salutis or-
batur.

batum, sed ut eum, de cujus incolumitate non plus dubito, quam te meminī dubitare de mea. Nam cum me ex republica expulissent ii, qui illum cadere posse, stante me, non putarunt; meminī me ex multis hospitibus, qui ad me ex Asia, in qua tu eras, venerant, audire, te de glorioso & celeri reditu meo confirmare. Si te ratio quædam Etruscæ disciplinæ, quam a patre, nobilissimo atque optimo viro, acceperas, non fefellit; nec nos quidem nostra divinatio fallit, quam cum sapientissimorum virorum monumentis, atque præceptis, plurimoque ut tu scis, doctrinæ studio, tum magno etiam usū tractandæ reipublicæ, magnæque nostrorum temporum varietate consecuti sumus. Cui quidem divinationi hoc plus confidimus, quod ea nos nihil in his tam obscuris rebus, tamque perturbatis unquam omnino fefellit. Dicerem quæ ante futura dixissem, ni vereretur ne ex eventis fingere viderer. Sed tamen plurimi sunt testes, me & initio, ne conjungeret se cum Cæsare, monuisse Pompeium, & postea ne sejungeret.

COR.

Conjunctione frangi senatus opes, disjunctione civile bellum excitari videbam. Atque utebar familiarissime Cæsare, Pompeium faciebam plurimi; fœderat meum consilium cum fidele Pompeio, tum salutare utrique. Quæ præterea providerim prætereo. Nolo enim hunc de me optime meritum existimare, ea me suasisse Pompeio, quibus ille si paruisset, esset hic quidem clarus in toga & princeps; sed tantas opes, quantas nunc habet, non haberet. Eundem in Hispaniam censui; quod si fecisset, civile bellum nullum omnino fuisset. Rationem haberi absentis non tam pugnavi, ut liceret, quam ut, quando ipso consule pugnante populus iufferat, haberetur. Causa belli orta est. Quid ego prætermisi aut monitorum aut querelarum, cum vel iniquissimam pacem iustissimo bello anteferrem? Victa est authoritas mea, non tam a Pompeio (nam is movebatur) quam ab iis, qui duce Pompeio freti peropportunam & rebus domesticis, & cupiditatibus suis illius belli victoriam fore putabant. Susceptum bellum est, quiescente me,

de-

depulsum ex Italia, manente me, quoad potui; sed valuit apud me plus pudor meus quam timor, veritus sum deesse Pompeii salutem, cum ille aliquando non defuisset meæ. Itaque vel officio, vel fama bonorum, vel pudore victus, ut in fabulis Amphiaræus, sic ego prudens & sciens ad pestem ante oculos positam sum profectus. Quo in bello nihil adversi accidit, non prædicente me. Quare, quum, ut augures & astrologi solent, ego quoque augur publicus ex meis superioribus prædictis constitui apud te auctoritatem augurii & divinationis meæ; debet habere fidem nostra prædictio. Non igitur ex alitis involatu, nec e cantu sinistro oscinis, ut in nostra disciplina est, nec ex tripudiis solistimis, aut soniviis tibi auguror; sed habeo alia signa quæ observem; quæ, etsi non sunt certiora illis, minus tamen habent vel obscuritatis vel erroris. Notantur autem mihi ad divinandum signa duplici quadam via; quarum alteram duco a Cæsare ipso; alteram e temporum civilium natura atque ratione. In Cæsare hæc sunt; mitis clemensque

mensque natura, qualis exprimitur præclaro illo libro querelarum tuarum : accedit, quod mirifice ingeniis excellentibus, quale est tuum delectatur ; præterea cedit multorum justis & officio incensis, non inanibus aut ambitiosis, voluntatibus. In quo vehementer eum consentiens Etruria movebit. Cur hæc igitur adhuc parum profecerunt ? Quia non putat se sustinere causas posse multorum, si tibi, cui justius videtur irasci posse, concesserit. Quæ est igitur, inquires, spes ab irato ? Eodem fonte se hausturum intelligit laudes suas, e quo sit leviter aspersus. Postremo homo est valde acutus, & multum providens, intelligit te, hominem in parte Italiæ minime contemnenda facile omnium nobilissimum, et in communi re publica, cuivis summorum tuæ ætatis, vel ingenio, vel gratia, vel fama populi Romani parem, non posse prohiberi re publica diutius. Nolet hoc temporis potius esse aliquando beneficium, quam jam suum. Dixi de Cæsare ; nunc dicam te temporum rerumque natura. Nemo est tam inimicus ei causæ, quam Pom-

Pompeius animatus melius, quam paratus susceperat, qui nos malos cives dicere, aut homines improbos audeat. In quo admirari soleo gravitatem & iustitiam & sapientiam Cæsaris. Nunquam, nisi honorificentissime, Pompeium appellat. At in ejus personam multa fecit asperius. Armorum ista & victoriæ sunt facta, non Cæsaris. At nos quemadmodum est complexus? Cassium sibi legavit, Brutum Galliæ præfecit, Sulpitium Græciæ, Marcellum, cui maxime succensebat, cum summa illius dignitate restituit. Quo igitur hæc spectant? Rerum hoc natura & civilium temporum non patietur; nec manens, nec mutata ratio feret, primum, ut non in causa pari eadem sit et conditio & fortuna omnium; deinde ut in eam civitatem boni viri & boni cives nulla ignominia notati non revertantur; in quam tot nefariorum scelerum condemnati reverterunt. Habes augurium meum, quo, si quid addubitarem, non potius uterer, quam illa consolatione, qua facile fortem virum sustentarem; et, si explorata victoria arma sumpsisses.

fisses pro republica (ita enim tum putabas) non nimis esse laudandum; si propter incertos exitus, eventusque bellorum, posse accidere, ut vinceremur, putasses; non debere ad secundam fortunam bene paratum fuisse, adversam ferre nullo modo te posse. Disputarem etiam quanto solatio tibi conscientia tui facti, quantæ delectationi in rebus adversis literæ esse deberent. Commemorarem non solum veterum, sed horum etiam recentium, vel ducum, vel comitum tuorum gravissimos casus. Etiam externos multos claros viros nominarem. Levat enim dolorem communis quasi legis & humanæ conditionis recordatio. Exponerem etiam quemadmodum hic & quanta in turbatione, quantaque in confusione rerum omnium viveremus; necesse est enim minore desiderio perdita republica carere, quam bona. Sed hoc genere nihil opus est; incolumem te cito ut spero, vel potius, ut prospicio, videbimus: interea tibi absenti, & huic, qui adest, imagini animi & corporis tui, constantissimo atque

que optimo filio tuo, studium, officium, operam, laborem meum jampridem & pollicitus sum & detuli. Nunc hoc amplius; quod me amicissime quotidie magis Cæsar amplectitur, familiares quidem ejus sic, uti neminem; apud quem quicquid valebo vel autoritate vel gratia, valebo tibi. Tu cura ut cum & fortitudine animi te, tum etiam spe optimorum sustentēs. Vale.

Ex eod. LIBRO ad fam. EPIST. VII.

ARGUMENTUM.

Excusat Cæcina filium, quia Ciceroni librum sero reddiderit, queritur, sibi Cæsarem irasci, quod in eum scripserit, cum ignoverit omnibus qui Deos venerati sint contra ejus salutem. Rursus omissam repetit libri sui mentionem, & quam parce quamque timide tum de ipso Cicerone, tum etiam de Cæsare scripserit, diligenter ostendit. Non iturum in Asiam, suadente Cicerone
ut

ut in Sicilia commoretur, confirmat. Petit ut sibi venia potestasque redeundi a Cæsare impetretur. Librum custodiri cupit, aut ita emendari, ne, si exeat, ejus rationibus obesse posset.

A. Cæcina. M. T. Ciceroni. S. D.

QUOD tibi non tam celeriter liber est redditus, ignosce timori nostro & miserere temporis. Filius, ut audio, pertimuit (neque injuria) si liber exisset, quando non tam interest, quo animo scribatur, quam quo accipitur; ne ea res inepte mihi noceret, cum presertim adhuc styli poenas dem. Qua quidem in re, singulari sum fato. Nam cum mendum scripturæ, litura tollatur, stultitia fama multetur, meus error exilio corrigitur; cujus summa criminis est, quod armatus adversario maledixi. Nemo nostrum est, ut opinor, quin vota victoriæ suæ fecerit; nemo quinetiam cum de alia re immolaret, tamen eo quidem ipso tempore, ut quamprimum Cæsar superaretur, optarit.

tarit. Hoc si non cogitat, omnibus rebus foelix est; si scit & persuasus est, quid irascitur ei, qui aliquid scripsit contra suam voluntatem, cum ignorit omnibus, qui multa Deos venerati sunt contra ejus salutem? sed ut eodem revertar, causa hæc fuit timoris; scripsi de te parce medius-fidius, & timide, non revocans me ipse, sed pene refugiens. Genus autem hoc scripturæ non modo liberum, sed incitatum atque elatum esse debere, quis ignorat? solum existimatur esse, alteri maledicere; tamen cavendum est, ne in petulantiam incidas, impeditum, seipsum laudare, ne vitium arrogantiae subsequatur; solum vero liberum, alterum laudare; de quo quicquid detrahas, necesse est aut infirmitati aut invidiæ assignetur. Ac nescio, an tibi gratius opportuniisque acciderit; nam quod præclare facere non poteram, primum erat non attingere, secundum beneficium quam parcissime facere; sed tamen ego quidem me sustinui, multa minui, multa sustuli, complura ne posui quidem. Quemadmodum igitur scalarum gradus si
alios

ut in Sicilia commoretur, confirmat. Petit ut sibi venia potestasque redeundi a Cesare impetretur. Librum custodiri cupit, aut ita emendari, ne, si exeat, ejus rationibus obesse posset.

A. Cæcina. M. T. Ciceroni. S. D.

QUOD tibi non tam celeriter liber est redditus, ignosce timori nostro & miserere temporis. Filius, ut audio, pertimuit (neque injuria) si liber exisset, quando non tam interest, quo animo scribatur, quam quo accipiat, ne ea res inepte mihi noceret, cum presertim adhuc styli poenas dem. Qua quidem in re, singulari sum fato. Nam cum mendum scripturæ, litura tollatur, stultitia fama multetur, meus error exilio corrigitur; cujus summa criminis est, quod armatus adversario maledixi. Nemo nostrum est, ut opinor, quin vota victoriæ suæ fecerit; nemo quinetiam cum de alia re immolaret, tamen eo quidem ipso tempore, ut quamprimum Cæsar superaretur, optarit.

tarit. Hoc si non cogitat, omnibus rebus foelix est; si scit & persuasus est, quid irascitur ei, qui aliquid scripsit contra suam voluntatem, cum ignorit omnibus, qui multa Deos venerati sunt contra ejus salutem? sed ut eodem revertar, causa hæc fuit timoris; scripsi de te parce medius-fidius, & timide, non revocans me ipse, sed pene refugiens. Genus autem hoc scripturæ non modo liberum, sed incitatum atque elatum esse debere, quis ignorat? solum existimatur esse, alteri maledicere; tamen cavendum est, ne in petulantiam incidas, impeditum, seipsum laudare, ne vitium arrogantiae subsequatur; solum vero liberum, alterum laudare; de quo quicquid detrahas, necesse est aut infirmitati aut invidiæ assignetur. Ac nescio, an tibi gratius opportuniusque acciderit; nam quod præclare facere non poteram, primum erat non attingere, secundum beneficium quam parcissime facere; sed tamen ego quidem me sustinui, multa minui, multa sustuli, complura ne posui quidem. Quemadmodum igitur scalarum gradus si
alios

alios tollas, alios incidas, nonnullos male hærentes relinquas, ruinæ periculum struas, non ascensum pares; sic tot malis cum vinctum, tum fractum studium scribendi, quid dignum auribus aut probabile potest afferre? Cum vero ad ipsius Cæsaris nomen veni, toto corpore contremisco, non poenæ metu, sed ipsius iudicii; totum enim Cæsarem non novi. Quem putas animum esse, ubi secum loquitur? hoc probavit, hoc verbum suspiciosum est. Quid si hoc muto? at vereor ne pejus sit. Age vero laudo aliquem, num offendo? cum porro offendam, quid si non vult? Armati stylum persequitur, victi & nondum restituti, quid faciet? Auges etiam tu mihi timorem, qui in oratore tuo caves tibi per Brutum; & ad excusationem focium quæris. Ubi hoc omnium patronus facis, quid me veterem tuum, nunc omnium clientem sentire oportet? In hac igitur calumnia timoris & cæcæ suspicionis tormento, cum plurima ad alieni sensus conjecturam, non ad suum iudicium scribantur, quam difficile sit evadere, si minus expertus

pertus es, quod te ad omnia summum atque excellens ingenium armavit, nos sentimus. Sed tamen ego filio dixeram, librum tibi legeret & auferret; aut ea conditione daret, si reciperes te correcturum, hoc est, si totum alium faceres. De Asiatico itinere, quanquam summa necessitas premebat, ut imperasti, feci. Te pro me quid horter? vides tempus venisse, quo necesse sit de nobis constitui. Nihil est, mi Cicero, quod filium meum expectes; adolescens est, omnia excogitare, vel studio, vel ætate, vel metu non potest. Totum negotium tu sustineas oportet; in te mihi omnis spes est. Tu, pro tua prudentia, quibus rebus gaudeat, quibus capiatur Cæsar, tenes: a te omnia proficiantur, & per te ad exitum perducantur necesse est. Apud ipsum multum, apud ejus omnes plurimum potes: unum si tibi persuaseris, non hoc esse tui muneris, si quid rogatus fueris, ut facias (quanquam id magnum & amplum est) sed totum tuum esse onus, perficies; nisi forte aut in miseria nimis stulte, aut in amicitia nimis impudenter

denter tibi onus impono. Sed utrique rei excusationem tuæ vitæ consuetudo dat: nam quod ita confueris pro amicis laborare, non jam sic sperant abs te, sed etiam sic imperant tibi familiares. Quod ad librum attinet, quem tibi filius dabit, peto a te ne exeat, aut ita corrigas, ne mihi noceat. Vale.

EX eod. LIBRO ad fam. EPIST. VIII.

ARGUMENTUM.

Datum sibi a Balbo & Oppio scribit, ut Cæcinæ liceret esse in Sicilia, ibique ut commoretur suadet.

M. T. C. A. Cæcinæ S. D.

CUM esset mecum Largus, homo tui studiosus, locutus Calendas Januarias tibi præfinitas esse; quod omnibus rebus perspexeram, quæ Balbus & Oppius, absente Cæsare, egissent, ea solere illi rata esse; egi vehementer cum his, ut hoc mihi darent, tibi in Sicilia, quoad vellemus, esse uti liceret.

ret. Qui mihi consueissent aut libenter polliceri, si quid esset ejusmodi, quod eorum animos non offenderet; aut etiam negare, & afferre rationem, cur negarent; huic meæ rogationi protinus non responderunt; eodem die tamen ad me reverterunt, mihiq; hoc dederunt, ut esses in Sicilia, quoad velles; se præstituros, nihil ex eo te offensiones habiturum. Quando, quid tibi permittatur, cognovisti, quid mihi placeat puto te scire oportere. Actis his rebus, literæ a te mihi redditæ sunt, quibus a me consilium petis, quod sim tibi author, in Siciliæ, subsidias, an ut ad reliquias Asiaticæ negotiationis proficiscare. Hæc tua deliberatio non mihi convenire visa est cum oratione Largi. Ille enim mecum, quasi tibi non liceret in Sicilia diutius commorari, ita locutus erat; tu autem, quasi concessum sit, ita deliberas. Sed ego, sive hoc, sive illud est, in Sicilia censeo commorandum. Propinquitas locorum vel ad impetrandum adjuvat crebris literis & nuntiis; vel ad reditus celeritatem, re aut impetrata, quod spero,

aut

aut aliqua ratione confecta. Quamobrem censeo magnopere commorandum. Tito Furfanio posthumio, familiari meo, legatisque ejus, item meis familiaribus, diligentissime te commendabo, cum venerint. Erant enim omnes Mutinæ; viri sunt optimi, & tui similium studiosi, & mei necessarii. Quæ mihi venient in mentem, quæ ad te pertinere arbitrabor, ea mea sponte faciam. Si quid ignorabo, de eo admonitus omnium studia vincam. Ego etsi coram de te cum Furfanio ita loquar, ut tibi literis meis ad eum nihil opus sit; tamen quoniam tuis placuit, te habere meas literas, quas ei redderes, morem his gessi. Earum literarum exemplum infra scriptum est. Vale.

Ex eod. LIBRO ad fam. EPIST. IX.

ARGUMENTUM.

Brevis est epistola, sed perfecta commendationis exemplum.

M. T. C.

M. T. C. *T. Furfanio. Procons. S. D.*

CUM A. Cæcina tanta mihi familiaritas consuetudoque semper fuit, ut nulla major esse possit. Nam & patre ejus, claro homine & forti virò plurimum usi sumus; & hunc a puero, quod & spem magnam mihi afferebat summæ probitatis summæque eloquentiæ, & vivebat mecum conjunctissime, non solum officiis amicitiae, sed etiam studiis communibus, sic semper dilexi, ut non ullo cum homine conjunctius viverem, quam mihi necesse sit ejus salutem & fortunas, quibuscunque rebus possim, tueri, vides. Reliquum est, ut, cum cognorim pluribus rebus, quid tu & de bonorum fortuna, & de reipublicæ calamitatibus sentires, nihil a te petam, nisi ut ad eam voluntatem, quam tua sponte erga Cæcinam habiturus esses, tantus cumulus accedat commendatione mea, quanti me a te fieri intelligo. Hoc mihi gratius facere nihil potes. Vale.



LIBER SECUNDUS.

EX LIBRO VI. ad fam. EPIST. XI.

ARGUMENTUM.

Reditum in patriam Dolabella maxime beneficio impetratum nuntiat, gratulationem ab ipso exposcit, gratiarum actionem repudiat; hortatur, ut præterita ex animo deleat, dignitatisque recuperationem rei familiaris jacturæ anteponat.

M. C. Trebanio. S. D.



Olabellam antea tantummodo diligebam, obligatus ei nihil eram; nec enim acciderat mihi opus esse; & ille mihi debebat, quod non defueram ejus periculis. Nunc tanto sum devinctus beneficio,

LIBER SECUNDUS. 99

ficio, quod & antea in re, & hoc tempore in salute tua cumulatissime mihi satisfecit, ut nemini plus debeam. Quia in re tibi gratulor ita vehementer, ut te quoque mihi gratulari, quam gratias agere malim: alterum omnino non desidero, alterum vere facere poteris. Quod reliquum est, quando tibi virtus, & dignitas tua reditum ad tuos aperuit, est tuæ sapientiæ, magnitudinisque animi, quid amiseris, oblivisci; quid recuperaveris, cogitare. Vives cum tuis, vives nobiscum. Plus acquisivisti dignitatis, quam amisisti rei familiaris; quæ ipsa tum esset jucundior, si ulla res esset publica. Nestorius noster familiaris ad me scripsit te mihi maximas gratias agere. Hæc prædicatio tua mihi valde grata est, eaque te uti facile patior, cum apud alios, tum mehercule apud Syronem, nostrum amicum. Quæ enim facimus, ea prudentissimo cuique maxime probata esse volumus. Te cupio videre quam primum. Vale.

100 LIBER SECUNDUS.

EX eod. LIBRO ad fam. EPIST. XIII.

ARGUMENTUM.

Scribit se bene sperare de Ligarii salute, ad eamque impetrandam omnia sua pollicetur; interim hortatur, ut adversam fortunam moderate ferat.

Cicero Ligario.

ET SI tali tuo tempore me aut consolandi aut juvandi tui causa scribere ad te aliquid pro nostra amicitia oportebat, tamen adhuc id non feci; quia neque lenire videbar oratione, neque levare posse dolorem tuum. Postea vero quam magnam spem habere coëpi, fore ut te brevi tempore incolumem haberemus, facere non potui, quin tibi & sententiam & voluntatem declararem meam. Primum igitur scribam, quod intelligo & perspicio, non fore in te Cæsarem duriores: nam & res eum quotidie, & dies, & opinio hominum,

LIBER SECUNDUS. 101

num, &, ut mihi videtur, etiam sua natura mitiorem facit; idque cum de reliquis sentio, tum de te etiam audio ex familiarissimus ejus; quibus ego ex eo tempore, quo primum ex Africa nuntius venit, supplicare una cum fratribus tuis non destiti: quorum quidem & virtus, & pietas, & amor in te singularis, & assidua & perpetua cura salutis tuæ tantum proficit, ut nihil sit, quod non ipsum Cæsarem tributurum existimem. Et si tardius fit, quam volumus; magnis occupationibus ejus, a quo omnia petuntur, aditus ad cum difficiliore fuerunt: & simul Africanæ causæ iratior, diutius velle videtur eos habere sollicitos a quibus se putat diuturnioribus esse molestiis conflictatum. Sed hoc ipsum intelligimus eum quotidie remissius & placatius ferre. Quare mihi crede, & memoriæ manda, me tibi id affirmasse, te in istis molestiis diutius non futurum. Quum quid sentirem exposui, quid vellem tua causa, re potius declarabo, quam oratione; &, si tantum possem, quantum in ea republica, de qua ita sum meritus, ut

102. LIBER SECUNDUS.

tu existimas, posse debebam; ne tu quidem in istis incommodis esses. Eadem enim causa opes meas fregit, quæ tuam salutem in discrimen adduxit. Sed tamen, quicquid imago veteris meæ dignitatis, quicquid reliquæ gratiæ valebunt; studium, opera, gratia, fides mea nullo loco deerit tuis optimis fratribus. Tu fac habeas fortem animum, quem semper habuisti; primum ob eas causas, quas scripsi; deinde, quod ea de republica semper voluisti atque sensitisti, ut non modo nunc secunda sperare debeas, sed etiam, si omnia adversa essent, tamen conscientia & factorum & consiliorum tuorum, quæcunque acciderent, fortissimo & maximo animo ferre deberes. Vale.

Ex eod. LIBRO ad fam. EPIST. XXII.

ARGUMENTUM.

Excusat Cicero officium suum, quia literas ad eum antea non miserit, oratque & obtestatur, ut, cum rei publicæ jam satisfecerit, incolumitati

LIBER SECUNDUS. 103

tati suæ consuleret, amicorumque, quos belli casus eripuit, desiderium æquo animo aut saltem forti ferret. In extremo pollicetur se omnia facturum studiosissime, quæ saluti illius & dignitati conducere arbitrabitur.

Cicero Domitio.

NON ea res me deterruit, quo minus, postea quam in Italiam venisti, literas ad te mitterem, quod tu ad me nullas miseras; sed quia nec quid tibi pollicerer, ipse egens rebus omnibus; nec, quid suaderem, cum mihimet ipsi consilium deesset, nec, quid consolationis afferrem in tantis malis, reperiebam. Hæc quanquam nihilo meliora sunt, nunc etiam atque etiam multo desperatiora, tamen inanes esse meas literas, quam nullas, malui. Ego, si te intelligerem plus conatum esse suscipere reipublicæ causâ muneris, quam quantum præstare potuisses; tamen, quibuscunque rebus possem, ad eam conditionem te vivendi, quæ daretur,

104 LIBER SECUNDUS.

quæque esset, hortarer. Sed cum consilii tui bene fortiterque suscepti eum tibi finem statueris, quem ipsa fortuna terminum nostrarum contentionum esse voluisset; oro obtestorque re pro vetere nostra conjunctione ac necessitudine, proque summa mea in te benevolentia, & tua in me pari, te ut nobis, parenti, conjugii, tuisque omnibus, quibus es fuisti que semper charissimus, saluum conserves; incolumitati tuæ, tuorumque qui ex te pendent, consulas; quæ didicisti, quæque ab adolescentia pulcherrime a sapientissimis viris tradita, memoria & scientia comprehendisti, iis hoc tempore utare: quos conjunctos summa benevolentia, plurimisque officiis amisti, si non æquo animo, at forti feras. Ego, quid possim, nescio; vel potius me parum posse sentio: illud tamen tibi polliceor, me, quæcunque salutis dignitatisque tuæ conducere arbitror, tanto studio esse facturum, quanto semper tu & studio & officio in meis rebus fuisti. Hanc meam voluntatem ad matrem tuam, optimam.

mam foeminam, tuique amantissimam, detuli. Si quid ad me scripseris, ita faciam, ut te velle intellexero. Sin autem tu minus scripseris, ego tamen omnia, quæ tibi utilia esse arbitrabor, summo studio diligentiaque curabo. Vale.

EX LIBRO VII. ad fam. EPIST VIII.

ARGUMENTUM.

Quid Cæsar ad se de Trebatio scripsit, quid ipse Cæsari responderit, officiose significat, deinde Trebatium modeste reprehendit, quia tribunatum militum, a Cæsare delatum, recusaverat, hortaturque ut in occasione & facultate sibi ne deesset.

Cicero Trebatio.

Scripsit ad me Cæsar perhumaniter, nondum te sibi satis esse familiarem propter occupationes suas, sed certe fore: cui quidem ego rescripsi, quam mihi gratum esset futurum,

rum, si quam plurimum in te studiū, officii, liberalitatis suæ contulisset. Sed ex tuis literis cognovi præproperam quandam festinationem tuam, & simul sum admiratus, cur tribunatus commoda, dempto præsertim labore militiæ, contempseris. Querar cum Vacerra & Manilio; nam Cornelio nihil audeo dicere; cujus tu periculo stultus es, quum te ab eo sapere didicisse profiteris. Quin tu urges istam occasionem & facultatem, qua melior nunquam reperietur? Quod scribis de illo Prætiano jurisconsulto, ego te ei non desino commendare: scribit enim ipse, te sibi gratias agere debere. De eo, quid sit, cura ut sciam. Ego vestras Britannicas literas expecto. Vale.

Ex eod. LIBRO ad fam. EPIST. XVII.

ARGUMENTUM.

Gratulatur Trebatio, quod urbis urbanarumque rerum desiderium aliquando deposuerit, & hortatur ut

ut Caesaris amicitiam plurimi faciat, quam fore fructuosam promittit.

Cicero Trebatio. S. D.

EX tuis literis & Quinto fratri gratias egi, & te aliquando collaudare possum, quod jam videris certa aliqua in sententia constituisse. Nam primorum mensium literis tuis vehementer commovebar, quod mihi interdum (pace tua dixerim) in urbis urbanitatisque desiderio; interdum piger, interdum timidus in labore militari; saepe autem etiam, quod a te alienissimum est subimpudens videbare: tanquam enim syngrapham ad imperatorem, non epistolam, attulisses, sic, pecunia ablata, domum redire properabas; nec tibi in mentem veniebat, eos ipsos, qui cum syngraphis venissent Alexandream, nummum adhuc nullum auferre potuisse. Ego, si mei commodi rationem ducerem, te mecum esse maxime vellem: non enim mediocri afficiebar vel volup-

108 LIBER SECUNDUS.

luptate ex consuetudine nostra, vel utilitate ex consilio atque opera tua. Sed cum te ex adolescentia tua in amicitiam & fidem meam contulisses, semper te non modo tuendum mihi, sed etiam augendum atque ornandum putavi. Itaque quoad opinatus sum me in provinciam exiturum, quæ ad te ultro attulerim, meminisse te credo. Postea quam mea mutata est ratio, cum viderem me a Cæsare honorificentissime tractari, & unice diligere, hominisque liberalitatem incredibilem & singularem fidem nossem; sic ei te commendavi, & tradidi, ut gravissime diligentissimeque potui. Quod ille ita & accepit, & mihi sæpe literis significavit, & tibi & verbis & re ostendit, mea commendatione sese valde esse commotum. Hunc tu virum nactus, si me aut sapere aliquid aut velle tua causa putas, ne dimiseris; & si quæ te forte res aliquando offenderit, cum ille aut occupatione aut difficultate tardior tibi erit visus, perfero & ultima expectato; quæ ego tibi & jucunda & honesta præstabo.

Plu.

Pluribus te hortari non debeo ; tantum moneo, neque amicitiae confirmandae clarissimi ac liberalissimi viri, neque uberioris provinciae, neque ætatis magis idoneum tempus, si hoc amiseris, te esse ullum unquam reperturum. Hoc, quemadmodum vos scribere soletis in vestris libris, idem. Q. Cornelio videbatur. In Britanniam te profectum non esse gaudeo, quod & labore caruisti, & ego te de rebus illis non audiam. Ubi sis hibernaturus, & qua spe, aut conditione, perscribas ad me velim. Vale.

Ex eod. LIB. ad fam. EPIST. XXVII.

ARGUMENTUM.

Inique Gallus Ciceronem literis accusaverat, vicissim igitur eum Cicero repungit, ut iniquum & impudentem.

Cicero Gallo S. D.

MIROR cur me accuses, cum tibi id facere non liceat, quod
 si

FIO LIBER SECUNDUS.

si liceret, tamen non debebas. Ego enim te in Consulatu observaram; & ais fore, ut te Cæsar restituat. Multa tu quidem dicis, sed tibi nemo credit. Tribunatum plebis dicis te mea causa petisse; utinam semper esses Tribunus; intercessiores non quæreret. Negas me audere, quod sentiam, dicere, quasi tibi, cum parum pudenter me rogares, parum fortiter responderim. Hæc tibi scripsi, ut isto ipso in genere, in quo aliquid posse vis, te nihil esse cognosceres. Quod si humaniter mecum questus esses, libenter tibi me & facile purgassem. Non enim mihi ingrata sunt quæ fecisti, sed quæ scripsisti molesta. Me autem, propter quem cæteri liberi sunt, tibi liberum non visum demiror. Nam si falsa fuerunt, quæ tu ad me, ut ais, detulisti, quid ego tibi debeo? Si vera, tu es optimus testis, quid mihi populus Romanus debeat. Vale.

Ex

LIBER SECUNDUS. III

EX LIBRO IX. ad fam. EPIST. III.

ARGUMENTUM.

Iturum se ad Varronem significat, quanquam fore videat, ut ab hominibus uterque reprehendatur, si Baiis futuri sint, quasi turpe sit, miserrima civitate, villarum amœnitatem querere; se tamen eorum inscitiam negligere, & indoctorum sermones contemnere, & in studiis omnino cum Varrone victurum ait.

Cicero Varroni3. D

ETSI quid scriberem non habendam, tamen Caninio ad te eunti non potui nihil dare. Quid ergo potissimum scribam? Quod velle te puto, cito me ad te esse venturum. Etsi vide, quæso, satisne rectum sit, nos hoc tanto incendio civitatis, in istis locis esse. Dabimus sermonem iis qui nesciunt, nobis, quocunque in loco

112 LIBER SECUNDUS.

loco simus, eundem cultum, eundem victum esse. Quid refert? tamen in sermonem incidemus. Valde id, credo, laborandum est, ne, cum omnes in omni genere & scelerum & flagitiorum voluntentur, nostra nobiscum, aut inter nos cessatio vituperetur. Ego vero, neglecta barbarorum inscitia, te persequar. Quamvis enim hæc sunt misera, quæ sunt miserrima, tamen artes nostræ nescio quomodo nunc uberiores fructus ferre videntur, quam olim ferebant: sive quia nulla nunc in re alia acquiescimus, sive quod gravitas morbi facit, ut medicinæ egeamus, eaque nunc appareat, cujus vim non sentiebamus, cum valebamus. Sed quid ego nunc ad te, cujus dominascuntur? * γλαυκ' εἰς Ἀθήνας. Nihil scilicet, nisi ut rescriberes aliquid, me expectares. Sic igitur facies. Vale.

EX eod. LIBRO ad fam. EPIST. V.

ARGUMENTUM.

*Probat & diem, quo conventuri sint,
& suum Varronisque consilium, quod,*

* Noctuum ad Athenas.

semel

LIBER SECUNDUS. 113

semel a Cesare victi, ab armis dis-
cesserint.

Cicero Varroni S. D.

M IHI vero ad Nonas bene maturum videtur fore, neque solum propter reipublicæ, sed etiam propter anni tempus. Quare diem istum probō; itaque eundem ipse sequar. Consilii nostri, nisi eos quidem, qui id secuti non sunt, non poeniteret, nobis poenitendum putarem. Secuti enim sumus non spem, sed officium. Reliquimus autem non officium, sed desperationem. Ita verècundiores fuimus, quam qui se domo non commoverunt; faniore, quam qui, amissis opibus, domum non reverterunt. Sed nihil minus fero, quam severitatem otiosorum, & quoquo modo se res haberet, magis illos vereor, qui in bello occiderunt, quam hos curo, quibus non satisfacimus, quia vivimus. Mihi si spatium fuerit in Tusculanum ante Nonas veniendi, istic te videbo, sin minus, persequar in Cumanum, & ante te certio rem faciam, ut lavatio parata sit. Vale. Ex

Ex eod. LIBRO ad fam. EPIST. XI.

ARGUMENTUM.

Tulliola filia suæ mortem, Dolabellæ, qui jam antea cum ea divorcium fecerat, dolenter significans, ait sibi plurimum solatii in illius consuetudine & sermonibus futurum; suos obtretractores ab eo refutari vult, sed amorem in se ex eo patefieri magis gaudet, excusat brevitatem litterarum suarum.

Cicero Dolabellæ suo S. D.

VEL meo ipsius interitu malletm
 literas meas desiderares, quam
 eo casu, quo sum gravissime afflictus;
 quem ferrem certe moderatius, si te haberem. Nam & oratio tua prudens,
 & amor erga me singularis, multum levaret. Sed quum brevi tempore, ut opinio nostra est, te sum visurus, ita me affectum offendes, ut multum a te possim juvari; non quo ita sim fractus,
 ut

LIBER SECUNDUS. 115

ut aut hominem me esse oblitus sim, aut fortunæ succumbendum putem : sed tamen hilaritas illa nostra, & suavitas, quæ te præter cæteros delectabat, erepta mihi omnis est. Firmitatem tamen & constantiam, si modo fuit aliquando in nobis, eandem cognosces, quam reliquisti. Quod scribis prælia te mea causa sustinere, non tam id laboro, ut, si qui mihi obtrecent, a te refutentur, quam intelligi cupio, quod certe intelligitur, me a te amari ; quod ut facias, te etiam atque etiam rogo, ignoscasque brevitati literarum mearum : nam & celeriter una futuros nos arbitror, & nondum satis confirmatus sum ad scribendum. Vale.

EX eod. LIBRO ad fam. EPIST. XII.

ARGUMENTUM.

*Gratulatur Dolabella de repentina
Baiaarum salubritate ; orationem
pro Deiotaro rege ad Cæsarem ha-
bitam mittit, paulo post Cæsaris
necem hanc scripsit.*

Cicero

Cicero Dolabella S. D.

GRatulator Baiis nostris, siquidem, ut scribis, salubres repente factæ sunt : nisi forte te amant, & tibi assentantur, & tamdiu, dum tu ades, sunt oblitaæ sui. Quod quidem si ita est, minime miror, cœlum etiam & terras vim suam, si ita tibi conveniat, dimittere. Oratiunculam pro Deiotaro, quam requirebas, habebam mecum, quod non putaram. Itaque eam tibi misi, quam velim sic legas, ut causam tenuem & inopem, nec scriptione magnopere dignam. Sed ego hospiti veteri & amico munusculum mittere volui levidente, crasso filo, cujusmodi ipsius solent esse munera. Tu velim animo sapienti fortique sis ; ut tua moderatio & gravitas aliorum infamet injuriam. Vale.

Ex eod. LIBRO ad fam. EPIST. XIV.

*Dolabellam laudibus attollit, quia
columnnam Casari mortuo, tanquam
Deo, erectam everterat, hominesque
pessime*

LIBER SECUNDUS. 117

peffime contra civitatem & libertatem animatos supplicio affecerat.

Cicero Dolabella Consuli S. D.

ETSI contentus eram, mi Dolabella, tua gloria, fatisque ex ea magnam lætitiā voluptatemque capiebam; tamen non possum non confiteri, cumulari me maximo gaudio, quod vulgo hominum opinio focium me adscribat tuis laudibus. Neminem conveni, (convenio autem quotidie plurimos; sunt enim permulti optimi viri, qui valetudinis causa in hæc loca veniant, præterea ex municipiis frequentes necessarii mei) qui omnes, cum te summis laudibus ad cœlum extulerunt, mihi continuo maximas gratias agunt. Negant enim se dubitare, quin tu meis præceptis & consiliis obtemperans præstantissimum te civem, & singularem consulem præbeas. Quibus ego quam verissime possum respondere, te, quæ facias, tuo iudicio & tua sponte facere, nec cujusquam egere consilio; tamen neque plane assentior, ne immi-
nuam

118 LIBER SECUNDUS.

nuam tuam laudem, si omnis a meis consiliis profecta videatur; neque valde nego. Sum enim avidior etiam, quam satis est, gloriæ. Est tamen non alienum dignitate tua, quod ipsi Agamemnoni, regum regi, fuit honestum, habere aliquem in consiliis capiundis Nestorem; mihi vero gloriosum, te juvenem consulem florere laudibus, quasi alumnum disciplinæ meæ. Lucius quidem Cæsar, cum ad eum ægrotum Neapolim venissem, quanquam erat oppressus totius corporis doloribus, tamen ante, quam me plane salutaret, O mi Cicero, inquit, gratulor tibi, cum tantum vales apud Dolabellam, quantum si ego apud sororis filium valerem, jam salvi esse possemus. Dolabellæ vero tuo & gratulor & gratias ago; quem quidem post te consulem, solum possumus vere consulem dicere. Deinde multa de facto & de re gesta; tum nihil magnificentius, nihil præclarius actum unquam, nihil reipublicæ salutaris. Atque hæc una vox omnium est. A te autem peto, ut me hanc quasi falsam hæreditatem alienæ gloriæ sinas cernere,

cernere, meque aliqua ex parte in societatem tuarum laudum venire patiari: quanquam, mi Dolabella (hæc enim jocatus sum) libentius omnes meas, si modo sunt aliquæ meæ laudes, ad te transfuderim, quam aliquam partem exhauserim ex tuis. Nam cum te semper tantum dilexerim, quantum tu intelligere potuisti, tum his tuis factis sic incensus sum, ut nihil unquam in amore fuerit ardentius. Nihil est enim (mihi crede) virtute formosius, nihil pulchrius, nihil amabilius. Semper amavi (ut scis) M. Brutum, propter ejus summum ingenium, suavissimos mores, singularem probitatem atque constantiam; tamen idibus Martiis tantum accessit ad amorem, ut mirarer locum fuisse augendi in eo, quod mihi jampridem cumlatum etiam videbatur. Quis erat, qui putaret, ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse. Quare quid est quod ego te horter, ut dignitati & gloriæ servias? proponam tibi claros viros, quod facere solent

120 LIBER SECUNDUS.

solent qui hortantur? neminem habeo clariorem quam teipsum; te imitere oportet; tecum ipse certes; ne licet quidem tibi jam tantis rebus gestis non tui similem esse. Quod cum ita sit, hortatio non est necessaria, gratulatione magis utendum est. Contigit enim tibi, quod haud scio an nemini, ut summa severitas animadversionis non modo non invidiosa, sed etiam popularis esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuæ; sed contigit magnitudine cum animi, tum etiam ingenii atque consilii. Legi enim concionem tuam; nihil illa sapientius: ita pedetentim & gradatim cum accessus a te ad causam facti, tum recessus, ut res ipsa maturitatem tibi animadvertendi omnium concessu daret. Liberaisti igitur & urbem periculo, & civitatem metu; neque solum ad tempus maximam utilitatem attulisti, sed etiam ad exemplum facti. Intelligere debes in te positam esse rempublicam, tibi que non modo tuendos, sed etiam ornandos esse illos viros, a quibus initium

LIBER SECUNDUS. 121

tium libertatis profectum est. Sed his de rebus plura coram propediem, ut spero. Tu quum rempublicam nosque conservas, fac ut diligentissime teipsum; mi Dolabella, custodias. Vale.

EX eod. LIBRO ad fam. EPIST. XXV.

ARGUMENTUM.

Scripsit hanc epistolam ante bellum civile, cum esset in Cilicia proconsul. Jocans cavillatur, quia sibi Papirius præcepta de re militari literis tradiderat.

M. T. C. Imp. Papirio Pato S. D.

SUmmum me ducem literæ tuæ reddidere: plane nesciebam te tam peritum esse rei militaris. Pyrrhi te libros & Cineæ video lectitasse. Itaque obtemperare cogito præceptis tuis; hoc amplius, navicularum habere aliquid in ora maritima, contra equitem Parthum negant ullam arma.

G

ma-

122 LIBER SECUNDUS.

maturam meliorem inveniri posse. Sed quid ludimus? nescis quocum imperatore tibi negotium sit. * *Κύρις παιδείας*, quam contriveram legendo, totam in hoc imperio explicavi. Sed jocabimur alias coram, ut spero, brevi tempore. Nunc ades ad imperandum, vel ad parendum potius; sic enim antiqui loquebantur. Cum M. Fabio (quod scire te arbitror) mihi summus usus est: valdeque eum diligo, cum propter summam probitatem ejus, ac singularem modestiam, tum quod in his controversiis, quas habeo cum tuis combibonibus Epicureis, optima opera ejus uti soleo. Is cum ad me Laodiceam venisset, mecumque ego eum esse vellem, repente percussus est atrocissimis literis, in quibus scriptum erat, fundum Herculanensem a Q. Fabio fratre proscriptum esse, qui fundus cum eo communis esset. Id M. Fabius pergraviter tulit, existimavitque fratrem suum, hominem non sapientem, impulsu inimicorum suorum eo progressum esse. Nunc si me amas, mi Pate, negotium totum

* Cyri eruditionem.

LIBER SECUNDUS. 123

fufcipe, & moleſtia Fabium libera. Au-
thoritate tua nobis opus eſt, & conſilio
& etiam gratia. Noli pati fratres liti-
gare, & judiciis turpibus conflic-
tari. Mathonem & Pollionem inimicos ha-
bet Fabius. Quid multa? non meher-
cule tam perſcribere poſſum, quam mihi
gratum feceris, ſi otioſum Fabium red-
dideris, id ille in te poſitum eſſe putat,
mihique perſuadet. Vale.

EX LIBRO X. ad ſam. EPIST. I.

ARGUMENTUM.

*In Antonii immoderatam potentiam in-
vehitur, & Plancum tranſalpinam
Galliam adminiſtrantem, hortatur,
ut in rempublicam omni cogitatione
ſtudioque incumbat; poſtremo agit
gratias de Furnio honorifice tractato.*

M. T. Cicero Planco S. D.

ET abſui proficiſcens in Græciam:
& poſteaquam de meo curſu rei-
publicæ ſum voce revocatus, nunquam
G 2 per

1.24 LIBER SECUNDUS.

per M. Antonium quietus fui : cujus tanta est, non insolentia (nam id quidem vulgare vitium est) sed immanitas, non modo ut vocem, sed ne vultum quidem liberum possit ferre cujusquam. Itaque mihi maximæ curæ est, non de mea quidem vita, cui satisfeci vel ætate, vel factis, vel (si quid etiam hoc ad rem pertinet) gloria ; sed me patria sollicitat, in primisque, mi Plance, expectatio consulatus tui, quæ ita longa est ut optandum sit, ut possimus ad id tempus reipublicæ spiritum ducere. Quæ potest enim spes esse in ea republica, in qua hominis impotentissimi atque intemperantissimi armis oppressa sunt omnia ? & in qua nec senatus, nec populus vim habet ullam ? nec leges ullæ sunt, nec judicia, nec omnino simulacrum aliquod, ac vestigium civitatis ? sed quum acta omnia mitti ad te arbitrabar, nihil erat quod singulis de rebus scriberem. Illud autem erat amoris mei, quem a tua pueritia susceptum non servavi solum, sed etiam auxi ; monere te atque hortari, ut in rempublicam omni cogitatione curaque incumberes. Quæ si ad
tuum

LIBER SECUNDUS. 125

tuum tempus perducitur, facilis gubernatio est : ut perducatur autem magnæ cum diligentia est, tum etiam fortunæ. Sed & te aliquanto ante (ut spero) habebimus ; & præterquam quod reipublicæ consulere debemus, tamen tuæ dignitati ita favemus, ut omne nostrum consilium, studium, officium, operam, laborem, diligentiam, ad amplitudinem tuam conferamus. Ita facillime & reipublicæ, quæ mihi carissima est ; & amicitia nostræ, quam sanctissime nobis colendam puto, me intelligo satisfacturum. Furnium nostrum tanti a te fieri, quantum ipsius humanitas & dignitas postulat, nec miror, & gaudeo, teque hoc existimare volo, quicquid in eum iudicii officiique contuleris, id ita me accipere, ut in meipsum te putem contulisse. Vale.

Ex eodem LIBRO ad fam. EPIST. III.

ARGUMENTUM.

*Cicero veritus id quod accidit, ne
Plancus, relictis reipublicæ parti-*
bus,

bus, cum Antonio se conjungeret, crebro illum ad tuendam rempublicam hortatur, & quoniam plurimum valet si laudes eum, quem hortaris, utitur hoc artificio, eumque ornat laudibus, & veterem necessitudinem commemorat.

M. T. Cicero Planco S. D.

CUM ipsum Furnium vidi per se libentissime, tum hoc libentius, quod illum audiens te videbar audire. Nam & in re militari virtutem, & in administranda provincia justitiam, & in omni genere prudentiam mihi tuam exposuit, & præterea mihi non ignotam in consuetudine & familiaritate suavitatem tuam adjunxit, præterea summam erga se liberalitatem. Quæ omnia mihi jucunda, hoc extremum etiam gratum fuit. Ego, Plance, necessitudinem constitutam habui cum domo vestra ante aliquanto quam tu natus es; amorem autem erga te ab ineunte pueritia tua; confirmata jam ætate familiaritatem cum studio meo, tum iudicio tuo con-

constitutam. His de causis mirabiliter faveo dignitati tuæ, quam mihi tecum statuo esse communem. Omnia summa consecutus es, virtute duce, comite fortuna, eaque es adeptus adolescens, multis invidentibus, quos ingenio industria, que fregisti. Nunc me amantissimum tui, nemini concedentem, qui tibi vetustate necessitudinis potior possit esse, si audies, omnem tibi reliquæ vitæ dignitatem ex optimo reipublicæ statu acquires. Scis profecto (nihil enim te fugere potuit) fuisse quoddam tempus, cum homines existimarent te nimis servire temporibus, quod ego quoque existimarem, si te ea, quæ patiebare, probasse etiam arbitrarer. Sed cum intelligerem quid sentires, te arbitrabar videre quid posses. Nunc alia ratio est, omnium rerum tuum iudicium est, idque liberum. Consul es designatus, optima ætate, summa eloquentia, maxima orbitate reipublicæ virorum talium. Incumbe, per deos immortales, in eam curam & cogitationem, quæ tibi summam dignitatem & gloriam afferat. Unus autem est, hoc præsertim tempore,

128 LIBER SECUNDUS.

per tot annos. republica devexata, reipublicæ bene gerendæ cursus ad gloriam. Hæc amore magis impulsus scribenda ad te putavi, quam quo te arbitrerer monitis & præceptis egere: sciebam enim, ex iisdem te hæc haurire fontibus, ex quibus ipse hauseram. Quare modum faciam. Hoc tantum significandum putavi, ut potius amorem tibi ostenderem meum, quam ostentarem prudentiam. Interea, quæ ad dignitatem tuam pertinere arbitrabor, studiose diligenterque curabo. Vale.

Ex eod. LIBRO ad fam. EPIST. IV.

ARGUMENTUM.

Gratias agit Ciceroni, quod eum ad verissimæ gloriæ studium sit adhortatus, seque in reipublicæ potestate totum fore pollicetur.

Planeus

Plancus Ciceroni S. D.

GRatissimæ mihi tuæ literæ fuerunt, quas ex Furnii sermone te scripsisse animadverto. Ego autem præteriti temporis excusationem assero, quod te profectum audieram, nec multo ante rediisse quam ex epistola tua cognovi. Nullum enim in te officium, ne minimum quidem, sine maxima culpa videor posse præterire: in quo tuendo habeo causas plurimas, vel paternæ necessitudinis, vel meæ a pueritia observantiæ, vel tui erga me mutui amoris. Quare, mi Cicero, quod mea tuaque patitur ætas, persuade tibi, te unum esse in quo ego colendo patriam mihi constituerim sanctitatem. Omnia igitur tua consilia mihi non magis prudentiæ plena, quæ summa est; videntur, quam fidelitatis, quam ego ex mea conscientia metior. Quare si aut aliter sentirem, certe admonitio tua me reprimere, aut si dubitarem, hortatio impellere posset, ut id sequerer, quod tu optimum putares. Nunc vero quid

G 5

est

est quod me in aliam partem trahere possit? Quæcunque in me bona sunt, aut fortunæ beneficio tributa, aut meo labore parta, etsi a te propter amorem carius sunt æstimata; tamen vel inimicissimi iudicio tanta sunt, ut præter bonam famam nihil desiderare videantur. Quare hoc unum tibi persuade, quantum viribus eniti, consilio providere, autoritate movere potuero, hoc omne reipublicæ semper futurum. Non est ignotus mihi sensus tuus, neque si facultas, optabilis mihi quidem, tui præsentis esset, unquam a tuis consiliis discreparem; nec nunc committam, ut ullum meum factum reprehendere jure possis. Sum in expectatione omnium rerum, quid in Gallia citeriore, quid in urbe mense Januario geratur, ut sciam. Interim maximam hic sollicitudinem curamque sustineo, ne inter aliena vitia hæ gentes nostra mala suam putant occasionem. Quod si proinde, ut ipse mereor, mihi successerit, certe & tibi, cui maxime cupio, & omnibus viris bonis satisfaciam. Fac valeas, meque mutuo diligas. Vale.

Ex

LIBER SECUNDUS. 131

EX EODEM LIBRO ad fam. EPIST. V.

ARGUMENTUM.

*Hic quoque Plancum ad suscipiendam
tuendamque rempublicam gloria sti-
mulis incitat.*

M. T. Cicero Planco S. D.

Binas a te accepi literas eodem ex-
emplo ; quod ipsum argumento
mihi fuit diligentiae tuae. Intellexi enim
te laborare, ut ad me mihi expectatissi-
mae literae perferrentur. Ex quibus
cepi fructum duplicem, mihi in com-
paratione difficilem ad judicandum, a-
moremne ergo me tuum, an animum in
republicam pluris aestimandum puta-
rem. Est omnino patriae caritas, meo
quidem iudicio, maxima : sed amor
voluntatisque conjunctio plus certe ha-
bet suavitatis. Itaque commemoratio
tuae paternae necessitudinis, benevolen-
tiaeque ejus, quam erga me a pueritia
contulisses, cæterarumque rerum, quæ
ad

132 LIBER SECUNDUS.

ad eam sententiam pertinebant, incredibilem mihi lætitiā attulerunt. Rurſus declaratio animi tui, quem haberes de republica, quemque habiturus eſſes, mihi erat jucundiſſima ; eoque major erat hæc lætitiā, quod ad illa ſuperiora accedebat. Itaque te non hortor ſolum, mi Plance, ſed plane etiam oro, quod feci his literis, quibus tu humaniſſime reſpondiſti, ut tota mente omnique animi impetu in rempublicam incumbas. Nihil eſt quod tibi majori fructui, gloriæque eſſe poſſit : nec quidquam ex omnibus rebus humanis eſt præclarius aut præſtantius, quam de republica bene mereri. Adhuc enim patitur tua ſumma humanitas & ſapientia me, quod ſentiam, libere dicere. Fortuna ſuffragante videris res maximas conſecutus ; quod quanquam ſine virtute non potuiſſes, tamen ex maxima parte ea, quæ es adeptus, fortunæ temporibusque tribuuntur. His temporibus diſſicillimis reipublicæ quicquid ſubveneris, id erit totum & proprium tuum. Incredibile eſt omnium civium, latronibus exceptis, odium in Antonium.

Magna

LIBER SECUNDUS. 133

Magna spes in te, & in tuo exercitu magna expectatio. Cujus, per deos, gratiæ gloriæque cave tempus amittas. Sic moneo ut filium, sic faveo ut mihi, sic hortor ut pro patria, & amicissimum. Vale.

EX EODEM LIB. ad fam. EPIST. VI.

ARGUMENTUM.

Cum Plancus, literis ad Senatum scriptis, pacem cum Antonio faciendam suavisset, consilium illud Cicero improbat, pacemque armis, non pacatione, querendam ait, ipsum autem Plancum, ut se a societate malorum civium aliquando sejungens, totum ad rempublicam transferat, proposito consulis officio cohortatur.

M. T. Cicero. Planco S. D.

QUÆ locutus est Furnius noster de animo tuo in rempublicam, ea gratissima fuerunt senatui, populoque Romano probatissima; quæ autem recitata

citatae literae sunt in senatu, nequaquam consentire cum Furnii oratione visae sunt. Pacis enim author eras, cum Collega tuus, vir clarissimus, a foedissimis latronibus obsideretur; qui aut positis armis pacem petere debent, aut si pugnantes eam postulant, victoria pax, non pactione, parienda est. Sed de pace literae vel Lepidi, vel tuae, quam in partem acceptae sint, ex viro optimo, fratre tuo, & ex C. Furnio poteris cognoscere. Me autem impulit tui caritas, ut, quanquam nec tibi ipsi deesset consilium, & fratris Furniique benevolentia fidelisque prudentia tibi praesto esset futura, vellem tamen meae quoque authoritatis, pro plurimis nostris necessitudinibus, praeceptum ad te aliquod pervenire. Crede igitur mihi, Plance, omnes, quos adhuc gradus dignitatis consecutus sis (es autem adeptus amplissimos) eos honorum vocabula habituros, non dignitatis insignia, nisi tecum libertate populi Romani & cum senatus authoritate conjunxeris. Sejunge te, quaeso, aliquando ab iis, cum quibus te non tuum iudicium, sed temporum

rum vincla conjunxerunt. Complures in perturbatione reipublicæ consules dicti, quorum nemo consularis habitus, nisi qui animo in rempublicam extitit consulari. Talem igitur te esse oportet, qui primum te ab impiorum civium, tui dissimillimorum, societate sejungas; deinde te senatui bonisque omnibus auctorem, principem, ducem præbeas: postremo ut pacem esse judices non in armis positis, sed in abjecto armorum & servitutis metu. Hæc si & ages & senties, tum eris non modo consul & consularis, sed magnus etiam consul & consularis; sin aliter, tua in istis amplissimis nominibus honorum non modo dignitas nulla erit, sed erit summa deformitas. Hæc, impulsus benevolentia, scripsi paulo severius, quæ tu in experiendo in ea ratione, quæ te digna est, vera esse cognosces. XIII Cal. Aprilis.

Ex eod. LIBRO ad fam. EPIST. VII.

ARGUMENTUM.

*Exponit, cur brevior sit hæc epistola,
& cur studium suum in rempubli-
cam serius patefecerit, suamque
dignitatem Ciceroni commendat.*

Plancus Ciceroni S. D.

PLURA tibi de meis consiliis scriberem, rationemque omnium redderem verbosius, quo magis iudicares, omnia me reipublicæ præstitisse, quæ & tua exhortatione excepi, & mea affirmatione tibi recepi, (non minus enim a te probari, quam diligi semper volui; nec te magis in culpa defensorem mihi paravi, quam prædicatorem meritorum meorum esse volui;) sed brevior me duæ res faciunt; una, quod publicis literis omnia sum persecutus; altera, quod M. Varius, equitem Romanum, familiarem meum, ipsum ad te transire iussi,
ex.

LIBER SECUNDUS. 137

ex quo omnia cognoscere posses. Non, mediusfidius, mediocri dolore afficiebar, cum alii occupare possessionem laudis viderentur : sed usque mihi temperavi, dum perducerem eo rem, ut dignum aliquod & consulatu meo & vestra expectatione efficerem. Quod spero, si me fortuna non fefellerit, me consecuturum ; ut maximo præsidio reipublicæ nos fuisse & nunc sentiant homines, & in posterum memoria teneant. A te peto, ut dignitati meæ suffrageris, &, quarum rerum spe ad laudem me vocasti, harum fructu in reliquum facias alacriorem. Non minus posse te, quam velle exploratum mihi est. Fac valeas, meque mutuo diligas.

Ex eod. LIBRO ad fam. EPIST. VIII.

ARGUMENTUM.

Causas affert, quibus adductus non ita mature, ut homines expectabant, defensorem se publicæ libertatis professus

138 LIBER SECUNDUS.

fessus sit, deque exercitu suo & statu provinciae significat.

*Plancus Imp. Cos. Des. Coss. Prætt.
Tribb. Pleb. Sen. Pop. Plebique
Romanae S. D.*

SI cui forte videor diutius & hominum expectationem & spem reipublicæ de mea voluntate tenuisse suspensam, huic prius excusandum me esse arbitror, quam de insequenti officio quicquam ulli pollicendum. Non enim præteritam culpam videri volo redemisse, sed optimæ mentis cogitata jampridem, maturo tempore enuntiare. Non me præteribat, in tanta sollicitudine hominum & tam perturbato statu civitatis, fructuosissimam professionem bonæ voluntatis, magnosque honores ex ea re complures consecutos videbam. Sed, cum in eum casum me fortuna demisisset, ut aut celeriter pollicendo magna in spe ad proficiendum impedimenta oponerem; aut si in eo mihi temperavissem, majores occasiones ad opitulan-

landum haberem, expeditius iter communis salutis, quam meæ laudis esse volui. Nam quis in ea fortuna, quæ mea est, & ab ea vita, quam in me cognitam hominibus arbitror, & cum ea spe, quam in manibus habeo, aut fordidum quidquam pati, aut perniciosum concupiscere potest? Sed aliquantum nobis temporis, & magni laboris, & multæ curæ opus fuerunt ut quæ reipublicæ bonisque omnibus polliceremur, exitu præstaremus, neque ad auxilium patriæ nudi cum bona voluntate, sed cum facultatibus accederemus. Confirmandus erat exercitus nobis, magnis sæpe præmiis sollicitatus, ut ab republica potius moderata, quam ab uno infinita speraret. Confirmandæ complures civitates, quæ superiore anno largitionibus concessionibusque præmiorum erant obligatæ; ut & illa vana putarent, & eadem a melioribus authoribus petenda existimarent. Eliciendæ etiam voluntates reliquorum, qui finitimis provinciis exercitibusque præfuerunt, ut potius cum pluribus societatem defendendæ liber-

libertatis iniremus, quam cum paucioribus funestam orbi terrarum victoriam partiremur. Muniendi vero nosmetipsi fuimus, aucto exercitu, auxiliisque multiplicatis; ut, cum praeferremus sensus aperte, tum etiam, invitis quibusdam, sciri quid defensuri essemus, non esset periculosum. Itaque nunquam diffitebor, multa me, ut ad effectum horum consiliorum pervenirem, & simulasse invitum, & dissimulasse cum dolore; quod praematura denunciatio boni civis imparati quam periculosa esset, ex casu collegae videbam. Quo nomine etiam C. Furnio legato, viro optimo, plura etiam verbo, quam scriptura, dedimus; ut & tectius ad vos perferrentur, & nos essemus tutiores; quibusque rebus & communem salutem muniri, & nos armari conveniret, praecipimus. Ex quo intelligi potest, curam reipublicae summæ defendendae jampridem apud nos excubare. Nunc, cum deum benignitate ab omni re sumus paratiores, non solum bene sperare de nobis homines, sed explorare

rate judicare volumus. Legiones habeo quinque sub signis, & sua fide & virtute reipublicæ conjunctissimas, & nostra liberalitate nobis obsequentes; provinciam omnium civitatum consensu paratissimam, & summa contentione ad officia certantem; equitatus auxiliorumque tantas copias, quantas hæ gentes ad defendendam suam salutem libertatemque conficere possunt. Ipse ita sum animo paratus, ut vel provinciam tueri, vel ire quo respublica vocet, vel tradere exercitum, auxilia, provinciamque, vel omnem impetum belli in me convertere non recusem; si modo meo casu aut confirmare patriæ salutem, aut periculum possim morari. Hæc si jam expeditus omnibus rebus, tranquilloque statu civitatis polliceor, in damno meæ laudis reipublicæ commodo lætabor: sin ad societatem integerrimorum & maximorum periculorum accedam, consilia mea æquis judicibus ab obrectatione invidorum defendenda commendo. Mihi quidem ipsi fructus meritorum meorum in

rei-

142 LIBER SECUNDUS.

reipublicæ incolumitate fatis magnus est paratus. Eos vero, qui meam auctoritatem & multo magis vestram fidem secuti, nec ulla spe decipi, nec ullo metu terreri potuerunt, ut commendatos vobis habeatis, petendum videtur. Vale.

Ex eodem LIBRO ad fam. EPIST. X.

ARGUMENTUM.

Laudat Plancum de optima voluntate, studioque juvanda reipublicæ, præmiaque illum a senatu sperare jubet honorificentissima, de quo operam suam pollicetur, & hortatur, ut egregie pergat in republica tuenda.

M. T. Cicero Planco S. D.

ETSI fatis ex Furnio nostro cognoram, quæ tua voluntas, quod consilium de republica esset; tamen tuis literis lectis, liquidius de toto sensu tuo judicavi. Quamobrem,
quan-

LIBER SECUNDUS. 143

quanquam in uno prælio omnis fortuna reipublicæ disceptat, (quod quidem, cum hæc legeres, jam decretum arbitraber fore) tamen ipsa fama, quæ de tua voluntate percrebuit, magnam es laudem consecutus. Itaque si consulem Romæ habuissemus, declaratum esset ab senatu cum tuis magnis honoribus, quam gratus esset conatus & apparatus tuus. Cujus rei non modo non præteriit tempus, sed ne maturum quidem etiam nunc, meo quidem iudicio, fuit. Is enim denique honos mihi videri solet, qui non propter spem futuri beneficii, sed propter magna merita claris viris deferitur & datur. Quare, sit modo aliqua respublica, in qua honos elucere possit, omnibus, mihi crede, amplissimis honoribus abundabis. Is autem, qui vere appellari potest honos, non invitamentum ad tempus, sed perpetuæ virtutis est præmium. Quamobrem, mi Plance, incumbere toto pectore ad laudem, subveni patriæ, opitulare collegæ, omnium gentium consensum & incredibilem conspirationem ad-

adjuva. Me tuorum consiliorum adiutorem, dignitatis fautorem, omnibus in rebus tibi amicissimum, fidelissimumque cognosces. Ad eas enim causas, quibus inter nos amore sumus, officiis, vetustate conjuncti, patriæ caritas accessit, eaque effecit, ut tuam vitam anteferrem meæ. Vale.

Ex eod. LIBRO ad fam. EPIST. XVIII.

ARGUMENTUM.

Officium Planci in gratiarum actione, quanquam a se minime expectatum, tamen sibi fuisse gratissimum fateatur, literis ejus mirabiliter senatum esse delectatum significat, & ut ad extinguendas belli reliquias omni studio incumbat, hortatur.

M. T. Cicero. *Planco* S. D.

Quanquam gratiarum actionem a te non desiderabam, cum te re ipsa atque animo scirem esse gratissimum;

tissimum ; tamen, (fatendum est enim) fuit ea mihi perjucunda, sic enim vidi, quasi ea quæ oculis cernuntur, me a te amari. Dices, quid antea? semper equidem, sed nunquam illustrius. Literæ tuæ mirabiliter gratæ sunt Senatui, cum rebus ipsis, quæ erant gravissimæ & maximæ, fortissimi animi, summiq[ue] consilii, tum etiam gravitate sententiarum atque verborum. Sed, mi Plance, incumbere ut belli extrema perficias: in hoc erit summa & gratia & gloria. Cupio omnia rei-publicæ causa; sed, mehercule, in ea conservanda jam defatigatus, non multo plus patriæ faveo, quam tuæ gloriæ: cujus maximam facultatem tibi dii immortales, ut spero, dedere; quam complectere, obsecro. Qui enim Antonium oppresserit, is hoc bellum teterrimum periculosissimumque confecerit.

H

Ex

Ex eod. LIBRO ad fam. EPIST. XXII.

ARGUMENTUM.

Agris dividendis præfici Plancus cupiebat ad militum gratiam comparandum; ea de re respondit Cicero.

M. T. Cicero Planco S. D.

IN te & in Collega omnis spes est, diis approbantibus. Concordia vestra, quæ senatui declarata literis vestris est, mirifice & senatus & cuncta civitas delectata est. Quod ad me scripseras de re agraria: si consultus senatus esset, ut quisque honorificentissimam de te sententiam dixisset, cam secutus essem; qui certe ego fuisssem. Sed propter tarditatem sententiarum moramque rerum, cum ea, quæ consulebantur, ad exitum non pervenirent; commodissimum mihi, Plancoque fratri visum est, uti eo, quod ne nostro arbitratu componeretur, quis fuerit impedimento, arbitror

LIBER SECUNDUS. 147

tror te ex Planci literis cognovisse. Sed sive in senatusconsulto, sive in cæteris rebus desideras aliquid, sic tibi persuade, tantam esse apud omnes bonos tui caritatem, ut nullum genus amplissimæ dignitatis excogitari possit, quod tibi non paratum sit. Literas tuas vehementer expecto, & quidem tales, quales maxime opto. Vale.

EX EOD. LIBRO ad fam. EPIST. XXIII.

ARGUMENTUM.

Excusat se quod Lepido crediderit, & suam diligentiam in copiis tuto retrahendis declarat, audita Lepidi & Antonii conjunctione, quo in periculo subsidium exercitus Octavii postulat.

Plantus Ciceroni S. D.

NUnquam mehercule, mi Cicero, me pœnitebit maxima pericula pro patria subire, dum, si quid acci-

H 2

desit

derit mihi, a reprehensione temeritatis absim. Confiterer imprudentia me lapsum, si unquam Lepido ex animo credidissem. Credulitas enim error est magis quam culpa; & quidem in optimi cujusque mentem facillime irrepit. Sed ego non hoc vitio pene sum deceptus. Lepidum enim pulchre noram. Quid ergo est? Pudor me, qui in bello maxime periculosus est, hunc casum coegit subire. Nam, si uno loco essem, verebar, ne cui obtrektorum, & nimium pertinaciter Lepido offensus, & mea patientia etiam alere bellum. Itaque copias prope in conspectum Lepidi Antonii-
que adduxi, quadraginta millium passuum spatio relicto consedi, eo consilio, ut vel celeriter accedere, vel salutariter recipere me possem. Adjunxi hæc, in loco eligendo, flumen oppositum ut haberem, in quo mora transitus esset; Vocontii sub manu ut essent, per quorum loca mihi fideliter pateret iter. Lepidus, desperatò adventu meo, quem non mediocriter captabat, se cum Antonio conjunxit
ad

ad 4 Cal. Junias; eodemque die ad me castra moverunt: viginti millia passuum cum abessent, res mihi nuntiata est. Dedi operam deum benignitate, ut & celeriter me reciperem, & hic discessus nihil fugæ simile haberet: non miles ullus, non eques, non quicquam impedimentorum amitteretur aut ab illis furentibus latronibus interciperetur. Itaque pridie nonas Junias omnes copias Isaram trajeci, pontesque, quos fecerim, interrupi, ut spatium ad colligendum se haberent, & ego me interea cum collega conjungerem, quem triduo, cum has dabant literas, expectabam. Laterensis nostri & fidem & animum in rempublicam singularem semper fatebor; sed certe nimia ejus indulgentia in Lepidum, ad hæc pericula perspicenda fecit eum minus sagacem. Qui quidem cum in fraudem se deductum videret, manus, quas justius in Lepidi perniciem armasset, sibi afferre conatus est. In quo casu tamen interpellatus & adhuc vivit & dicitur victurus: sed tamen de hoc parum mihi

150 LIBER SECUNDUS.

certum est. Magno cum dolore parricidarum elapsus sum his ; veniebant enim eodem furore in me, quo in patriam, incitati ; iracundias autem harum rerum recentes habebant, quod Lepidum castigare non destiteram, ut extingueret bellum ; quod colloquia facta improbabam ; quod legatos, fide Lepidi missos ad me, in conspectum venire vetueram ; quod C. Catium Vestinum tribunum militum, missum ab Antonio ad me cum literis, exceperam. In quo hanc capio voluptatem, quod certe, quo magis me petiverunt, tanto majorem his frustratio dolorem attulit. Tu, mi Cicero, quod adhuc fecisti, idem præsta ; ut vigilanter, nervoseque nos, qui stamus in acie, subornes. Veniat Cæsar cum copiis, quas habet firmissimas, aut, si ipsum aliqua res impedit, exercitus mittatur, cujus ipsius magnum agitur periculum. Quicquid aliquando futurum fuit in castris perditorum contra patriam, hoc omne jam convenit. Pro urbis vero salute cur non omnibus facultatibus, quas habemus, utamur ? Quod si vos istic non de-

LIBER SECUNDUS. 151

defueritis, profecto, quod ad me attinet, omnibus rebus abunde reipublicæ satisfaciam. Te quidem, mi Cicero, in dies, mehercule, habeo cariorum, sollicitudinesque meas quotidie magis tua merita exacuunt, ne quid aut ex amore, aut ex iudicio tuo perdam. Opto ut mihi liceat jam, præsentî pietate meorum officiorum tua beneficia tibi facere iucundiora. Octavo idus Junias Civarone ex finibus Allobrogum.

Ex eod. LIB. ad fam. EPIST. XXIV.

ARGUMENTUM.

Pollicetur se memorem beneficiorum, suas copias narrat, illis autem diffidens, in quibus maxima pars sit tironum, subsidium aut ab Octaviano, aut ab Africano exercitu, postulat, Octavianum quasi negligentem in tuenda reipublica accusat, dicitque eum esse causam quare Marcus Antonius & Lepidus nondum sint oppressi.

Plancus Imp. Cos. Des. Ciceroni S. D.

FAcere non possum, quin in singulas res meritaque tua tibi gratias agam. Sed mehercule facio cum pudore. Neque enim tanta necessitudo, quantam tu mihi tecum esse voluisti, desiderare videtur gratiarum actionem. Neque ego lubenter pro maximis tuis beneficiis tam vili munere defungor orationis, & malo præsens observantia, indulgentia, assiduitate memorem me tibi probare. Quod si mihi vita contigerit, omnes gratas amicitias, atque etiam pias propinquitates, in tua observantia, indulgentia, assiduitate vincam. Amor enim tuus, ac iudicium de me, utrum mihi plus dignitatis in perpetuum, an voluptatis quotidie sit allaturus, non facile dixerim. De militum commodis fuit tibi curæ, quos ego non potentiae meae causa (nihil enim me non salutariter cogitare scio) ornari volui a senatu; sed primum, quod ita meritos iudicabam, deinde, quod ad omnes casus conjunctiores rei publicae esse volebam, novissime, ut ab
omni

omni omnium sollicitatione averfos eos, tales vobis præstare quales adhuc fuerunt. Nos adhuc hic omnia integra sustinemus. Quod consilium nostrum, etsi, quanta sit aviditas hominum, non sine causa, talis victoriæ, scio, tamen vobis probari spero. Non enim, si quid in his exercitibus sit offensum, magna subsidia respublica habet expedita, quibus subito impetu ac latrocinio parricidarum resistat. Copias vero nostras notas tibi esse arbitror. In castris meis legiones sunt veteranæ tres, tirónum vel luculentissima ex omnibus una; in castris Bruti una veterana legio, altera bima, octo tironum. Ita universus exercitus numero amplissimus est, firmitate exiguus. Quantum autem in acie tironi sit committendum, nimium sæpe expertum habemus. Ad hoc robur nostrorum exercituum, sive Africanus exercitus, qui est veteranus, sive Cæsaris accessisset, æquo animo summam rempublicam in discrimen deduceremus. Aliquanto autem propius esse, quod ad Cæsarem attinet, videbamus. Nihil destiti eum literis hortari, neque ille in-

154 LIBER SECUNDUS.

termisit affirmare, se sine mora venire ; cum interim aversum illum ab hac cogitatione ad alia consilia video se contulisse. Ego tamen ad eum Furnium nostrum cum mandatis literisque misi, si quid proficere posset. Scis tu, mi Cicero, quod ad Cæsaris amorem attinet, societatem mihi esse tecum, vel quod in familiaritate Cæsaris, vivo illo, jam tueri eum & diligere fuit mihi necesse ; vel quod ipse, quoad ego nosse potui, moderatissimi atque humanissimi fuit sensus ; vel quod ex tam insigni amicitia mea atque Cæsaris, hunc filii loco, & illius & vestro iudicio substitutum, non proinde habere turpe mihi videtur. Sed quicquid tibi scribo, dolenter mehercule magis, quam inimice facio. Quod vivit Antonius hodie, quod Lepidus una est, quod exercitus habent non contemnendos, quod sperant, quod audent, omne Cæsari acceptum referre possunt. Neque ego superiora repetam. Sed ex eo tempore, quo ipse mihi professus est se venire, si venire voluisset, aut oppressum jam bellum esset, aut in adversissimam illi

Hic

Hispaniam cum detrimento eorum maximo detrufum. Quæ mens eum, aut quorum confilia a tanta gloria, sibi vero etiã necessaria ac falutari, avocarent, & ad cogitationem consulatus bi-mestris, fummo cum terrore hominum, & infulfa cum efflagitatione transtulerint, exputare non possum. Multum in hac re mihi videntur necessarij ejus, & reipublicæ & ipsius causa proficere posse, plurimum, ut puto, tu quoque, cujus ille tanta merita habet, quanta nemo, præter me; nunquam enim obliviscar, maxima ac plurima me tibi debere. De his rebus, ut exigeret cum eo, Furnio mandavi. Quod si, quantam debeo, habuero apud eum auctoritatem, plurimum ipsum juvero. Nos interea duriori conditione bellum sustinemus, quod neque expeditissimam dimicationem putamus, neque tamen refugiendo commissuri sumus, ut majus detrimentum respublica accipere possit. Quod si aut Cæsar se respexerit, aut Africanæ legiones celeriter venerint, securos vos ab hac parte reddemus. Tu, ut instituisti, me diligas rogo, proprie-
que

que tuum esse tibi persuadeas. 5 Cal.
Sext. ex Castris.

EX eod. LIB. ad fam. EPIST. XXIX.

ARGUMENTUM.

*Scribit de suo studio erga salutem
Appii exulantis, bonamque spem ha-
bere hortatur.*

M. T. Cicero Appio S. D.

DE meo studio erga salutem & inco-
lunitatem tuam credo te cognosse
ex literis tuorum ; quibus me cumula-
tissime satisfecisse certo scio ; nec his
concedo, quanquam sunt singulari in te
benevolentia, ut te saluum malint, quam
ego. Illi mihi necesse est concedant,
ut tibi plus, quam ipsi, hoc tempore
prodesse possim ; quod quidem nec de-
stiti facere, nec desistam ; & jam in
maxima re feci, & fundamenta jeci sa-
lutis tuæ. Tu fac bono animo, mag-
noque sis, meque tibi nulla re defutu-
rum esse confidas. Prædie Nonas Quin-
tilis, Ex

EX XI. LIB. ad fam. EPIST. I.

ARGUMENTUM.

Decimus Brutus habitum cum Hirtio, consule designato, sermonem exponit, postulatam a se liberam legationem significat, suum consilium ostendit, tutam in urbe mansionem non esse, migrandum ex Italia; vel postulandum ut ipsi & M. Bruto & Cassio liceat esse in urbe publico praesidio.

D. Brutus M. Bruto & C. Cassio S. D.

QUO in statu simus cognoscite. Heri vesperi apud me Hirtius fuit; qua mente esset Antonius, demonstravit, pessima scilicet & infidelissima; nam se neque mihi provinciam dare posse aiebat, neque arbitrari tuto in urbe esse quenquam nostrum, adeo esse militum concitatos animos & plebis. Quod utrumque esse falsum, puto vos animadvertere; atque illud esse verum, quod Hirtius demonstrabat, timere eum, ne,

158 LIBER SECUNDUS.

ne, si mediocre auxilium dignitatis nostræ habuissimus, nullæ partes iis in republica relinquerentur. Cum in his angustiis versarer, placitum est mihi, ut postularem legationem liberam mihi, reliquisque nostris, ut aliqua causa proficiscendi honesta quæreretur. Hæc se impetraturum pollicitus est, nec tamen impetraturum confido; tanta est hominum insolentia & nostri infectatio. Ac si dederint quod petimus, tamen paulo post futurum puto, ut hostes judicemur, aut aqua & igni interdicamur. Quid ergo est, inquis, tui consilii? dandus est locus fortunæ, cedendum ex Italia, migrandum Rhodum, aut aliquo terrarum arbitror. Si melior casus fuerit, revertemur Romam, si mediocris, in exilio vivemus; si pessimus, ad novissima auxilia descendemus. Succurret fortasse hoc loco alicui vestrum, cur novissimum tempus expectemus potius, quam nunc aliquid moliamur? Quia ubi consistamus non habemus, præter Sextum Pompeium & Bassum Cæcilium, qui mihi videntur hoc nuntio de Cæsare allato firmiores futuri.

ri.

ri. Satis tempore ad eos accedemus, ubi, quid valeant, scierimus. Pro Cassio & te, si quid velitis me recipere, recipiam. Postulat enim hoc Hirtius, ut faciam. Rogo vos quamprimum mihi rescribatis, nam non dubito, quin his de rebus ante horam quartam Hirtius certio rem me sit factur us, quem in locum convenire possimus. Quo me velitis venire rescribite. Post novissimum Hirtii sermonem, placitum est mihi postulare, ut liceret nobis esse publico præsidio, quod illos nobis concessuros non puto, magnam enim jam invidiam iis faciemus. Nihil tamen non postulandum putavi, quod æquum esse statuerem. Valete.

EX EODEM LIBRO ad fam. EPIST. II.

ARGUMENTUM.

Concitatis a M. Antonio animis militum & plebis, ut supra dictum est, contra interfectores Caesaris, Brutus & Cassius ex urbe cesserunt, & in hac epistola blandiuntur. M. Antonio,

*tonio, & ostendunt se magnam in eo
spem & fiduciam habere, eumque
orant, ut reddat eos certiores an
tuto Romæ esse possint, magna vete-
ranorum militum frequentia, &
quare illi milites & veterani con-
gregati sint Romæ se dubitare sig-
nificant.*

*M. Brutus & C. Cassius Præt. M.
Antonio Coss. S. D.*

DE tua fide & benevolentia in nos,
nisi persuasum esset nobis, non
scripsissemus hæc tibi; quæ profecto,
quum istum animum habes, in optimam
partem accipies. Scribitur nobis mag-
nam veteranorum multitudinem Ro-
mam convenisse jam, & ad Calendas
Junias futuram multo majorem. De
te si dubitemus aut vereamur, simus
nostri dissimiles. Sed certe, cum ipsi
in tua potestate fuerimus, tuoque ad-
ducti consilio dimiserimus ex muni-
cipiis nostros necessarios, neque solum
edicto, sed etiam literis id fecerimus,
digni sumus quos habeas tui consilii
par-

LIBER SECUNDUS. 161

participes, in ea re præsertim quæ ad nos pertinet. Quare petimus a te, facias nos certiores tuæ voluntatis in nos; putefne, nos tutos fore in tanta frequentia militum veteranorum, quos etiam de reponenda ara cogitare audimus, quod velle & probare vix quicumquam posse videtur, qui nos salvos & honestos velit. Nos ab initio spectasse otium, nec quidquam aliud communis libertate quæsisse, exitus declarat. Fallere nemo nos potest, nisi tu; quod certe abest a tua virtute & fide; sed alius nemo facultatem habet decipiendi nos, tibi enim uni credidimus, & credituri sumus. Maximo timore de nobis afficiuntur amici nostri, quibus etsi tua fides explorata est, tamen illud in mentem venit, multitudinem veteranorum facilius impelli ab aliis quolibet, quam a te retineri posse. Rescribas nobis ad omnia rogamus. Nam illud valde leve est ac nugatorium, ea re denunciatum esse veteranis, quod de commodis eorum mense Junio laturus esses. Quem enim impedimento futurum putas, cum de nobis certum sit nos qui-

162 LIBER SECUNDUS.

quieturos? Non debemus cuiquam videre nimium cupidi vitæ, cum accidere nobis nihil possit sine perniciæ & confusione omnium rerum.

EX eod. LIBRO ad fam. EPIST. IV.

ARGUMENTUM.

Res a se gestas exponit, & Ciceronem rogat, ut Romæ dignitatem ejus tueatur, & sententia sua eum adjuvet contra Cesarianos, qui eum criminabantur, quod Casarem interfecisset.

D. Brutus Imp. M. T. Ciceroni S. D.

SI de tua in me voluntate dubitarem, multis a te verbis peterem, ut dignitatem meam tuerere; sed profecto est ita, ut mihi persuasi, me tibi esse curæ. Progressus sum ad Inalpinos cum exercitu, non tam nomen imperatorium captans, quam cupiens militibus satisfacere, firmosque eos ad tuendas nostras res efficere, quod mihi videor

LIBER SECUNDUS. 163

videor consecutus. Nam & liberalitatem nostram & animum sunt experti: cum omnium bellicosissimis bellum gessi, multa castella cepi, multa vastavi. Non sine causa ad senatum literas misi. Adjuva nos tua sententia, quod cum facies, ex magna parte communi commodo infervieris.

Ex eod. LIBRO ad fam. EPIST. V.

ARGUMENTUM.

Excusat se primum quare non rescripserit Bruto per Lupum, qui ejus ad se literas attulerat. Deinde hortatur Brutum, ut jactis maximis fundamentis libertatis interfecto Tyranno perficiet & reliqua, & oppresso M. Antonio liberet rempublicam dominatu regio, ut finis factorum suorum respondeat principio.

M. T. C.

M. T. Cicero *D. Bruto Imp. S. D.*

LUPUS familiaris noster cum a te venisset, cumque Romæ quosdam dies commoraretur, ego eram in iis locis, in quibus maxime me tuto esse arbitrabar. Eo factum est, ut ad te Lupus sine meis literis rediret, cum tamen curasset tuas ad me perferendas. Romam autem veni ad 5 Id. Decembris, nec habui quidquam antiquius, quam ut Pansam statim convenirem, ex quo ea de te cognovi, quæ maxime optabam. Quare hortatione tu quidem non eges, si ne illa quidem in re, quæ a te gesta est post hominum memoriam maxima, hortatorem desiderasti. Illud tamen significandum videtur, populum Romanum omnia a te expectare, atque in te aliquando recuperandæ libertatis omnem spem ponere. Tu, si dies noctesque memineris, (quod te facere certo scio) quantam rem gesseris, non obliviscere profecto, quantæ tibi etiam nunc gerendæ sunt. Si enim iste provinciam nactus erit, cui quidem

LIBER SECUNDUS. 165

Item ego semper amicus fui, ante quam illum intellexi non modo aperte, sed etiam libenter cum republica bellum gerere, spem reliquam nullam video salutis. Quamobrem te obsecro iisdem precibus, quibus Senatus populusque Romanus, ut in perpetuum rempublicam dominatu regio liberes, ut principis consentiant exitus. Tuum est hoc munus, tuæ partes: a te hoc civitas, vel omnes potius gentes non expectant solum, sed etiam postulant. Quamquam cum hortatione non egeas, ut supra scripsi, non utar ea pluribus verbis, faciam illud, quod meum est, ut tibi omnia mea officia, studia, curas, cogitationes pollicear, quæ ad tuam laudem & gloriam pertinebunt. Quamobrem velim tibi ita persuadeas, me tum reipublicæ causa, quæ mihi vita mea carior est, tum quod tibi ipsi faveam, tuamque dignitatem amplificari velim, tuis optimis consiliis, amplitudini, gloriæ nullo loco defuturum. Vale.

Ex

Ex eodem LIBRO ad fam. EPIST. XI.

ARGUMENTUM.

Scribit de Antonii profectioe ad Lepidum, & de dubia Planci fide, suoque in rempublicam studio atque constantia.

D. Brutus Imp. M. T. Ciceroni S. D.

EODEM exemplo literæ a te mihi redditæ sunt, quo pueri mei attulerunt. Tantum me tibi debere existimo, quantum persolvere difficile est. Scripsi tibi, quæ hic gererentur. In itinere est Antonius, ad Lepidum proficiscitur; ne de Planco quidem spem adhuc abjecit, ut ex libellis suis animadverti, qui in me inciderunt. In quibus, quos ad Asinium, quos ad Lepidum, quos ad Plancum mitteret, scribebat. Ego tamen non habui ambiguum, & statim ad Plancum misi; & biduo ab Allobrogibus, & totius Galliæ legatos expecto, quos confirmatos

LIBER SECUNDUS. 167

tos domum remittam. Tu, quæ istic opus erunt administrari, prospicies, ut ex tua voluntate, rei que publicæ commodo fiant. Malevolentia hominum in me, si poteris, occurrēs : si non poteris, hoc te consolabere, quod me de statu meo nullis contumeliis detertere possunt. Pridie Nonas Maii, ex castris, finibus Statiellensium.

Ex eodem LIBRO ad fam. EPIST. XVII.

A R G U M E N T U M.

Commendat Lamiam equitem Romanum in petitione præturæ.

M. T. Cicero D. Bruto Imp. S. D.

LAMIA uno omnium familiarissime utor. Magna ejus in me, non dico officia, sed merita, eaque sunt populo Romano notissima. Is magnificentissimo munere ædilitatis perfunctus petit præturam, omnesque intelligunt nec dignitatem ei deesse, nec gratiam. Sedis ambitus extare videtur, ut
ego

168 LIBER SECUNDUS.

ego omnia pertimescam, totamque petitionem Lamiae mihi sustinendam putem. In ea re quantum me possis adjuvare, facile perspicio; nec vero, quantum mea causa velis, dubito. Velim igitur, mi Brute, tibi persuadeas, nihil me majore studio a te petere, nihil te mihi gratius facere posse, quam si omnibus tuis opibus, omni studio Lamiam in petitione juveris, quod ut facias, vehementer rogo. Vale.

Ex eodem LIBRO ad fam. EPIST. XXIX.

ARGUMENTUM.

Cicero profecturus Legatus in Græciam, consulit Appium C., quod faciendum Appius putaret, persequitur, res suas Appio commendat, commemoratis ante beneficiis ab ipso acceptis.

M. T.

M. T. Cicero *Appio*. S. D.

DUbitanti mihi (quod scit Atticus noster) de hoc toto consilio profectionis, quod in utramque partem in mentem multa veniebant, magnum pondus accessit ad tollendam dubitationem, iudicium & consilium tuum. Nam & scripsisti aperte, quid tibi videretur, & Atticus ad me sermonem tuum per tulit. Semper iudicavi in te, & in capi-endo consilio prudentiam summam esse, & in dando fidem; maximeque sum expertus, cum initio civilis belli per literas te consuluissem, quid mihi faciendum esse sentires, eundemne ad Pomponium, an manendum in Italia. Suasisti ut consulerem dignitati meae; ex quo, quid sentires, intellexi, & sum admiratus fidem tuam, & in consilio dando religionem; quod, cum aliud malle amicissimum tuum putares, antiquius tibi officium meum, quam illius voluntas fuit. Equidem & ante hoc tempus te dilexi, & semper me a te dili-
gi sensi. Et cum abessem, atque in
I magnis

magnis periculis essem ; & me absentem & meos præfentes a te cultos & defenfos esse memini. Et post meum reditum, quam familiariter mecum vixeris , quæque ego de te & fenserim, & prædicarim, omnes, qui solent hæc animadvertere, testes habemus. Gravissimum vero iudicium de mea fide & de constantia fecisti, cum post mortem Cæsaris & totum te ad amicitiam meam contulisti. Quod tuum. iudicium, nisi mea summa benevolentia erga, omnibusque meritis comprobato, ipse me hominem non putabo. Tu, mi Appi, conservabis amorem tuum, (etsi more magis hoc quidem scribo, quam quo te admonendum putem) meaque omnia tuebere ; quæ tibi ne ignota essent, Attico mandavi : a me autem, cum paulum otii nacti erimus, uberiores literas expectato. Da operam ut valeas, hoc mihi gratius facere nihil potes.

EX LIBRO XII. ad fam. EPIST. III.

ARGUMENTUM.

In hac Epistola in Antonii immoderatam potentiam & tyrannidem vehementer invebitur.

M. T. Cicero C. Cassio. S. D.

AUget tuus amicus furorem in dies, primum in statua, quam posuit in rostris, PARENTI OPTIME MERITO; ut non modo sicarii, sed jam etiam paricidæ judicemini: quid dico judicemini? judicemur potius. Vestri enim pulcherrimi facti illè furiosus me principem dicit fuisse. Utinam quidem fuisset, molestus nobis non esset. Sed hoc vestrum est: quod quum præteriit, utinam haberem quid vobis darem consilii. Sed ne mihi quidem ipsi reperio quid faciendum sit. Quid enim est quod contra vim sine vi fieri possit? Consilium omne autem hoc est illorum, ut mortem Cæsaris persequantur. Ita-

I 2

quo

172 LIBER SECUNDUS.

que ad vi Non. Octob. productus in concionem a Canutio, turpissime ille quidem discessit ; sed tamen ea dixit de conservatoribus patriæ, quæ dici deberent de proditoribus. De me quidem non dubitanter, quin omnia de meo consilio & vos fecissetis, & Canutius faceret. Cætera cujuscumque sint, ex hoc judica, quod legato tuo viaticum eripuerunt. Quid eos interpretari putas, cum hoc faciunt ? Ad hostem scilicet portari. O rem miseram ! dominum ferre non potuimus, conservo servimus. Et tamen me quidem favente magis quam sperante, etiam nunc residet spes in virtute. Sed ubi sunt copiæ ? De reliquo, malo te ipsum loqui tecum, quam nostra dicta cognoscere. Vale

EX eodem LIBRO ad fam. EPIST. VII.

ARGUMENTUM.

Cum pugnaret in Asia Cassius contra Dolabellam, Cicero eum vehementer laudaverat, promiseratque eum facturum per se quicquid videretur fore

LIBER SECUNDUS. 173

fore utile reipublicæ, nec expectaturum senatus decreta ut liberaret Asiam a Dolabella, qui fuerat iudicatus hostis. Hoc commemorat, & ab eo petit, ut præstet quæ ipse Cicero Senatui de eo promisit, & quasi data fide affirmavit.

M. T. Cicero C. Cassio. S. D.

QUANTO studio dignitatem tuam, & in senatu, & ad populum defenderim, ex tuis te malo, quam ex me, cognoscere. Quæ mea sententia in Senatu facile valuisset, nisi Pansa vehementer obstitisset. Ea sententia dicta, productus sum in concionem a tribuno plebis, M. Servilio. Dixi de te, quæ potui, tanta contentione, quantum forum est; tanto clamore, consensuque populi, ut nihil unquam simile viderim. Id velim mihi ignoscas, quod invita focru tua fecerim. Mulier timida verebatur, ne Pansæ animus offenderetur. In concione quidem Pansa dixit, matrem quoque tuam & fratrem, illam a me sententiam noluisse dici. Sed me hæc

174 LIBER SECUNDUS.

non movebant ; alia malebam. Favebam & reipublicæ, cui semper favi, & dignitati ac gloriæ tuæ. Quod autem & in senatu pluribus verbis disserui, & dixi in concione, in eo velim fidem meam liberes. Promisi enim, & prope confirmavi, te non expectasse, nec expectaturum decreta nostra, sed te ipsum tuo more rempublicam defensurum ; &, quanquam nihil dum audieramus, nec ubi esses, nec quas copias haberes ; tamen sic statuebam, omnes, quæ in istis partibus essent, opes, copiæque, tuas esse : per teque Asiam provinciam confidebam jam reipublicæ recuperatam. Tu fac in augenda gloria te ipsum vincas. Vale.

Ex eodem LIBRO ad fam. EPIST. IX.

ARGUMENTUM.

Scribit de bello propter Lepidi perfidiam renovato, & Cassium ad liberandam rempublicam hortatur, eumque, ut in Italiam properet, monet.

M. T.

M. T. Cicero C. Cassio. S D.

Brevitas tuarum literarum me quoque breviorē in scribendo facit : & , vere ut dicam , non fatis occurrit quid scribam . Nostras enim res in actis perferri ad te certo scio , tuas autem ignoramus . Tanquam enim clausa sit Asia , sic nihil perfertur ad nos , præter rumores de oppresso Dolabella , fatis illos quidem constantes , sed adhuc sine auctore . Nos , confectum bellum cum putaremus , repente a Lepido tuo in summam sollicitudinem adducti sumus . Itaque persuade tibi , maximam reipublicæ spem in te , & in copiis esse tuis . Firmos omnino exercitus habemus ; sed tamen , ut omnia (ut spero) prospere succedant , multum interest te venire . Eixgua enim spes est reipublicæ ; nam nullam non libet dicere ; sed , quæcunque est , ea despondetur anno consulatus tui . Vale .

Ex eod: LIBRO ad fam. EPIST. XVII.

ARGUMENTUM.

Cornificio, Africam regenti, vivo adhuc Cesare, varia scribit, de rumoribus e Syria allatis, de otio civitatis, de Oratore a se scripto, de suo studio in Cornificium.

M. T. Cicero Cornificio Collegæ S. D.

GRATA mihi vehementer est memoria nostri tua, quam significasti literis; quam ut conserves, (non quo de tua constantia dubitem; sed quia mos est ita rogandi (rogo. Ex Syria nobis tumultuosiora quædam nuntiata sunt, quæ, quia tibi sunt propiora, quam nobis, tua me causa magis movent, quam mea. Romæ summum otium est, sed ita, ut malis salubre aliquod & honestum negotium; quod spero; video id curæ esse Cæsari. Me scito, dum tu absis, quasi occasionem quandam & licentiam nactum scribere au-

audacius, & cætera quidem fortasse, quæ etiam tu concederes; sed proxime scripsi de optimo genere dicendi: in quo sæpe suspicatus sum, te a iudicio nostro, sic scilicet, ut doctum hominem a non indocto, paululum diffidere. Huic tu libro, maxime velim ex animo, si minus, gratiæ causa suffragere. Dicam tuis, ut eum, si velint, describant, ad teque mittant. Puto enim, etiam si rem minus probabis, tamen in ista solitudine, quicquid a me profectum sit, jucundum tibi fore. Quod mihi existimationem tuam, dignitatemque commendas, facis tu quidem omnium more; sed velim sic existimes, me, cum amori, quem inter nos mutuum esse intelligam, plurimum tribuere, tum de summo ingenio, & de studiis tuis optimis, & de spe amplissimæ dignitatis ita judicare, ut neminem tibi anteponomam comparem paucos. Vale.

178 LIBER SECUNDUS.

EX COD. LIBRO ad fam EPIST. XIX.

ARGUMENTUM.

Gratulatur de Syria administratione illi a Cesare mandata, eamque optat a Parthico bello vacuam; quod si bellum sit, exemplum ei proponit M. Bibuli, qui se oppido munitissimo tenuerat, quamdiu Parthi in provincia fuerint.

M. T. Cicero Cornificio S. D.

Libentissime legi tuas literas, in quibus jucundissimum mihi fuit, quod cognovi meas tibi redditas esse. Non enim dubitabam quin eas lubenter lecturus esses, verebar ut redderentur. Bellum quod est in Syria, Syriamque provinciam tibi tributam esse a Cesare, ex tuis literis cognovi. Eandem rem tibi volo bene & feliciter evenire. Quod ita fore confido, fretus & industria & prudentia tua. Sed de Parthici belli suspitione quod scribis, fane me commovit.

movit. Quantum copiarum haberes, cum ipse conjectura consequi poteram, tum ex tuis literis cognovi. Itaque opto ne se illa gens moveat hoc tempore, dum ad te legiones eæ perducantur, quas audioduci. Quod si pares copias ad confligendum non habebis, non te fugiet uti consilio M. Bibuli, qui se oppido munitissimo & copiosissimo tamdiu tenuit, quamdiu in provincia Parthi fuerunt. Sed hæc melius ex re & ex tempore constitues. Mihi quidem usque curæ erit quid agas, dum, quid egeris, sciero. Literas ad te nunquam habui cui darem, quin dederim. A te, ut idem facias, peto; in primisque, ut ita ad tuos scribas, ut me tuum sciant esse.

Ex eod. LIB. ad fam. EPIST. XXI.

ARGUMENTUM.

Anicium senatorem, ejusque negotia & dignitatem commendat, ut cum omnibus rebus adjuvet.

M. T.

M. T. Cicero *Cornificio* S. D.

CAIUS Anicius, familiaris meus, vir omnibus rebus ornatus, negotiorum suorum causa legatus est in Africam legatione libera. Eum velim omnibus rebus adjuves, operamque des, ut quam commodissime sua negotia conficiat: in primisque, quod ei carissimum est, dignitatem ejus tibi commendo: idque a te peto, quod ipse in provincia facere sum solitus, non rogatus, ut omnibus senatoribus lictores darem; quod idem acceperam & cognoveram a summis viris factitatum. Hoc igitur, mi Cornifici, facies, cæterisque rebus omnibus ejus dignitati, reique, si me amas, consulles: id erit mihi gratissimum. Da operam, ut valeas.

Ex

Ex eod. LIB. ad fam. EPIST. XXIV.

ARGUMENTUM.

Cornificium hortatur, ut omni cura in rempublicam incumbat, deinde ostendit nihil esse certi Romæ, quia nondum redierant legati ad Antonium a senatu missi; postremo commendat ei T. Pinarium, quendam procuratorem cujusdam Dionysii, ut amborum causa, & Pinarium, & negotia omnia, quæ procurat, commendata habeat.

M. T. Cicero Cornificio S. D.

EGO nullum locum prætermitto (nec enim debeo) non modo laudandi tui, sed ne ornandi quidem. Sed mea studia erga te, & officia malo tibi ex tuorum literis, quam ex meis, esse nota. Te tamen hortor, ut omni cura in rempublicam incumbas: hoc est animi, hoc est ingenii tui, hoc ejus spei, quam habere debes amplificandæ

dæ dignitatis tuæ. Sed hac de re alias ad te pluribus: cum enim hæc scribebam, in expectatione erant omnia: nondum legati redierant, quos senatus non ad pacem deprecandam, sed ad denuntiandum bellum miserat, nisi legatorum nuntio paruisset. Ego tamen, ut primum occasio data est, meo pristino more rempublicam defendi; me principem senatui populoque Romano professus sum: nec postea, quam suscepi causam libertatis, minimum tempus amisi tuendæ salutis libertatisque communis. Sed hæc quoque te ex aliis malo. T. Pinarium, familiarissimum meum, tanto tibi studio commendo, ut majore non possim. Cui, cum propter omnes virtutes, tum etiam propter studia communia, sum amicissimus. Is procurat rationes negotiaque Dionysii nostri, quem & tu multum amas, & ego omnium plurimum. Ea tibi ego non debeo commendare; sed commendo tamen. Facies igitur ut ex Pinarii, gratissimi hominis, literis, tuum & erga illum, & erga Dionysium studium perspiciamus. Ex

Ex eod. LIB. ad fam. EPIST. XXIX.

ARGUMENTUM.

Commendat L. Lamiae negotia, eumque suspectum Cornificio, quasi affuisset cuidam senatusconsulto contra dignitatem ejus, excusat.

M. T. Cicero Cornificio S. D.

NON modo te, cui omnia nostra notissima sunt, sed neminem in populo Romano arbitror esse, cui sit ignota ea familiaritas, quæ mihi cum Lamia est. Etenim magno theatro spectata est tum, cum est ab A. Gabinio consule relegatus, quod libere & fortiter salutem meam defendisset. Nec ex eo amor inter nos natus est; sed quod erat vetus & magnus, propterea nullum periculum pro me adire dubitavit. Ad hæc officia, vel merita potius, jucundissima consuetudo accedit, ut nullo prorsus plus homine delecter. Non puto te
jam.

jam expectare quibus eum tibi verbis commendem ; causam enim tanti amoris intelligis ; quæ verba desideret, iis me omnibus usum putato. Tantum velim existimes, si negotia Lamix, procuratores, libertos, familiam, quibuscunque rebus opus erit, defenderis, gratius mihi futurum, quam si ea tua liberalitas pertinuisset ad rem familiarem meam. Nec dubito, quin sine mea commendatione (quod tuum est iudicium de hominibus) ipsius Lamix causa studiose omnia facturus sis, quanquam erat nobis dictum, te existimare, alicui Senatusconsulto, quod contra dignitatem tuam fieret, scribendo Lamiam affuisse ; qui omnino consulibus illis nunquam fuit ad scribendum ; deinde omnia tum falsa Senatusconsulta deferebantur. Nisi forte etiam illi Semproniano Senatusconsulto me censes affuisse, qui ne Romæ quidem tum fui, deque eo ad te scripsi, re recenti. Sed hæc hactenus. Te, mi Cornifici, etiam atque etiam rogo, ut omnia Lamix negotia, mea putes esse ; curesque ut intelligat hanc commendationem maximo sibi usui

LIBER SECUNDUS. 185

ufui fuiſſe. Hoc mihi gratius facere
nihil potes. Cura ut valeas.

EX LIB. XIII. ad fam. EPIST. II.

ARGUMENTUM.

*Antequam Cicero Athenis diſcederet,
ſcripſit ad Memmium petens, ut
Evandro ſtatuario de ſacrarii ha-
bitatione accommodet.*

M. T. Cicero Memmio S. D.

CAIO Aviano Evandro, qui habi-
tat in tuo ſacrario, & ipſo multum
utor, & patrono ejus M. Æmilio fa-
miliariffime. Peto igitur a te majore-
rem in modum, quod ſine tua moleſtia
fiat, ut ei de habitatione accommodes.
Nam propter opera inſtituta multa
multorum, ſubitum eſt ei remigrare
calendis Quintilibus. Impedior vere-
cundia, ne te pluribus verbis rogem.
Neque tamen dubito, quin, ſi tua ni-
hil, aut non multum interſit, eo ſis
animo, quo ego eſſem, ſi quid tu me
rogares:

186 LIBER SECUNDUS.

rogares: mihi certe gratissimum feceris.

EX eod. LIBRO ad fam. EPIST. III.

ARGUMENTUM.

Fusium commendat, quem & ante præsens præsenti commendarat.

M. T. Cicero Memmio S. D.

Aulum Fusium, unum ex meis intimis, observantissimum studiosissimumque nostri, eruditum hominem, & summa humanitate, tuaque amicitia dignissimum, velim ita tractes, ut mihi coram recepisti. Tam gratum mihi id erit, quam quod gratissimum. Ipsum præterea summo officio & summa observantia tibi in perpetuum devinxeris. Vale.

Ex

LIBER SECUNDUS. 187

EX eod. LIBRO ad fam. EPIST. VI.

Generatim omnes amicos Cuspia commendat, nominatim L. Fulium, & P. Cornelium.

M. T. Cicero Q. Valerio Q. Orca
Filio Procos. S. D.

SI vales, bene est, ego quidem valeo. Credo te memoria tenere, me & coram P. Cuspia tecum locutum esse, cum te prosequerer paludatum : & item postea pluribus verbis tecum egisse, ut, quoscunque tibi ejus necessarios commendarem, haberes eos in numero meorum necessariorum. Id tu pro tua summa erga me benevolentia, perpetuaque observantia mihi liberalissime atque humanissime recepisti. Cuspia, homo in omnes suos officiosissimus, mirifice quosdam homines ex ista provincia tuetur & diligit, propterea quod fuit in Africa bis, cum maximis societatis negotiis praeset. Itaque hoc ejus officium, quod
ad-

188 LIBER SECUNDUS.

adhibet erga illos, ego mea facultate & gratia soleo, quantum possum, adjuvare. Quare Cuspianorum omnium commendationis causam hac tibi epistola exponendam putavi. Reliquis epistolis tantum faciam, ut notam apponam eam, quæ mihi tecum convenit, & simul significem de numero esse Cuspiani amicorum. Sed hanc commendationem, quam his literis consignare volui, scito esse omnium gravissimam. Nam P. Cuspius singulari studio conrendit a me, ut tibi quam diligentissime L. Julium commendarem. Ejus ego studio vix videor mihi satisfacere posse, si utar verbis iis, quibus, cum diligentissime quid agimus, uti solemus. Nova quædam postulat, & putat me ejus generis artificium quoddam tenere. Ei ego pollicitus sum me ex intima nostra arte deprompturum mirificum genus commendationis. Id quando assequi non possum, tu re velim efficias, ut ille genere mearum literarum incredibili quoddam perfectum arbitretur. Id facies, si omne genus libe-

liberalitatis, quod & ab humanitate & potestate tua proficisci poterit, non modo re, sed etiam verbis, vultu denique exprompseris: quæ quantum valeant, vellem expertus esses. Sed tamen suspicor, ipsum hominem, quem tibi commendo, perdignum esse tua amicitia; non solum, quia mihi Cuspianus dicit, credo (tametsi id satis esse debebat) sed quia novi ejus judicium in hominibus & amicis diligendis. Harum literarum vis quanta fuerit, propediem judicabo, tibi que, ut confido, gratias agam. Ego, quæ te velle, quæque ad te pertinere arbitror, omnia studiose diligenterque curabo. Cura ut valeas. P. Cornelius, qui tibi has literas dedit, est mihi a P. Cuspiano commendatus; cujus causa quanto opere cuperem deberemque, profecto ex me facile cognosti. Vehementer te rogo ut cures, ut ex hac commendatione mihi Cuspianus quam maximas, quam primum, quam sapissime gratias agat. Vale.

Ex

Ex eod. LIBRO ad fam. EPIST. XII.

ARGUMENTUM.

Q. Fufidium, Arpinatis municipii legatum, qui tribunus militum in Cilicia fuerat, diligenter commendat.

M. T. Cicero Bruto S. D.

ALIA epistola communiter commendavi tibi legatos Arpinatium, ut potui diligentissime: hac separatim Q. Fufidium, quo cum mihi omnes necessitudines sunt, diligentius commendo: non ut aliquid de illa commendatione comminuam, sed ut hanc addam. Nam & privignus est M. Cæsii, mei maxime familiaris & necessarii, & fuit in Cilicia mecum tribunus militum: quo in munere ita se tractavit, ut accepisse ab eo beneficium viderer, non dedisse. Est præterea (quod apud te valet plurimum) a nostris studiis non ab-

LIBER SECUNDUS. 191

abhorrens. Quare velim eum quam liberalissime complectare; operamque des, ut in ea legatione, quam suscepit contra suum commodum, fecutus auctoritatem meam, quam maxime ejus excellat industria. Vult enim, id quod optimo cuique natura tributum est, quam maximam laudem, cum a nobis, qui eum impulimus, tum a municipio consequi: quod ei continget, si hac mea commendatione tuum erga se studium erit consecutus. Vale.

Ex eod. LIBRO ad fam. EPIST. XX:

ARGUMENTUM.

Asclaponem Patrensem civem & medicum commendat, hujusque artem & fidelitatem, quorum utrumque dicit se esse expertum, laudat.

M. T.

192 LIBER SECUNDUS.

M. T. Cicero *Servio Sulpicio* S. D.

A Sclapone Patrensi, medico, utor valde familiariter, ejusque cum consuetudo mihi jucunda fuit, tum ars etiam, quam sum expertus in valetudine meorum. In qua mihi cum ipsa scientia, tum etiam fidelitate benevolentiaque satisfecit. Hunc igitur tibi commendo; & a te peto, ut des operam, ut intelligat, diligenter me scripsisse de sese, meamque commendationem usui magno sibi fuisse. Erit id mihi vehementer gratum. Vale.

Ex cod. LIB. ad fam. EPIST. XXV.

ARGUMENTUM.

Hagesaretum breviter, sed accurate commendat.

M. T.

M. T. Cicero *Servio Sulpicio* S. D.

HAgesaretus Larissæus magnis meis beneficiis ornatus in consulatu meo, memor & gratus fuit, meque postea diligentissime coluit. Eum tibi magnopere commendo, ut & hospitem meum, & familiarem, & gratum hominem & virum bonum, & principem civitatis suæ, & tua necessitudine dignissimum. Pergratum mihi feceris, si dederis operam, ut is intelligat hanc meam commendationem magnum apud te pondus habuisse. Vale.

Ex eod. LIB. ad fam. EPIST. XXXI.

ARGUMENTUM.

Flavium, C. Pisonis, generi sui, cum viveret, per necessarium commendat.

K

M.

M. T. Cicero *Acilio Procos.* S. D.

C Flavio, honesto & ornato equite Romano, utor valde familiariter. Fuit enim generi mei, C. Pisonis, pernecessarius, meque diligentissime observat & ipse & L. Flavius, frater ejus. Quapropter velim honoris mei causa, quibus rebus honeste, & pro tua dignitate poteris, quam honorificentissime, & quam liberalissime C. Flavium tractes. Id mihi sic erit gratum, ut gratius esse nihil possit. Sed præterea tibi affirmo, neque id ambitione adductus facio, sed tum familiaritate & necessitudine, tum etiam veritate, te ex C. Flavii officio & observantia, & præterea splendore, atque inter suos gratia, magnam voluptatem esse capturum.

Ex

EX eod. LIBRO ad fam EPIST. LXXI.

ARGUMENTUM.

Commendat T. Agustum, veterem Amicum.

M. T. Cicero P. Servilio Collegæ S. D.

MULTOS tibi commendem necesse est, quum omnibus nota nostra necessitudo est, tuaque erga me benevolentia. Sed tamen etsi omnium causa, quos commendo, velle debeo, tamen cum omnibus non eadem mihi causa est. T. Agustius & comes meus fuit illo miserrimo tempore, & omnium itinerum, navigationum, laborum, periculorum meorum socius; neque hoc tempore discessisset a me, nisi ego ei permissem. Quare sic tibi eum commendo, ut unum de meis domesticis, & maxime necessariis. Pergratum mihi feceris, si eum ita tractaris, ut intelligat, hanc commendationem sibi magno usui, atque adjumento fuisse.

196 LIBER SECUNDUS.

EX LIBRO XIV. ad Terentiam &
liberos, EPIST. I.

ARGUMENTUM.

*Hac epistola ad Terentiam uxorem
Ciceronis missa, quo tempore erat
in exilio, dolet & ingemiscit quod
sua culpa Terentia in tantas mi-
serias conjēcta sit, & simul liberi
sui.*

M. T. Cicero *Terentia suae, Tulli-
olae suae, Ciceroni suo S. D.*

ET literis multorum, & sermone
omnium perfertur ad me, incre-
dibilem tuam virtutem & fortitudinem
esse, teque nec animi, nec corporis la-
boribus defatigari. Me miserum! te
ista virtute, fide, probitate, humani-
tate, in tantas ærumnias propter me
incidisse! Tulliolamque nostram, ex
quo patre tantas voluptates capiebat,
ex eo tantos percipere luctus! nam
quid ego de Cicerone dicam? qui cum
primum

primum sapere coepit, acerbissimos dolores, miseriaeque percepit. Quæ si, ut tu scribis, fato facta putarem, ferrem paulo facilius; sed omnia sunt mea culpa commissa, qui ab his me amari putabam qui invidebant; eos non sequebar, qui petebant. Quod si nostris consiliis usi essemus, neque apud nos tantum valuisset sermo, aut stultorum amicorum aut improborum, beatissimi viveremus: nunc, quum sperare nos amici jubent, dabo operam, ne mea valetudo tuo labori desit. Res quanta sit intelligo, quantoque fuerit facilius manere domi, quam redire. Sed tamen, si omnes tribunos plebis habemus, si Lentulum tam studiosum quam videtur, si vero etiam Pompeium & Cæsarem, non est desperandum. De familia, quomodo placuisse amicis scribis, faciemus. De loco nunc quidem jam abiit pestilentia, sed quamdiu fuit, me non attigit. Plancius, homo officiosissimus, me cupit esse secum, & adhuc retinet. Ego volebam loco magis deserto esse in Epiro, quo neque Hypso veniret, nec milites; sed adhuc Plan-

cuius me retinet : sperat posse fieri ut mecum in Italiam decedat. Quem ego diem si videro, & si in vestrum complexum venero, ac si & vos & me ipsum recuperaro, satis magnum mihi fructum videbor percepisse & vestrae pietatis & meae. Pisonis humanitas, virtus, amor in omnes nos tantus est, ut nihil supra possit. Utinam ea res ei voluptati sit, gloriae quidem video fore. De Q. fratre nihil ego te accusavi; sed vos, cum praesertim tam pauci sitis, volui esse quam conjunctissimos. Quibus me voluisti gratias agere, egi, & me a te certiolem factum esse scripsi. Quod ad me, mea Terentia, scribis te vicum venditurum; quid obsecro te (me miserum!) quid futurum est? Et, si nos premet eadem fortuna, quid puero misero fiet? Non queo reliqua scribere (tanta vis lacrymarum est) ne te in eundem fletum adducam. Tantum scribo, si erunt in officio amici, pecunia non deerit; si non erunt, tu efficere tua pecunia non poteris. Per fortunas miseras nostras, vide ne puerum perditum perdamus: cui si aliquid erit, ne egeat,

LIBER SECUNDUS. 199

egeat, mediocri virtute opus est, & mediocri fortuna ut cætera consequatur. Fac valeas & ad me tabellarios mittas, ut sciam quid agatur, & vos quid agatis. Mihi omnino jam brevis expectatio est. Tulliolarum & Ciceroni salutem dic. Valete. a. d. vi. Calend. Decemb. Dyrrachii. Dyrrachium veni, quod & libera civitas est, & in me officiosa, & proxima Italiae. Sed si me offendet loci celebritas, alio me conferam & ad te scribam.

Ex eod. LIBRO ad Terentiam & Liberos EPIST. II.

ARGUMENTUM.

Excusat Cicero brevitatem literarum; cum ad omnes alios, tum vero ad uxorem suam, ad quam dicit se non posse scribere sine multis lacrymis. Deinde dicit se dolere, quod intellexerit eam a quibusdam vexatam esse, cum id fiat culpa ipsius. Postremo dissuadet ei sumptum in ædificando, hortaturque eam, ut

K 4

cæteris

ceteris omnibus omissis, valetudinem diligenter curet.

M. T. Cicero *Terentiae suae, Tulliolarum & Ciceroni suis*, S. D.

NOLI putare me ad quenquam longiores epistolas scribere, nisi si quis ad me plura scripsit, cui puto rescribi oportere. Nec enim habeo quid scribam, nec hoc tempore quidquam difficilius facio. Ad te vero, & ad nostram Tulliolarum non queo sine plurimis lacrymis scribere. Vos enim video esse miserrimas, quas ego beatissimas semper esse volui, idque præstare debui; &, nisi tam timidi fuissetis, præstitissem. Pisonem nostrum merito ejus amo plurimum. Eum, ut potui, per literas cohortatus sum, gratiasque egi, ut debui. In novis tribunis pleb. intelligo spem te habere: id erit firmum, si Pompeii voluntas erit: sed Crassum metuo. A te quidem omnia fieri fortissime & amantissime video: nec miror; sed moereo casum ejusmodi, ut tantis tuis miseriis meæ
mi-

miseriæ subleventur. Nam ad me P. Valerius, homo officiosus, scripsit, id quod ego maximo cum fletu legi, quemadmodum a Vestæ ad Tabulam Valeriam ducta esses. Hem, mea lux, meum desiderium, unde omnes opem petere solebant! Te nunc, mea Terentia, sic vexari, sic jacere in lacrymis & foribus! idque fieri mea culpa, qui cæteros servavi, ut nos periremus. Quod de domo scribis, hoc est, de area; ego vero tum denique mihi videbor restitutus, si illa nobis erit restituta. Verum hæc non sunt in nostra manu. Illud doleo, quæ impensa facienda est, in ejus partem te miseram & despoliatam venire. Quod si conficitur negotium, omnia consequemur: sin eadem nos fortuna premet, etiamne reliquias tuas misera projicies? Obsecro te, mea vita, quod ad sumptum attinet, sine alios, qui possunt, si modo volunt sustinere: & valetudinem istam infirmam, si me amas, noli vexare. Nam mihi ante oculos dies noctesque versaris. Omnes labores te excipere video, timeo ut sustineas: sed video in te esse omnia.

Quare,

202 LIBER SECUNDUS.

Quare, ut id, quod speras, & quod agis, consequamur, servi valetudini. Ego, ad quos scribam, nescio, nisi aut ad eos, qui ad me scribunt; aut ad eos, de quibus ad me vos aliquid scribitis. Longius, quoniam vobis ita placet, non discedam; sed velim quam sæpissime literas mittatis, præsertim si quid est firmitus, quod speremus. Valet, mea desideria, Valet. Ad III. Nonas Octob. Thessalonicæ.

Ex eod. LIB. ad Terentiam & Liberos EPIST. III.

ARGUMENTUM.

Queritur, & dolet, quod sua culpa & ipse, & omnes sui maximas in misérias inciderint; deinde ad varia literarum Terentiæ capita respondet, sed ita dolenter, ut ideo a nonnullis, jure fortasse, tanquam mollis reprehendatur.

M. T.

M. T. Cicero *Terentia, Tulliola, & Ciceroni suis* S. D.

A Ccepi ab Aristocrito tres epistolas, quas ego lacrymis prope delevi. Conficior enim mœrore, mea Terentia ; nec meæ me miseræ magis excruciant, quam tuæ, vestræque. Ego autem hoc miserior sum quam tu, quæ es miserrima, quod ipsa calamitas communis est utriusque nostrum, sed culpa mea propria est. Meum fuit officium, vel legatione vitare periculum, vel diligentia, & copiis resistere, vel cadere fortiter: hoc miserius, turpius, indignius nobis nihil fuit. Quare cum dolore conficior, tum pudore. Pudet enim me uxori meæ optimæ, suavissimis liberis virtutem & diligentiam non præstitisse. Nam mihi ante oculos dies noctesque versatur squalor vester & mœror, & infirmitas valetudinis tuæ : spes autem salutis pertenuis ostenditur. Inimici sunt multi, invidi pœne omnes. Ejicere nos magnum fuit, excludere facile est. Sed
tamen

tamen quamdiu vos eritis in spe, non deficiam, ne omnia mea culpa cecidisse videantur. Ut tuto sim, quod laboras, id mihi nunc facillimum est; quem etiam inimici volunt in his tantis miseriis. Ego tamen faciam, quæ præcipis. Amicis, quibus voluisti, egī gratias, & eas Desippo dedi, meque de eorum officio scripsi a te certiores esse factum. Pisonem nostrum mirifico esse studio in nos & officio, & ego perspicio, & omnes prædicant. Di faxint, ut tali genero mihi præsentit tecum simul & cum liberis nostris frui liceat. Nunc spes reliqua est in novis tribunis pleb. & in primis quidem diebus. Nam si inveterarit, actum est. Ea re ad te statim Aristocritum misi, ut ad me continuo initia rerum, & rationem totius negotii posses scribere; etsi Desippo quoque ita imperavi, statim ut recurreret; & ad fratrem misi, ut crebro tabellarios mitteret; nam ego eo nomine sum Dyrrachii hoc tempore, ut quam celerrime, quid agatur, audiam, & sum tuto. Civitas enim hæc semper a me defensa est. Cum
inimici

LIBER SECUNDUS. 205

inimici nostri venire dicentur, tum in Epirum ibo. Quod scribis, te, si velim, ad me venturam; ego vero, cum sciam magnam partem istius oneris abs te sustineri, te istuc esse volo. Si perficitis quod agitis, me ad vos venire oportet. Sin autem —. Sed nihil opus est reliqua scribere. Ex primis, aut summum secundis literis tuis constituere poterimus, quid nobis faciendum sit. Tu modo ad me velim omnia diligentissime perscribas; etsi magis jam rem, quam literas, debeo spectare. Cura ut valeas, & ita tibi persuadeas, mihi te carius nihil esse, nec unquam fuisse. Vale mea Terentia, quam ego videre videor, itaque debilitor lacrymis. Vale. Prædie Calendas Decembres. Dyrrachii.

EX LIB. XV. ad Consules & alios
EPIST. VIII.

ARGUMENTUM.

Gratulatur M. Marcello de filio Consule factò, petitque ut se absentem diligat atque defendat.

M. T.

M. T. Cicero *Proconsul M. Marcello*
Collegæ S. D.

M Arcellum tuum, consulem factum, teque ea lætitia affectum esse, quam maxime optasti, mirandum in modum gaudeo: idque cum ipsius causa, tum quod te omnibus secundissimis rebus dignissimum judico; cujus erga me singularem benevolentiam vel in labore meo, vel in honore perspexi; totam denique domum vestram vel salutis vel dignitatis meæ studiosissimam cupidissimamque cognovi. Quare gratum mihi feceris, si uxori tuæ Juniae, gravissimæ atque optimæ foeminæ, meis verbis eris gratulatus. A te id, quod fuesti, peto, me absentem diligas atque defendas. Vale.

EX EOD. LIBRO ad Consules & cæteros EPIST. IX.

ARGUMENTUM.

M. Marcello gratulatur de fratre patruele consule designato, petitque ab eo,

LIBER SECUNDUS. 207

eo, ut sibi quamprimum, annuo provinciae imperio finito, successor mit-
tatur.


M. T. Cicero *Procos. M. Marcello*
Cos. S. P. D.

TE & pietatis in tuos, & animi in-
republicam, & clarissimi atque
optimi consulatus, C. Marcello consu-
le facto, fructum cepisse, vehementer
gaudeo. Non dubito, quid presentes
sentiant: nos quidem longinqu, & a
te ipso missi in ultimas gentes, id coe-
lum mehercule te tollimus verissimis &
justissimis laudibus. Nam cum te a
pueritia tua unice dilexerim; tuque me
in omni genere semper amplissimum esse
volueris & judicaris; tum hoc vel tuo
facto, vel populi Romani de te iudicio,
multo acrius vehementiusque diligo:
maximaque lætitia afficior, cum ab ho-
minibus prudentissimis, virisque optimis,
omnibus dictis, factis, studiis, institutis,
vel me tui similem esse audio, vel te
mei. Unum vero si addis ad præcla-
rissimas res consulatus tui, ut aut mihi
suc-

succedat quam primum aliquis, aut ne quid accedat temporis ad id, quod tu mihi & Senatusconsulto & lege finisti, omnia me per te consecutum putabo. Cura ut valeas, & me absentem diligas atque defendas. Quæ mihi de Parthis nuntiata sunt, quia non putabam a me etiam nunc scribenda esse publice, propterea ne pro familiaritate quidem nostra volui ad te scribere, ne, cum ad consilem scripsissem, publice viderer scripsisse.

F I N I S.





O Mark, in or shall in thy name
What a Nation know not truly; name
when in thy blood, especially the way

